

arina  
11

Observatorio de San Fernando  
BIBLIOTECA

Núm. del Inventario **3872**

Se  
Ca  
Es

Observatorio de Marina  
BIBLIOTECA

Núm. **150**

*Compel 1 de*

~~*3872*~~

BIBLIOTECA  
DEL  
OBSERVATORIO DE S. FERNANDO



# Orontij Finæi Delphi-

NATIS, REGII MATHEMA-

ticarum Lutetiæ professoris, In eos quos de

Mundi sphaera conscripsit libros, ac in

Planetarum theoricæ, Canonum

Astronomicorum

LIBRI II.

LUTETIAE,

Apud Michaëlem Vascofanum, uia Iacobæa  
ad insigne Fontis.

1553.

CVM PRIVILEGIO.

PRIVILEGII SENTENTIA.

Cautum est auctoritate Henrici I Galliarum Regis, ne quis alius præter Vascofanum, hosce Canonum Orontianorum libros ante sexennium imprimat, néue uēdat. Qui secus fecerit, libris, & pœna in sanctione æstimata multabitur.  
Lutetiæ Parisiorū Idibus Aprilis, M. L. III.

Par le Conseil

Longuet.

ORONTII FINAEI  
DELPHINATIS, REGII MA-  
thematicarum Lutetię professoris: in sequentes  
Canonum libros,

PRAEFATIO

Ad humanissimum, simul & eruditum uirum,  
Ioannem Camusiũ Lugdunęsem, Christianis.  
Francorum Regis, supremique senatus à secre-  
tis, compatrem, & amicum suum charissimum.



ONSCRIPSIMVS ALIQVAN-  
do, ab hinc uidelicet annis uiginti, clarissi-  
me Ioannes, aliquot de rebus astronomicis  
atque geographicis canones: quos ad depre-  
hendendos eorum fructus, quę tum ab ipso  
primo motu, tum à rectis in circulo subten-  
sis pēdere uidentur, nedum utiles, sed admodum necessarios  
existimabamus. Illōsque editis à nobis de Mundi sphaera siue  
Cosmographia libris, suis locis inseruimus: utpote, qui doctri-  
nam ipsam sphaericam seriō tradere, atque elucidare, totis co-  
nabamur uiribus. Verum cūm raros semper offenderimus, si-  
ue publicē, siue priuatim docēdo, qui uires ingenij (adeō pro-  
cliuis est eorum, qui hodie uiuunt, ad leuiora natura) ad tam  
utilem, atque iucundam contemplationē dignarentur exten-  
dere: innumeros autem, nedū talium rerū incapaces, sed neq;  
Geometricis, neque Arithmeticis rudimentis instructos, qui  
pręfatos libros nostros, alioqui facillimos, ob eiusmodi ca-  
nones, suboscuros, difficilēsque falsō prędicarēt, deterrerētq;  
ab illorum lectione cæteros: huic tam peruerso, ac deprauato  
istiusmodi hominum iudicio succurrendū, & publicæ simul  
utilitati consulendum fore, tandem existimauimus. Priorum  
itaque editionum exemplaribus ex omni parte distributis:

A ij



## P R A E F A T I O .

eosdē sphaeræ Mundi siue Cosmographiæ libros (intermixtis  
 canonibus detractis) longè faciliori, & ampla magis traditio-  
 ne, tam latinè quàm gallicè descriptos, ac penè renouatos, in  
 publicam omnium utilitatem rursus exposuimus. Ipsos au-  
 tem Canones astronomicos, atq; geographicos, auctos qui-  
 dem & emendatiore factos, quos uidelicet utiles magis at-  
 que necessarios iudicauimus, & à quibus prædictorum libro-  
 rum Cosmographiæ nostræ fructus pēdere uidetur, seorsum  
 tādē curauimus impressos. Quibus novos canones de sup-  
 putandis motuum planetarum æquationibus, siue differen-  
 tiis, unā cum mathematicis illorum demonstrationibus, re-  
 cens addidimus: ut tum ipsi arti mathematicæ, tum cunctis  
 & prouectis & nouitiis illius amatoribus facere satis, & publi-  
 cæ utilitati pro nostra uirili parte consulere non desistamus.  
 Hos autem Canonum libros, tibi suauissime Ioānes, duobus  
 nominibus dicandos esse censuimus. In primis quòd te sciā  
 in istiusmodi mathematicis oblectamētis non infeliciter fuis-  
 se uersatum: utpote, qui te aliquando docui, & talem reddidi,  
 qui de singulis in eisdem Canonibus comprehēsis, possis re-  
 ctè iudicare. Alterum est, singularis amicitia, qua tu, unā  
 cum uenerando & in me non illiberali patre tuo Ioan-  
 ne Camusio, regio itidem secretario, & omnium ho-  
 minum uigilantissimo, à multis iam annis me  
 prosequi uideris: Cuius hoc laborum nostro-  
 rum perpetuum testimoniū, posteris (ne  
 uideamur ingrati) duximus esse relin-  
 quendum. Vale, & tuum Orontiū,  
 ut soles, ama. Lutetiæ Parisio-  
 rum, mense Augusto,  
 M. D. LIII.



# INDEX CANONVM, VTROQUE ET

primo, & secundo libro contentorum.

## LIBRI PRIMI,

### CANON I.

**M**aximam Solis, Zodiacue declinationem ab Aequatore circulo, fidiſſima obſeruatione in primis deprehendere.

### CANON II.

Dati cuiuslibet Eclipticæ puncti declinationem ab Aequatore, ſuppoſita illius declinatione maxima, conſequenter ſupputare.

### CANON III.

Declinatione data, reſpondentem arcum, ſive punctum Eclipticæ, uerſauice reddere notum.

### CANON IIII.

Cuiuslibet arcus Eclipticæ quadrante minoris, ab altera ſectionum cum Aequatore ſumentis exordium, aſcenſionem in reſta ſphæra colligere.

### CANON V.

Dati cuiuslibet arcus Eclipticæ, ab altera ſectionum cum Aequatore, uel aliunde ſupputati, ad datam quamuis obliquitatem ſphæra aſcenſionem explorare.

### CANON VI.

Deſcenſionem cuiuslibet arcus Eclipticæ, tam in reſta, quàm in obliqua ſphæra poſitione, penderiter inuenire.

### CANON VII.

Latitudinem ortiuam dati cuiuslibet puncti Eclipticæ, in data quauis ſphæra poſitione, numeris exprimere.

### CANON VIII.

Arcus horarios dati cuiuslibet horizontis obliqui, ab horariis uidelicet circulis in ipſo horizonte designatos propalare.

### CANON IX.

Eoſdem arcus horarios in eo ſupputare

circulo uerticali, qui reſtos cum meridia no facit angulos.

### CANON X.

Altitudinẽ poli arſtici ſuper datum quẽuis obliquum horizontem, ex ſupradiſtis reddere notam.

### CANON XI.

Quantum extollatur idem polus arſticus ſuper datum poſitionis circulum, ſive duodecim caeſtium domorum diſtinctorem inquirere.

### CANON XII.

Arcum Aequatoris inter meridianum & datum quemuis caeſtium domorum diſtinctorem, poſitionis ſue circulum comprehenſum, penderiter numerare.

### CANON XIII.

Qualiter aſcendens, & reliquarum caeſtium domorum initia, iuxta fidelorem domificandi rationem ſupputari debeant, paucis admonere.

### CANON. XIIII.

Vt dierum atque noctium artificialium quantitas, ad datam quamuis obliquitatem ſphæra ſupputetur, exprimere.

### CANON XV.

Vbi polus arſticus ſupra maximæ declinationis ſolaris complementum extollitur, continuatæ lucis arcum penderiter inuenire.

### CANON XVI.

Inequalium horarum tam diei, quàm noctis artificialis, in data quauis ſphæra poſitione, præfinire quantitates.

### CANON XVII.

Ex hora æquali data, contingentem tunc inæqualem horam elicere: & è conuerſo.

A iij

# CANONVM

## CANON XVIII.

Altitudinem Solis super datum horizon-  
tem, quacūque hora diei artificialis red-  
dere certam.

## CANON XIX.

Rationes umbrosorum ad suas umbras,  
atque è diuerso, pro data Solis altitudine  
super horizontem supputare.

## CANON XX.

Cognita umbrae rectae, aut uersae ad suum  
umbrosum relatæ magnitudine altitu-  
dinem Solis, uersa uice dignoscere.

## CANON XXI.

Quam rationem obtineat circulus ma-  
ior in sphaera, ad datum quemuis pa-  
rallelum seu minorem circulum, atque  
pars similis ad partem similem diluci-  
dare.

## CANON XXII.

Quantum eleuetur polus super eorum ho-

izontem, qui subdato quouis degunt  
parallelo, ex nota diei artificialis maxi-  
mi elicere quantitate.

## CANON XXIII.

Vbi lux æstiuæ maxima, ad datum na-  
turalium dierum cōtinuatur numerum:  
quantum eleuetur polus super horizon-  
tem, consequenter definire.

## CANON XXIII.

Quod breuissimæ duorum quorumcun-  
que locorum distantia, seu directæ pro-  
fectiones itinerum, fiant super arcu cir-  
culi magni per ipsa loca transeuntis, o-  
stendere.

## CANON XXV.

Cognita duorum locorum longitudine at-  
que latitudine, directam illorum elon-  
gationem, seu breuissimū itineris inter-  
uallum inter ipsa loca comprehensum,  
tandem colligere.

## SECUNDI LIBRI,

### CANON I.

**D**E dierum naturalium (quos ue-  
ros & apparentes appellant)  
æquatione, illiusq; calculo, pau-  
cula in primis annotare.

### CANON II.

Quæ ad medium motum Solis, illiusque  
radices uidentur spectare, penderenter  
exprimere.

### CANON III.

Solis argumento dato, differentiam inter  
medium & uerum illius motum, quã  
uocant æquationem, in certum redigere  
calculum.

### CANON IIII.

Quæ medium Luna motum, illiusq; me-  
dium argumentum, in uniuersum respi-  
cere uidentur, penderenter annectere.

### CANON V.

Æquationem centri Luna dato quocun-

que illius centro, demonstratio atque  
numerali deprehendere calculo.

### CANON VI.

Minuta proportionalia, quibus æquatio-  
nes argumenti Luna iustificantur, pen-  
denter elicere.

### CANON VII.

Æquationes argumenti ipsius Luna, siue  
differentias inter medium & uerum e-  
iusdem Luna motum supputare.

### CANON VIII.

Diuersitates diametri eiusdem Luna, con-  
sequenter reddere notas.

### CANON IX.

Latitudinē ipsius Luna, dato illius aug-  
mento uero, tandem numerare.

### CANON X.

Quæ de medijs motibus, & argumentis  
quinque planetarum, illorumque radi-  
cibus, uidetur esse necessaria, subiungere.

## CANON XI.

*Quanta sit æquatio centri eorundem quinque planetarum, in uniuersum definire.*

## CANON XII.

*Qua ratione supputandæ sint æquationes argumenti eorundem quinque planetarum, paucis docere.*

## CANON XIII.

*De minutis proportionalibus, atque diuersitatibus diametri prædictorum quinque planetarum, documentum tradere generale.*

## CANON XIII.

*Stationem primam quinque planetarum, ad omnem situm epicycli numerare.*

## CANON XV.

*Æquationem octauæ spheræ, supposita cõmuni illius theoricæ, fidißimo deprehendere calculo.*

## CANON XVI.


*Quãtum distet uerum initium signorum octauæ spheræ, ab ipso tabulari signorum exordio, tandem supputare.*

## INDICIS FINIS.

*Erratula quadam, artis labilitate commissa.*

*Folio 14, pagina 1, linea 6, lege minorum 32: linea uerò 20, eiusdem folij & pagina, lege complementum. fo. 16, pag. 2, linea 19, lege h f m. Et linea 25, eiusdem folij & pagina, lege h l. Cetera minutiora, b quouis mediocriter erudito castigari uel facillè possunt.*

INDEX.  
TYPVS VNIVERSI  
ORBIS.



LECTORI.

*Hos Canonum Orontianorum libros comitentur ij, quos idem Orontius conscripsit de sinibus reſtis, unà cum eorundem ſinuum reſtorum tabula, atque libro tertio, & capite quarto libri quarti propriae Arithmeticae practica: ſi fructum aliquem ex ipsis inuet elicere Canonibus.*

5

# Orontij Finæi Delphi-

NATIS, REGII MATHEMATICARUM Lutetiæ professoris, Canonum Astronomicorum Libri duo: Quorum primus est de iis, quæ ab ipso primo motu, seu mundana sphaera dietim reuoluta, pendere uidentur.

## LIBRI PRIMI

### CANON I.

**M**AXIMAM SOLIS, ZODIACI ue declinationem ab Aequatore circulo, fidissima obseruatione in primis deprehendere.

1. A maxima Solis obliquatione, exordiũ sumere est operæpretium, utpote, à qua uniuersa propemodum rerum astronomicarum pendere uidetur harmonia: quemadmodum ex succedentium canonum discursu, fiet manifestũ. Fabricetur igitur ex commoda & electa materia, quadrans circuli, cuius semidiameter trium circiter existat cubitorũ, circumferentia uerò in 90 partes inuicem æquales, & pars quælibet in 60 minuta, solito more diuidatur, unà cum superincumbente regula, geminis pinnacidiis, seu rectangulis tabellis, è diametro subtiliter perforatis, ornata. Qualem tibi representat subscripta quadrantis figura *abc*.
2. Ipsam itaque maximam Solis obliquationem, in hunc qui sequitur modum obseruabis. Erige quadrantem ad austrum, in rectum prius inuentæ lineæ meridianæ, ad iustam perpendiculi rationem. Deinde examinato circa brumale solstitiũ, per congressum radiorum solarium in utraque pinnacidiorũ


B

# LIBRI I,

foramina contingentem hora meridiana, atque minimã Solis altitudinem: qualem tibi representat arcus  $b d$ . Idem quoque facito de maxima, atque meridiana Solis altitudine, circum æstiuale solstitium accidente: quæ sit, exempli gratia, arcus  $b e$ . Auferto postmodum ipsam minimam altitudinem meridianam à maxima, hoc est, arcum  $b d$  ex arcu  $b e$ : & residuum arcum, utpote  $d e$  (qui uniuersam Zodiaci comprehendit obliquitatem) bifariam diuidito, in puncto scilicet  $f$ : nam altera medietatũ  $f d$ , uel  $f e$ , maximam ipsius Solis declinationem indubitanter ostendet.

3 Quòd si exploratam habueris Aequatoris in regione tua sublimitatem, qualem tibi representat arcus  $b f$ , sufficiet meridianam alterutrius tantummodò solstitij altitudinem examinare, & ipsius Aequatoris sublimitatem, ab æstiuâ & omnium maxima Solis eleuatione demere: aut brumalem & omnium minimam Solis altitudinem meridianã, ab eadem Aequatoris sublimitate pēdenter auferre. Arcus enim, qui facta alterutra subtractione relinquetur, propositam Solis declinationem maximam indicabit. Subtracto (uerbi gratia) arcu  $b d$ , ex arcu  $b f$ , relinquetur maximus declinationis arcus  $f d$ : uel ipso  $b f$ , ab arcu  $b e$ , detracto, relinquetur  $f e$ .

4 Ipsa porrò maxima Solis ab Aequatore declinatio, p̄ diuersa tēporum obseruatione, uariæ re-  
perta est quantitat̄. Claudius nãq; Ptolemæus, hanc offēdit esse gra



duum 23, & primorum minutorum 51, & fecundorum 20. Alphonſi uerò, atque Albategni tempore, ea erat totidem graduum, ſed 35 ſolummodo minutorum. Alcmeon conſequenter, paulò minorem offendit, nempe minutorum 33. Purbachius deinde, atque nonnulli eius diſcipuli, eandem maximã Solis declinationem præter 23 gradus, 28 tantummodo continere minuta affirmarunt: quanquam Io. Regiomontanus, in tabulis directionum, præfata minuta ſuppoſuerit eſſe 30. Nouiſſimè autem Dominicus Maria Italus, atque Io. Verneſus Nurembergensis, minuta 29 ſeſe deprehendiſſe teſtatur. Quibus noſtra adamuſſim facta concordat obſeruatio. Cur autem adeò uaria reperta fit hæc maxima Solis declinatio, alibi demonſtrandum remittimus. Quanquam autẽ omnes eandem penè ſimilibus obſeruarint instrumentis: potuit nihilominus haud æquè exacta instrumentorum conſtructura, uel obſeruantium impari dexteritate, minutorum aliquantula contigiſſe differentia, ſed non tanta, quanta eſt à Ptolemæo uſque ad noſtra tempora.

## CANON II.

**D**ati cuiuſlibet Eclipticæ puncti declinationẽ ab Aequatore, ſuppoſita illius declinatione maxima, conſequenter ſupputare.

- i Ex Geberi acutiſſimi Ptolemæi interpretis libri ſecundi capite ſeptimo (quod de ſciẽtiis uocat particularibus) & reſpondente tertia, & quarta propoſitione ſecundi libri epitomatis euſdem Geberi in magnam ipſius Ptolemæi cõſtructionem demonſtratur: ſemidiametrum, totiũs ue quadrantis ſinum rectum, eam habere rationem ad ſinum rectum maximæ declinationis ſolaris, quam ſinus rectus diſtantiæ puncti Eclipticæ dati à proxima ſeſtione euſdem Eclipticæ cum Aequatore, ad ſinum rectum declinationis euſdem puncti. Atqui tria prima ſupponimus nota: quartum igitur, ad miniculo regulæ quatuor proportionalium numerorum innotefcet. Duc igitur ſinum rectum diſtantiæ oblatis puncti à proxima

B ij

sektionē Zodiaci cū Aequatore, in sinum rectum ipsius maximæ solaris declinationis, & productū diuide per semidiametrum, totius ue quadrantis sinum rectum: procreabitur enim sinus rectus declinationis ipsius puncti dati, cuius arcus quæsitam ab Aequatore declinationem ostendet.

2 Quid autē sit alicuius arcus sinus rectus, qualiter etiam arcu dato rectus illius sinus inueniatur, & è diuerso: ex libris quos de ratione sinuū, siue rectorum in circuli quadrante subtensarum conscripsimus, facile deprehendes. Eorūdem porro sinuum rectorum, & similium quorūcunque integrorum sexagenaria partitione distributorum perfacilem multiplicationē, diuisionem, atq; radicū extractionē (etiam sine reductione) tertius liber nostræ te docebit Arithmeticæ practicæ.

3 OFFERATUR IN EXEMPLVM, FINIS decimi quinti gradus Arietis, cuius operæpretiū sit inuenire declinationē: sitque maxima Solis declinatio 23 graduū, & minorū 30. quorum sinus rectus habet partes 23, prima minuta 55, secunda 30. sinus autem rectus 15 primorum graduū Arietis, est partium 15 primorum minorum 31, & secundorum 45. Hæc igitur multiplicabis per 23, 55, 30: procreabuntur partes 6, 11, prima minuta 32, secunda 7, tertia 7, & 30 quarta. Quæ diuides tandem per 60 partes semidiametri, totius ue quadrantis sinum rectum: & iidem redibunt numeri, sed immutata nomenclatura per unicum ordinem uersus dextram & subtiliorem partem. nam 6 partes collectæ (quarum quælibet 60 partes integras comprehendit) uertentur in partes simplices, & 11 partes in prima minuta, & 32 prima minuta in secunda, & sic de cæteris: quemadmodum numero 18 tertij capituli libri quarti eiusdē Arithmeticæ nostræ præmonuimus. Fient itaque partes 6, prima minuta 11, secunda 32, tertia 7, totidem quarta, & 30 quinta: tantus est sinus rectus declinationis ipsius dati puncti. Horum autem subtensus arcus (reiectis minutioribus, & minimè curandis fractionibus) offendetur esse 5 graduum, primorum minorum 55, & secundorū 24. Tantundem ergo declinare pronūciabis, finem quindecimi gradus Arietis, ab Aequatore circulo.



| Exempli formula.         | Arcus. |     |              | Sinus recti. |     |              |
|--------------------------|--------|-----|--------------|--------------|-----|--------------|
|                          | gra.   | mi. | <sup>2</sup> | part.        | mi. | <sup>2</sup> |
| Maxima declinatio Solis. | 23     | 30  | 0            | 23           | 55  | 30           |
| Arcus Arietis datus.     | 15     | 0   | 0            | 15           | 31  | 45           |
| Declinatio proposita.    | 5      | 55  | 24           | 6            | 11  | 32           |

- 4 Hac igitur arte, tabula declinationis ipsius Solis uenit supputanda, supposita illius declinatione maxima: sufficit autem unius tantummodo quadrantis Zodiaci declinationes colligere, & illas cæteris quadrantibus pro graduum relativa successione distribuere. Nam præter æquinoctia quæ declinatione carent, & duo solstitia quæ maximam obtinēt ab Aequatore declinationem: quatuor semper offenduntur puncta æqualiter ab Aequatore declinantia, quæ uidelicet ab utroque solstitiorū, aut æquinoctiorum æqualibus distant interuallis.

## CANON III.

**D** Eclinatione data, respondentem arcum, siue punctū Eclipticæ, uersauice reddere notum.

- 1 De arcu uelim intelligas, qui à proxima sectione Zodiaci cum Aequatore numeratur: siue iuxta signorum ordinem, siue in contrarium fuerit supputatus. Cùm sit igitur per antecedentem secundū canonem, ut semidiameter, totiūs uel quadrantis sinus rectus, ad sinum rectum maximæ declinationis ipsius Solis, sic sinus rectus arcus dati, à proxima sectione Zodiaci cum Aequatore sumentis exordium, ad sinum rectum declinationis puncti eundem arcum terminantis: Erit à conuersa ratione, per corollarium quartæ quinti libri elementorum geometricorum, ut sinus rectus declinationis maximæ, ad semidiametrum, ita sinus rectus propositæ declinationis, ad sinum rectum arcus Eclipticæ, cui talis declinatio debetur. Ducendus est igitur sinus rectus ipsius propositæ declinationis, in semidiametrum, & productum per sinum rectum declinationis maximæ diuidendum: fiet enim sinus rectus illius arcus, cui debetur ipsa declinatio proposita.

- 2 Resumatur in exemplum nuper inuenta declinatio gra-

B iij

duum 5, primorum minutorum 55, & secundorum 24: cuius sinus rectus habet partes 6, prima minuta 11, secūda 32, tertia 7, totidem quarta, & 30 quinta. Hunc itaque sinum rectum multiplicabis per 60 partes semidiametri (transpositis numeris per unicum ordinem, uersus læuam) fient partes 6, 11, prima minuta 32, secunda 7, totidem tertia, & quarta 30. Hæc diuides per sinum rectū maximę declinationis, utpote per partes 23, prima minuta 55, & secunda 30. Procreabuntur enim partes 15, prima minuta 31, & secunda 45: quātus uidelicet est sinus rectus præassumptorum 15 graduum.

## Corollarium.

- 3 Data igitur alicuius arcus declinatione, sciatur quanta supposita fuerit (si forsitan ignoretur) ipsa declinatio maxima. Cū enim sit ut semidiameter, ad sinum rectū maximæ declinationis, sic sinus rectus arcus dati, ad sinum rectum declinationis puncti ipsum arcum terminantis, per antecedentem secundum canonem: erit à sola rationum trāspositione, ut sinus rectus arcus dati, ad sinum rectum suæ declinationis, sic semidiameter, ad sinū rectum ipsius declinationis maximæ. Ergo ducendo tertium in secundum, & productum diuidendo per primū, nascetur quartum, utpote, sinus rectus suppositę maximę declinationis ipsius Solis. Quemadmodum ex præassumptis arcuum, atque sinuū rectorum numeris, periculum facere uel facilè poterit.

## CANON IIII.

**C**uiuslibet arcus Eclipticę quadrante minoris, & ab altera sectionū cum Aequatore sumētis exordium, ascensionem in recta sphæra colligere.

- 1 Ascensio dati cuiuslibet arcus Eclipticę (si forsitan exciderit) est arcus Aequatoris, qui unà cum ipso arcu dato, tam super rectum, quàm super obliquum coascendit horizontem. Haud aliter descensio uenit diffinienda. In recta porrò sphæra, ascensiones eadē sunt ipsis descensionibus: secus autem in obliquo sphære situ, quemadmodum infra suo loco dicetur.

Ex

Ex præallegato igitur capite septimo, libri secundi Geberi (quod de scientiis particularibus inscribitur) & respondente quinta propositione libri secundi epitomatis eiusdem Geberi in magnam Ptolemæi constructionem, fit manifestum: finum rectum complementi declinationis puncti Eclipticæ datum arcum terminantis, ad sinum rectum complementi ipsius arcus dati eandem habere rationem, quàm sinus quadrantis uel semidiameter, ad sinum rectum complementi ascensionis rectæ (hoc est, in recta sphaera supputatæ) eiusdem arcus propositi. Hic per complementum alicuius arcus (ut libro primo de ratione sinuum diffiniuimus) intelligimus reliquam circumferentiæ partem, quæ cum arcu dato quadrantem complet circuli. Quoties præterea, in quatuor numerorum proportionalium ordinem, datorum arcuum subingrediuntur complementa: optati arcus complementum pendenter generatur. Duc igitur sinum rectum complementi ipsius arcus dati non excedentis quadrantem circuli, in semidiametrum, & productum diuide per sinum rectum complementi declinationis ipsius puncti datum arcum terminantis: fiet enim sinus rectus complementi ascensionis optatæ, cuius uidelicet arcus à circuli quadrante detractus, rectam ipsius arcus propositi relinquet ascensionem.

- 2 **EXPONATUR IN GRATIAM EXEMPLI**  
 ascensio recta decem primorum graduum Arietis. Complementum itaque 10 graduum, habet gradus 80: quorum sinus rectus est partium 59, primorum minorum 5, & secundorum 18. Declinatio autem decimi gradus Arietis, per doctrinam antecedentis secundi canonis, est trium graduum, primorum minorum 58, & secundorum 13: & ipsius declinationis complementum, habet gradus 86, unum primum minutum, & secunda 47: quorum sinus rectus est partium 59, primorum minorum 51, secundorum fere 23. Semidiameter autem uel ipsius quadrantis sinus, semper est partium 60: tantum enim cum Ptolemæo in nostra sinuum rectorum tabula supposuimus. Si ducantur igitur partes 59, prima minuta 5, & secunda 18, in 60 partes semidiametri: fiet partes 59, 5, & prima mi-

nuta 18, mutata solummodo numerorum denominatione in proximè maiorem uersus læuam. Hæc autem diuisa per 59 partes, prima minuta 51, & secunda 23, dant pro quoto numero partes 59, prima minuta 13, & secunda ferè 49. Quorū arcus habet partes 80, & prima minuta circiter 49: tantum est complementum ipsius propositæ ascensionis rectæ: & eadem proinde ascensio recta ipsorum 10 primorum graduum Arietis, erit partium 9, & primorum minorum 11. horum autē omnium, ob oculos exposita subsequitur formula.

| Exempli formula.                            | Arcus. |     |    | Sinus recti. |     |    |
|---|--------|-----|----|--------------|-----|----|
|   | gra.   | mi. | ̄  | part.        | mi. | ̄  |
| Arcus Arietis datus.                        | 10     | 0   | 0  | 0            | 0   | 0  |
| Complementum ipsius arcus dati.             | 80     | 0   | 0  | 59           | 5   | 18 |
| Declinatio puncti eundem arcum terminantis. | 3      | 58  | 13 | 0            | 0   | 0  |
| Complementum ipsius declinationis.          | 86     | 1   | 47 | 59           | 51  | 23 |
| Complementum ascensionis propositæ.         | 80     | 49  | 0  | 59           | 13  | 49 |
| Ascensio recta ipsius arcus dati.           | 9      | 11  | 0  | 0            | 0   | 0  |

3 HAEC IGITUR SOLVM MODO LOCVM habent, ubi datus arcus Eclipticæ fuerit quadrante minor: reliquorum itaque arcuum ascensiones, ex supradictis, in hunc qui sequitur modum colligentur. In primis enim si datus arcus quadrātem præcisè fecerit, aut dimidiū circulum, trēs ue integrauerit quadrantes: manifestum est ex doctrina sphaerica, tantundem Aequatoris arcum cum illo peroriri, atque occidere. Nam singuli quadrantes Eclipticæ inter æquinoctiorum atque solstitiorum puncta comprehensi, æquales in recta sphaera consequuntur ascensiones. Vbi autem datus arcus Eclipticæ quadrantem superauerit, fueritque semicirculo minor, is à semicirculo uenit auferendus, & residui per nunc expressum canonem ascensio recta colligenda: ea nanque ab ipso detracta semicirculo rectam arcus propositi relinquet ascensionē. At si arcus datus fuerit semicirculo maior, sed minor tribus quadrantibus, tollendus est ab eo semicirculus, & residui inuenta ascensio recta, eidem semicirculo componenda: quoniam recta ipsius arcus propositi consurget ascensio. Porro cū datus arcus tres superauerit quadrantes, non cōplens circulum, is ab ipso circulo uenit auferendus, & residui  
ascensio

ascensio recta suprascripto modo reperta, ab eodem subducenda est circulo: recta enim ipsius arcus dati relinquetur ascensio. Horum exempla dare importunum potius, quam utile iudicamus.

4 Quòd si dati cuiuspiã arcus Eclipticę seorsum accepti, & aliunde quàm ab altera prædictarum interfectionum cum Aequatore sumentis exordium, rectam ascensionem numerare fuerit operæpretium: colligenda erit ascensio duorum arcuũ ab Arietis capite initiatorum, quorum alter in principiũ, reliquis uerò in finem dati arcus terminatur, & minor earum à maiori subducenda: nam residuum, quæsitam ascensionem ostendet. Quod nedum in recta, sed etiam in obliqua sphaera uenit obseruandum: cum huiusmodi arcus ascensionis rectę, uel obliquę, nihil aliud esse uideatur, quàm ipsarum duarum ascensionum ab Arietis initio numeratarum differentia.

5 Ex his patet, quàm facilè sit tabulam condere numeralem, in qua singulorum arcuum Eclipticę ab Arietis initio, iuxta signorum ordinem distributorum, rectę cõtineantur ascensiones. Supputatis enim ascensionibus rectis singulorum arcuum primi quadrantis Eclipticę, ab Arietis initio sumentis exordium, per nunc expressum canonem: si eadem ascensiones à 180 gradibus semicirculi singulatim auferantur, relinquentur ascensiones rectę singulorum arcuum ipsius Eclipticę, qui in secundum quadrantem terminantur. Quòd si præfata ascensiones rectę primi quadrantis, addantur suo ordine eisdem 180 gradibus semicirculi: consurgent ascensiones singulorum arcuũ Eclipticę, in tertium quadrãtem coincidentium. Subductis tandem eiusdem primi quadrantis ascensionibus, à 360 gradibus totius circuli: relinquentur ascensiones rectę singulorum arcuum Eclipticę in ultimum quadrantem finitorum. Nam ueluti singula puncta ipsius Eclipticę, ab alterutro solstitialium uel æquinoctialium punctorum æquè distantia, æquales habent declinationes: haud aliter singuli arcus inuicem æquales, ab alterutro solstitiorum, uel æquinoctiorum inchoati, uel æquè distantes, æquales in eodem recto sphaerę situ consequuntur ascensiones. Quoniã

C

per ipsum canonem antecedentem, eiusmodi rectorum ascensionum calculus, ex ipsa declinatione punctorum Eclipticæ datos arcus terminantiū pendere uidetur. Recta igitur ascensio 10 primorum graduum Arietis, decem primis gradibus Libræ, necnon & decem ultimis gradibus Virginis, atque Piscium indifferēter accommodatur. De similibus arcibus Eclipticæ inuicem æqualibus, idem habeto iudicium.

## CANON V.

**D**ati cuiuslibet arcus Eclipticæ, ab alterutra sectionum cum Aequatore, uel aliunde supputati, ad datam quamuis obliquitatē spheræ ascensionem explorare.

**V**arios supputandarum obliquarum ascensionum, hoc est, ad liberam quamuis obliquitatem spheræ relatarum, possumus elicere canones: ex iis uidelicet quæ primo & secundo libro Geberi, atque illius epitomate, in magnam Ptolemæi constructionem demonstrantur. Vnicum porrò cæteris facillimum, & in quatuor numeros proportionales solito more reductū, tibi selegimus: quo scilicet, dati cuiuslibet arcus Eclipticæ, ab altera illius sectione cum Aequatore sumentis exordium, differentia in primis ascensionalis, id est, arcus Aequatoris, quo idem arcus Eclipticæ rectius, uel obliquius ascendit in obliqua spheræ, quàm in recta, in hunc modum supputatur. Multiplicetur sinus rectus oblatæ polaris altitudinis, per semidiametrum, totiūs uel quadrantis sinum rectum, & productum diuidatur per sinum rectum complementi eiusdem altitudinis polaris: Fiet enim sinus quidam rectus, ad supputandas singulas ascensionales differentias datorum quorumlibet arcuum Eclipticæ, pro data poli sublimitate, indifferenter accommodus. Qui cum in dato spheræ situ nusquam immutetur, sinus regionis (differentiæ gratia) nūcupatur, hoc est, ad polarem in data regione contingentem eleuationem præparatus. Hunc itaque sinum regionis appellatum, multiplicabis per sinum rectum declinationis puncti datum arcum Eclipticæ

Eclipticæ terminantis, cuius scilicet obliqua desideratur ascensio, & productum diuides per sinum rectum complementi eiusdem declinationis: prodibit enim sinus rectus optatæ ascensionalis differentiæ, qua uidelicet ascensio dati arcus Eclipticæ, pro sumpta obliquitate spheræ, differt ab ascensione quam habet in spherâ recta. Se habet enim sinus rectus complementi declinationis puncti, datum arcum Eclipticæ terminantis, ad sinum rectum ipsius declinationis, ut idē sinus regionis, ad sinum rectum eiusdem ascensionalis differentiæ.

2. Esto in exemplum data poli arctici sublimitas graduū 48, & primorum minorum 40: qualem ferè, in nostra Parisiorum Lutetia possidemus. Huius itaque polaris eleuationis sinus rectus, est partium 45, primorum minorū 3, & secundorum 10. Ipsius autem polaris altitudinis complementum, est graduum 41, & primorum minorum 20: quorum sinus rectus, habet partes 39, prima minuta 37, & secunda 34. Duc igitur partes 45, & minuta 3, 10, in 60 partes semidiametri, fiet partes 45, 3, & 10 prima minuta. Hęc diuide per partes 39, & minuta 37, 34: colligentur partes 1, 8 (hoc est, partes 68) unà cum 13 primis minutis. Tantus est sinus oblatae regionis, super cuius horizontem polus arcticus 48 gradibus, & 40 primis minutis exaltatur. His præmissis, esto propositum agnoscere, quanta sit differentia ascensionalis 14 primorum graduum Arietis. Horum itaque declinatio est partium 5, & primorum minorum ferè 32: quorum sinus rectus habet partes 5, & minuta 47, 8. Eiusdem porrò declinationis complementum, continet gradus 84, & prima minuta 28: quorum sinus rectus, est partium 59, & minorum 43, 13. Duc igitur tandem præfatum sinum regionis, hoc est partes 1, 8, & minuta 13, in partes 5, & minuta 47, 8: fient partes 6, 34, & minuta 40, 16, 44. Quæ diuide per 59 partes, & minuta 43, 13: gignētur partes 6, & minuta 36, 31. Tantus est sinus rectus propositæ ascensionalis differentię: cuius arcus, habet gradus 6, & minuta prima 19.

C ij

| Exempli formula.                      | Arcus. |     | Sinus recti. |       |     |    |
|---------------------------------------|--------|-----|--------------|-------|-----|----|
|                                       | gra.   | mi. | o            | part. | mi. | z  |
| Altitudo poli arctici data.           | 48     | 40  | o            | 45    | 3   | 10 |
| Complementum eiusdem altitudinis.     | 41     | 20  | o            | 39    | 37  | 34 |
| Sinus regionis.                       |        |     | 1            | 8     | 13  | o  |
| Arcus Arietis datus.                  | 14     | o   | o            | o     | o   | o  |
| Declinatio eiusdem arcus dati.        | 5      | 32  | o            | 5     | 47  | 8  |
| Complementum ipsius declinationis.    | 84     | 28  | o            | 59    | 43  | 13 |
| Differentia ascensionalis arcus dati. | 6      | 19  | o            | 6     | 36  | 31 |

3 In ea tamen eleuatione poli, quæ dimidium efficit quadrantem, utpote gradus 45, in locum præfati sinus regionis appellati, subrogandus est circuli semidiameter: tantus enim est sinus rectus ipsius polaris altitudinis, quantus & sinus rectus complementi. Per quemcunque autem numerum 60 partes semidiametri multiplicentur, si productum per eundem numerum diuidatur, restituetur idem sexagenarius numerus. In præfata igitur eleuatione poli arctici graduum 45, si eorundem 14 primorum graduum Arietis ascensionalem uolueris habere differentiam, multiplicabis supradictas 5 partes, & minuta 47, 8, per 60 partes semidiametri: fiet partes 5, 47, & minuta 8. quæ diuides per 59 partes, & minuta 43, 13. procreabuntur enim partes 5, & minuta 48, 45. Quorum arcus habet gradus 5, & minuta 34: tanta est igitur ascensionalis differentia 14 primorum graduum Arietis, sub eleuatione poli arctici 45 graduum.

4 Et quoniam ascensionales differentie propter solam declinationum uariationem (ut ex ipso canone fit manifestum) in eadem poli sublimitate diuersificantur: fit igitur, ut singuli arcus Eclipticæ ad ea puncta terminati, quæ declinationes ab Aequatore fortiuntur æquales, æquales quoque differentias ascensionales consequantur. Supputata itaque ascensionalis differentia 14 primorum graduum Arietis, 16 quoque primis gradibus Virginis, atque rursus 14 primis gradibus Libræ, & 16 primis gradibus Piscium indifferenter accommodatur. Vbi porro arcticus polus super horizontem exaltatur, singuli arcus Eclipticæ ab Arietis initio usque ad finem Virginis comprehensi, obliquius ascendunt, quam in sphaera recta: in altera uero ipsius Eclipticæ medietate, quæ ab initio Libræ



Libræ usque ad finem Piscium cōtinetur, tantò rectiùs. Si igitur præfatam ascensionalem differentiã subduxeris ab ascensione recta ipsorum 14 primorum graduũ Arietis, aut ex recta itidem ascensione 16 primorum graduum Virginis: eandem ue ascensionalem differentiam ascensioni rectæ 14 primorum graduum Libræ, uel rectæ itidẽ ascensioni 16 primorum graduum Piscium addideris: obliquas eorundem arcuum ascensiones (facta semper ad initium Arietis relatione) ad præassumptam poli arctici sublimitatem obtinebis. Quæ admodum subscripta numerorum indicat formula.

| Arcus dati. |      | Ascensiones rectæ. |     | Ascen. differentie. |     | Ascensiones obliquæ. |     |
|-------------|------|--------------------|-----|---------------------|-----|----------------------|-----|
| Signa.      | gra. | Gra.               | mi. | Gra.                | mi. | Gra.                 | mi. |
| ♈           | 14   | 12                 | 53  | 6                   | 19  | 6                    | 34  |
| ♍           | 16   | 167                | 7   | 6                   | 19  | 160                  | 48  |
| ♎           | 14   | 192                | 53  | 6                   | 19  | 199                  | 12  |
| ♏           | 16   | 347                | 7   | 6                   | 19  | 353                  | 26  |

5 Cùm autẽ oblatu arcus Eclipticæ, aliunde quàm ab Arietis initio fuerit numeratus: inuenienda est utriusque termini, utpote principij atque finis ipsius arcus ascensio, per antecedentis canonis traditionem, & minor earundem ascensionum à maiori subducenda. Relinquetur enim ascensio ipsius arcus dati seorsum accepti: ueluti proximo canone de rectis prædictũ fuit ascensionibus. Exponatur in exẽplum is arcus Eclipticæ, qui à sedecimo gradu Virginis usque ad 14 Libræ continetur. Auferes igitur ascensionem obliquam ipsius 16 gradus Virginis, ab ascensione decimi quarti gradus Libræ, utpote 160 gradus, & 48 minuta, ab ipsis 199 gradibus, & 12 minutis: nam propositi arcus obliqua relinquetur ascensio, graduum quidem 38, & minorum 24.

| gra. | mi. |
|------|-----|
| 199  | 12  |
| 160  | 48  |
| 38   | 24  |

6 EX PRAEDICTIS OMNIBVS FACILE colligitur, quàm leui, ac iucundo calculo tabula ascensionum obliquarum, hoc est, ad liberam quamuis obliquitatem spheræ relatarum, fabricari possit: quæ uidelicet singulorum arcuum Eclipticæ, ab Arietis initio gradatim distributorum,

obliquas ascensiones, ad datam sphaerae positionem, poli ue arctici sublimitatem comprehendat. Supputatis enim in primis, differentiis ascensionalibus primi quadrantis Eclipticae, singulorum uidelicet arcuum ab Arietis initio usque ad finem Geminorum: illae à singulis eorundem arcuum ascensionibus rectis, suo detrahantur ordine. Idem quoque fiat, de rectis ascensionibus succedentis Eclipticae quartae, ab initio Cancrì ad finem usque Virginis comprehensae, sed ordine praepostero. Eadem consequenter ascensionales differentiae, rectis itidem ascensionibus australis Eclipticae medietatis adiungantur: suo quidem ordine ab initio Librae usque ad finem Sagittarij, sed ordine conuerso à Capricorni uertice usque ad finem Piscium. Quoniam arcus inuicem aequales, & ab alterutro solstitialium punctorum aequè distantes, tam declinationes, quàm ascensionales differentias consequuntur aequales: eodemque prorsus ordine praefatae ascensionales differentiae distribuuntur, quo & ipsae declinationes.

## CANON VI.

**D**escensionem cuiuslibet arcus Eclipticae, tam in recta, quàm in obliqua sphaerae positione, penderent inuenire.

**1** Quantum spectat in primis ad rectam sphaerae positionem, manifestum est singulos arcus Eclipticae, ascensiones suis descensionibus prorsus aequales habere. Non opus est igitur alio calculo, quàm eo qui de supputandis ascensionibus rectis antecedenti canone quarto traditus est.

**2** In obliqua porrò sphaera, quanto datus quispiam arcus Eclipticae rectius ascendit, quàm in sphaera recta: tanto descendit obliquius, & è conuerso. Quanto praeterea idem arcus datus rectius ascendit in obliqua sphaera, quàm in recta: tanto illi aequalis, & ex opposito constitutus, obliquius uidetur ascendere, & è diuerso. Et proinde fit, ut ascensio ipsius aequalis & oppositi arcus, à propria descensione nõ differat. Habetur autem ascensio arcus oppositi, & aequalis arcui dato in hunc qui sequitur

sequitur modum. Adde ipsi arcui dato 180 gradus semicirculi, & inde confurgentis arcus obliquam ascensionem, per antecedentem canonem quintum supputato: à qua eundem aufero semicirculum: relinquetur enim ascensio eiusdem arcus oppositi, & descensio propterea ipsius arcus dati. Vt si ad præassumptam eleuationem polarem 48 graduum & 40 minutorum, proponatur inquirenda descensio 14 primorum graduū Arietis: iunctis 180 gradibus semicirculi, confurgent gradus 194. Quorum ascensio obliqua, per antecedentis quinti canonis exemplum, habet gradus 199, & minuta 12: à quibus si detrahantur præfati 180 gradus, relinquentur gradus 19, & minuta 12. Tanta est descensio eorundem 14 primorum graduū ipsius Arietis.

- 3 Idem etiam obtinebis si differentiam ascensionalem eidem arcui respondentem, ascensioni recte ipsius arcus dati coniūxeris, si boream occupauerit Eclipticę medietatem: uel ab eadem ascensione recta detraxeris, si in austrina eiusdem Eclipticę medietate desumatur. Resumantur in exemplum præfati 14 primi gradus Arietis, quorum ascensio recta est graduū 12, & minutorum 53. Differentia porrò ascensionalis eorundem 14 graduum Arietis, habet gradus 6, & minuta 19. Hęc autem simul iuncta, conficiunt rursus gradus 19, & minuta 12. Si proponatur autem 14 primi gradus Librę seorsum considerati, quorum ascensio recta eadem est præfate descensionis 14 primorum graduum Arietis, graduum scilicet 19, & minutorum 12, & ascensionalis differentia eadem, utpote 6 graduum, & 19 minutorum: auferenda erit præfata ascensionalis differentia, ab eadem ascensione recta. Relinquentur enim gradus 12, & minuta 53, quanta uidelicet est ascensio arcus equalis & oppositi: tantam ergo pronuntiabis descensionem prædictorum 14 graduum ipsius Librę.

## CANON VII.

**L**atitudinem ortiuam, occiduam ue, dati cuiuslibet puncti Eclipticę, in data quauis spherę positione, numeris exprimere.

- 1 Ortiuam, aut occiduam puncti, uel syderis latitudinem, appellamus arcum horizontis, qui oriente uel occidente sydere, seu dato Eclipticæ puncto, inter ipsius syderis cētrum, siue datum punctum continetur. Ortiua porrò latitudo, occidue semper æqualis est: & utraque borea uel australis appellanda.
- 2 In recta igitur sphaeræ positione, ortiua uel occidua syderis, aut dati puncti latitudo, eadem est cum ipsius pūcti uel syderis declinatione. Cū enim neuter polorū Mundi super horizontem exaltetur, semicirculi maiores declinationes ipsas præfinientes, in rectum coincidunt horizontem.
- 3 In obliqua porrò sphaera, propter eleuationem unius poli mundi super horizontē, & alterius depressionem, circuli declinationum horizontem ipsum interfecant: & proinde fit, ut præfatæ declinationes, ab ipsis ortiuis, occiduis uel latitudinibus sint diuersæ. Solemus autem tam ortiuam, quàm occiduam latitudinem ipsius Solis, punctorum uel solaris Eclipticæ, signanter animaduvertere, atque supputare: idque in hunc qui sequitur modum. Sinus rectus declinationis dati Eclipticæ puncti, ducatur in semidiametrum, totiūs uel quadrantis sinū rectum, & productum diuidatur per sinum rectum complementi oblatae polaris altitudinis: fiet enim sinus rectus ipsius ortiue, uel occiduae latitudinis eiusdem puncti. Habet enim sinus rectus complementi datæ polaris altitudinis, eam rationem ad semidiametrum, quam sinus rectus declinationis dati puncti Eclipticæ, ad sinum rectum ortiue latitudinis eiusdem puncti: per sextam propositionem epitomatis ipsius Geberi, & sæpius allegatum caput septimū libri secundi eiusdem Geberi in magnam Ptolemæi constructionem, qui de sciētis particularibus inscribitur.
- 4 Resumatur in exemplum, decimusquartus gradus Arietis: cuius ortiuam iubearis habere latitudinem, ad præfatam eleuationem polarem 48 graduum, & 40 minutorū. Huius itaque polaris altitudinis complementum, habet gradus 41 & minuta 20: quorum sinus rectus est partium 39, primorū minutorum 37, secundorum 34. Declinatio porrò decimi quarti gradus Arietis, habet gradus 5, & 32 ferè minuta: & illius si-

nus

nus rectus, partes 5, prima minuta 47, & 8 secunda. Hæc autē ducta in 60 partes semidiametri faciunt partes 5, 47, & minuta 8. Quæ diuisa per 39 partes, 37 prima minuta, & 34 secunda: dant pro quoto numero partes 8, minuta prima 45, secunda 42. quorum arcus est graduum 8, & minutorum 24: tanta est igitur ortiua latitudo ipsius decimi quarti gradus Arietis. Hæc autem omnia, subscripta numerorum complectitur formula.

| Exempli formula.                    | Arcus. |     | Sinus recti. |      |    |
|-------------------------------------|--------|-----|--------------|------|----|
|                                     | gra.   | mi. | part.        | min. | 2  |
| Punctum Arietis datum.              | 14     | 0   | 0            | 0    | 0  |
| Declinatio eiusdem puncti.          | 5      | 32  | 5            | 47   | 8  |
| Altitudo Aequatoris data.           | 41     | 20  | 39           | 37   | 34 |
| Ortiua latitudo ipsius dati puncti. | 8      | 24  | 8            | 45   | 42 |

5 Ex his patet, quàm facilè sit tabulam supputare numeralem, quæ ortiuas aut occiduas singulorum punctorum Eclipticæ latitudines, ad datam quamuis obliquitatem sphaeræ cōprehendat. Cùm enim ipsæ amplitudines ortiuæ ex sola declinationum uariata quantitate, in eadē regione diuersificentur: fit ut præter ipsa duo æquinoctiorum puncta, tum declinatione, tum ortus & occasus latitudine carentia, & duo solstitia, quæ utramque & declinationem, & ortus uel occasus amplitudinem coguntur habere maximam: quatuor semper offendantur Eclipticæ puncta, æqualem ortus uel occasus obtinentia latitudinem, quemadmodum & declinationem, atque ascensionum differentiam itidem æqualem.

## CANON VIII.

**A**rcus horarios dati cuiuslibet horizōtis obliqui, ab horariis uidelicet circulis in ipso horizonte designatos propalare.

¶ Quinam sint horarij circuli, & qua ratione illorum sectiones cum horizonte pro data poli sublimitate diuersificentur, ex undecimo capite secundi libri sphaeræ siue cosmographiæ nostræ perdisces: & simul tales fieri sectionū intercapedines

D

in uno horizontis quadrante, quales & in reliquis: eo quidem modo, ut singula sectionum interualla, quæ uel ab ipso meridiano circulo, aut ab eo circulo uerticali qui rectos angulos cum eodem efficit meridiano, æquè distantia, eiusdem uideantur esse quantitatis.

2 Quantus igitur fuerit arcus horizontis inter meridianum & datum quemuis horarium circulum pro data poli sublimitate comprehensus, in hunc qui sequitur modum supputabis. Duc sinum rectum complementi oblatae polaris altitudinis, in sinum rectum distantiae propositi horarij circuli ab ipso meridiano, & productum diuide per semidiametrum, totius uel quadrantis sinum rectum: & inde generati sinus recti arcum accipito, quem (differentiae gratia) inuentum primum uocato. Duc postmodum sinum rectum complementi ipsius distantiae ab eodem circulo meridiano, in semidiametrum, productumque diuidito per sinum rectum complementi eiusdem arcus primo reperti, & proficientis inde sinus recti arcum elicitito: nam ipsius arcus complementum, quæsitum horizontis indicabit arcum.

3 Proponatur exempli gratia, arcus horizontalis horæ decimæ ante meridiem, aut secundæ post ipsum meridiem, ad eleuationem poli arctici 48 graduum, & 40 minutorum supputandus. Complementum ergo datae polaris altitudinis est graduum 41, & minutorum 20: quorum sinus rectus habet partes 39, prima minuta 37, secunda 34. Distantia porrò à meridiano circulo est duarum horarum, quibus debentur gradus 30, quorum sinus rectus habet partes 30 præcisè. Duc igitur 39, 37, 34, in 30, fient partes 19, 48, & prima minuta 47: quæ diuisa per 60 partes semidiametri, reuocantur in partes 19, & prima minuta 48, secunda 47. quorum arcus habet gradus 19, prima minuta 16, & secunda 55: quem primum, seu prius inuentum appellabis. Huius porrò arcus complementum est graduum 70, primorum minutorum 43, secundorum 5: quorum sinus rectus habet partes 56, prima minuta 38, secunda 3, & tertia 40. Complementum insuper oblatae distantiae à meridiano circulo, est horarum 4, quibus respondent gradus 60: quorum

quorum sinus rectus habet partes 51, prima minuta 57, secunda 41. Hęc autem ducta in 60 partes semidiametri, conficiunt partes 51, 57, prima minuta 41: quę diuisa per partes 56, prima minuta 38, secunda 3, tertia 40, reddūt pro quoto numero partes 55, prima minuta 2, secunda 58, tertia 36: quorum arcus est graduum 66, primorum minutorum 53, secundorum 45 ferè. Ipsius porro arcus complementū, habet gradus 23, prima minuta 26, & 15 secunda. Tantus est igitur arcus horizontis qui debetur horę decimę ante meridiem, aut secundę post meridiem in data poli arctici sublimitate: de arcu semper uelim intelligas, qui inter meridianum & datum circulum horarium comprehenditur.

| Exempli formula.                    | Arcus. |     |    | Sinus recti. |     |    |    |
|-------------------------------------|--------|-----|----|--------------|-----|----|----|
|                                     | gra.   | mi. | ̄  | part.        | mi. | ̄  | ̄  |
| Altitudo poli arctici data.         | 40     | 48  | 0  | 0            | 0   | 0  | 0  |
| Complementum eiusdem altitudinis.   | 41     | 20  | 0  | 39           | 37  | 34 | 0  |
| Distantia à meridiano.              | 30     | 0   | 0  | 30           | 0   | 0  | 0  |
| Arcus primò repertus.               | 19     | 16  | 55 | 19           | 48  | 47 | 0  |
| Complementum distantie à meridiano. | 60     | 0   | 0  | 51           | 57  | 41 | 0  |
| Complementi arcus primò reperti.    | 70     | 43  | 5  | 56           | 38  | 3  | 40 |
| Arcus productus.                    | 66     | 33  | 45 | 55           | 2   | 58 | 36 |
| Arcus horizontis desideratus.       | 23     | 26  | 15 | 0            | 0   | 0  | 0  |

CANON IX.

**E**osdem arcus horarios, in eo supputare circulo uerticali, qui rectos cū meridiano facit angulos.

I Si autem iuuet arcus horarios eius uerticulis colligere circuli, qui meridianū ad rectos interfecat angulos, inter ipsum meridianum & datum quemuis horarium circulum comprehensos: id altero duorum modorum absolui uel facilè poterit. In primis enim, ex præallegato capite undecimo secundi libri spherę seu cosmographię nostrę (impressę rursus anno 1551) fit manifestum in omnibus regionibus, quarum polares eleuationes simul iunctę cōficiunt gradus 90, siue qua-

D ij

drātem circuli, horizontalia unius interualla ab ipsis horariis circulis distincta, uerticalibus alterius interuallis, & è diuerso coæquari: atque ipsa interualla ab horizonte uel meridiano circulo æquè distantia (quemadmodum & in horizonte) esse adinuicem æqualia.

- 2 Si libuerit igitur agnoscere, quantus sit uerticalis arcus horæ decimæ antemeridianæ, aut secundæ post meridiē, in præassumpta poli sublimitate 48 graduum, & 40 minorū: supputabis arcum horizontalem eiusdem horæ ad eleuationem poli arctici, quæ est graduum 41, & minorum 20, per antecedentem canonem octauum. Si iungantur enim 48 gradus & 40 minuta ipsius datæ polaris altitudinis, eisdem gradibus 41, & minutis 20, complebitur circuli quadrās graduum 90.

- 3 **EST ET ALIA SVPPVTANDI RATIO** priori haud dissimilis, hoc tantum excepto, quoniam hic sumendus est sinus rectus ipsius oblatae polaris altitudinis, cuius complementum subrogatur in ipso canone proximo: exaltatio nanque poli arctici super horizontem, est cōplementum altitudinis eiusdem poli super eundem uerticalem circumulum, & è conuerso. Ducendus est igitur sinus rectus datæ polaris eleuationis in sinum rectū oblatae distantiae ab ipso meridiano circulo, & productum per semidiametrum diuidendum: deinde obseruanda reliqua omnia, ut in proximo canone tradidimus.

- 4 Resumatur in maiorem singulorum elucidationem, præassumpta poli arctici sublimitas graduum 48, & minorū 40: ad quam eleuationem operæpretium sit explorare, quantus sit arcus circuli uerticalis datæ prius horæ decimæ ante meridiem, aut horæ secundæ ab ipso meridie. Sinus itaque rectus 48 graduum, & 40 minorum, habet partes 45, prima minuta 3, secunda 10: quæ ducta in partes 30 ipsius distantiae à meridiano, efficiūt partes 22, 31, & minuta 35. Hæc autē diuisa per 60 partes semidiametri, reuocantur in partes 22, prima minuta 31, & secunda 35: quorum arcus habet gradus 22, prima minuta 2, secunda 5, quem primum inuētum appellabis. Huius itaq; arcus complementū, erit graduū 67, primorū minorum



rum 57, secundorum 55: quorū sinus rectus habet partes 55, prima minuta 37, secunda 2, & tertia 5. Sinus autē rectus cōplemēti oblatae distātiæ à meridiano circulo, habet rursus partes 51, prima minuta 57, secūda 41: quæ ducta in 60 partes semidiametri, uertūtur in partes 51, 57 & minuta 41. Hęc tandē diuisa per 55, 37, 2, 5, sinus recti complementi ipsius arcus primò reperti, dant quotum numerū partium 56, primorum minorum 3, secundorum 21, & tertiorum 45: quorū arcus habet gradus 69, prima minuta 6, secūda 43, unā cum tertiis 30. Huius porrò arcus complementum, erit graduum 20, primorum minorum 53 secundorum 16, & tertiorum 30: tātus est igitur propositus arcus horarius ipsius uerticalis circuli.

| Exempli formula.                 | Arcus. |     |    |    | Sinus recti. |     |    |    |
|----------------------------------|--------|-----|----|----|--------------|-----|----|----|
|                                  | gra.   | mi. | 2  | 3  | par.         | mi. | 2  | 3  |
| Altitudo poli arctici data.      | 48     | 40  | 0  | 0  | 45           | 3   | 10 | 0  |
| Distātia à meridiano.            | 30     | 0   | 0  | 0  | 30           | 0   | 0  | 0  |
| Arcus prius inuentus.            | 22     | 2   | 5  | 0  | 22           | 31  | 35 | 0  |
| Cōplementū distātiæ à meridiano. | 60     | 0   | 0  | 0  | 51           | 57  | 41 | 0  |
| Complementū arcus prius inuēti.  | 67     | 57  | 55 | 0  | 55           | 37  | 2  | 5  |
| Arcus tandem generatus.          | 69     | 6   | 43 | 30 | 56           | 3   | 21 | 45 |
| Arcus uerticalis propositus.     | 20     | 53  | 16 | 30 | 0            | 0   | 0  | 0  |

Poteris itaque tabellam condere numeralem, quæ horaria quotlibet interualla comprehendat, tam in horizonte, quàm in ipso uerticali circulo in data poli sublimitate cōtingentia: & ipsius tabellæ adminiculo, quotquot libuerit tum horizontalia, tum uerticalia horologia prōptissimè fabricare. Quæ admodum ex his, quos de ratione atque structura solariū horologiorum libris cōscripsimus, deprehendi uel facilè potest.

CANON X.


**A**litudinem poli arctici super datum quemuis obliquum horizōtem, ex supradictis reddere notam.

I Vniuersus propemodum tabularum astronomicarum calculus, bona quoque pars instrumētorum mathematicorum,

D iij

ipſius ſphærae poſitionem uidetur ſupponere notam, hoc eſt, quantum in obliqua ſphæra, polus arcticus ſuper datum exaltetur horizonem: uariata ſiquidem poli ſublimate, omnis propemodum rerum aſtronomicarum immutatur harmonia. Hæc autem polaris exaltatio, per arcum meridiani circuli deſignatur, qui inter ipſum Mundi polum exaltatum, & obliquum comprehenditur horizonem: qui arcui eiufdem meridiani coæquatur circuli, inter Aequatorem & dati loci uerticem intercepto, quæ eiufdem loci latitudinem appellant: quemadmodum ex capite nono ſecundi libri ſphærae, ſeu cosmographiæ noſtræ, fit manifeſtum.

- 2 In primis igitur propoſitam poli arctici ſublimate, per meridianam Solis altitudinem unâ cum eius declinatione, in hunc qui ſequitur modum colligemus. Eſto clarioris intelligentiæ gratia, circulus meridianus  $abc$ , dati loci qui  $md$ , cuius uertex  $b$ , horizon obliquus  $afc$ , æquator  $feg$ , polus mundi arcticus  $h$ : quaſita demum ipſius poli ſublimate, ar-



cus  $ah$ . Obſeruetur igitur meridianâ Solis altitudo, per primũ canonem: atque illius declinatio, per ſecundum canonem ſupputetur.

Operæpretium eſt autem, ipſum Solem aut nullam habere declinationem (cum uidelicet initium Arietis, aut Libræ poſidebit) & tunc meridianâ illius altitudo æqualis erit arcui  $cg$ : aut aliquantulam ab æquatore declinationem obtinere, quæ uel erit borealis ut  $gl$ , ſeu auſtrina ut  $gm$ . Si declinatio Solis fuerit auſtrina, tunc meridianâ illius altitudo, minor erit arcui  $cg$ , per quantitatem ipſius declinationis  $gm$ , qualis eſt arcus  $cm$ . Huic igitur altitudini meridianæ, iungenda eſt declinatio  $gm$ , ut conſurgat arcus  $cg$ . At ſi Boreã uerſus Sol ipſe declinauerit, præfata altitudo meridianâ maior erit arcui  $cg$ , & illum pro contingente Solis declinatione ſuperabit

perabit, ueluti arcus  $cgl$ : Subducēda est igitur declinatio  $gl$ , ab ipsa altitudine meridiana  $cgl$ , ut relinquatur præmemoratus arcus  $cg$ . Est autem arcus  $cg$ , altitudo æquatoris  $feg$ , & proinde æqualis complemento polaris altitudinis  $ah$ , utpote, arcui  $hb$ : quo subtracto ex quadrante  $ahb$ , relinquetur optata poli sublimitas  $ah$ . In obliqua nanque sphaera, quantum mundi polus super datum extollitur horizontem, tantundem loci uertex ab ipso distat æquatore: & proinde fit, ut tanta sit uerticis à polo mundi sursum eleuato distantia, quantum æquator ab ipso declinat horizontem. Aequalis est igitur arcus  $ah$ , ipsi arcui  $bg$ : & arcus  $cg$  ipsi  $bh$  penderet æqualis.


- 3 Idem quoque obtinebitur, per cognitæ cuiuspiam orientis & occidentis stellæ fixæ declinationem: hac sola occurrente differentia, quoniam ipsius stellæ declinatio semper erit borealis, aut semper australis: & proinde aut semper addenda erit meridiane eiusdem stellæ sublimitati (quæ uidelicet sub ipso meridiano contingit circulo) uel ab eadē altitudine semper auferenda, ut præfatum latitudinis, seu polaris eleuationis consurgat, aut relinquatur complementū. Cuius rei non alio exēplo opus esse reor, quàm de Solis declinatione illiusque altitudine meridiana traditum nuper extitit.
- 4 Idem rursus habere licebit, per aliquam stellarum fixarū, super datum horizontem perpetuò circumductarum. Quoniam eiusmodi stella intra diei naturalis reuolutionem bis attingit meridianum circulum: & geminam propterea sub ipso meridiano consequitur altitudinē, alteram quidem maximam inter polum exaltatum & ipsius loci uerticem, alterā uerò minimam inter eundem polum & horizontem, semper tamen æquè distans ab ipso polo sursum exaltato. fit igitur ut dimidium ambarum altitudinum meridianarum ipsius stellæ, polari sit æqualis altitudini. Eligenda est igitur stella, quæ intra noctem artificialem, bis sub ipso meridiano possit obseruari: cuius (exēpli gratia) altitudo maxima sit arcus  $an$ , ipsius antecedentis figuræ, minima uerò illius altitudo arcus  $ao$ . Aequalis est igitur arcus  $hn$ , ipsi  $ho$ : & proinde fit ut arcus

$a h n$ , &  $a o$ , simul iuncti, bis comprehendant ipsum arcum  $a h$  quæsitam uidelicet polarem altitudinem. Quam non minus facile itidem obtinere poteris, si minimam altitudinem  $a o$ , subduxeris à maxima  $a h n$ , & ipsius differentiæ  $o n$ , dimidium acceperis, utpote  $h n$ , uel  $h o$ , ipsúmque dimidium minori iunxeris altitudini, uel à maxima detraxeris altitudi-  
ne: Resultabit enim alterutro duorum modorum, præfatus arcus  $a h$ .

## CANON XI.

**Q**uantum extollatur idem polus arcticus super datum positionis circulum, siue 12 cælestium domorum distinctorẽ, inquirere.

**I** Ad faciliorem huiusce canonis, atque duorum sequentium intelligentiã, esto meridianus circulus  $a b c$ , æquatuaor  $d e f$ , horizõ obliquus  $a f c$ , uerticalis circulus qui rectos cum meridiano & eodem horizonte facit angulos  $b g f$ , polus mundi  $h$ , & illius super horizontem exaltatio  $c h$ : datus uerò positionis circulus  $a g c$ , in quem ex mundi polo  $h$ , magnus demittatur circulus  $h f m$ , in ipsum positionis circulum  $a g c$ ,



perpendiculariter incidens. Per altitudinẽ itaque poli arcticĩ  $h$ , intelligimus arcũ  $h f$ : quẽ inuestigare est opere pre-  
tium. Ex doctrina itaque triã-  
gulorum sphæ-  
ricorum, potissimũ decima-  
tertia, decima-  
quarta, & deci-  
ma quinta p-  
positione

positione primi libri Geberi in magnam Ptolemæi constructionem: sinus rectus quadratis  $b c$ , eandem rationem habet ad sinum rectum arcus uerticalis  $b g$ : quam sinus rectus  $c h$ , datæ uidelicet polaris altitudinis super horizontem, ad sinum rectum optatæ polaris eleuationis  $h l$ , super datum positionis circulum  $a g c$ . Atqui tres primi noti sunt: notus erit igitur & quartus, per uulgatam quatuor proportionalium numerorum regulam: ducendo uidelicet tertium in secundum, & productum per primum diuidendo numerum.

2 Sit itaque propositum inuestigare, quantum polus arcticus super eum exaltatur positionis circulum, qui initium undecimæ domus definire perhibetur: sitque data regionis latitudo, ipsiusue poli arctici in data regione sublimitas, graduū 48, & minorū 40. Arcus igitur circuli uerticalis, inter meridianum & datum positionis circulum comprehensus, iuxta rationalem domificandi modum, quem unà cum Cāpano Nouariensi, multis nominibus, uel argumentis, imitari compellimur (de quibus amplissimam conscripsimus digressionem) est graduum 30: cuius sinus rectus est partium itidem 30. Rectus porrò sinus datæ polaris altitudinis, habet partes 45, prima minuta 3, & secunda 10. Quæ ducenda sunt in partes 30, fient partes 22, 31, & minuta 35: quæ diuisa per 60 partes, reuocantur in partes 22, prima minuta 31, secunda 35: quorum arcus est partium 22, primorū minorum 3, secundorum prope modum 6. Tantus est igitur arcus  $h l$ , seu polaris altitudo super datum circulum positionis, initium undecimæ domus præfinitem. Haud dissimili uia, numerum polarem duodecimæ domus supputabis: offendēsque eundem polum, super ipsius duodecimæ domus finitorem circulum exaltari gradibus 25, primis minutis 39, secundis 32.

| Exempli formula.                             | Arcus. |     |    | Sinus recti. |     |    |    |
|--|--------|-----|----|--------------|-----|----|----|
|  | gra.   | mi. | ̄  | par.         | mi. | ̄  | ̄  |
| Primus arcus circuli uerticalis datus.       | 30     | 0   | 0  | 30           | 0   | 0  | 0  |
| Secundus arcus eiusdem circuli.              | 60     | 0   | 0  | 51           | 57  | 41 | 0  |
| Altitudo poli super datum horizontem.        | 48     | 40  | 0  | 45           | 3   | 10 | 0  |
| Altitudo poli supra circulū undecimæ domus.  | 22     | 3   | 6  | 22           | 31  | 35 | 0  |
| Altitudo poli supra circulū domus duodecimæ. | 25     | 39  | 32 | 25           | 58  | 50 | 30 |

E.

## LIBRI I,

3 Cùm autem omnes semicirculi, quos positionum circulos, seu domorum distinctores appellant, æqualiter à meridiano distantes, æquales includant arcus uerticales, & neque circuli quadrans, neque data poli super horizontem immutetur altitudo: fit, ut quatuor offendantur polares eleuationes de necessitate semper æquales, duæ quidem poli superioris supra huiuscemodi semicirculos superiores, & totidē inferioris poli super inferiores, & sub horizonte depressos semicirculos. Habet enim superior polus ad superiores positionum semicirculos talem prorsus habitudinem, qualem inferior polus obseruat ad inferiores & æquidistantes ab eodem polo semicirculos: quoniam tantum exaltatur polus superior super horizontem, quantum inferior polus sub eodem horizonte deprimatur: domorum insuper interualla ab eisdem circulis distincta, æqualia sunt semper adinuicē, tametsi diuersos arcus Eclipticæ includere uideantur. Hinc fit, ut nonæ & undecimæ domus super horizontem eadem sit polaris altitudo, quæ tertiæ & quintæ sub eodem horizonte: similiter octauæ & duodecimæ supra, quæ secundæ & sextæ infra prædictum horizontē: uti subscripta monstrat formula.

| <i>Domus super horizontem.</i>  | <i>Altitudo poli.</i> |             |          | <i>domus sub horizonte.</i> |
|---------------------------------|-----------------------|-------------|----------|-----------------------------|
|                                 | <i>Gra.</i>           | <i>min.</i> | <i>̄</i> |                             |
| <i>Nonæ, &amp; undecimæ.</i>    | 22                    | 3           | 6        | <i>Tertiæ &amp; quintæ.</i> |
| <i>Octauæ, &amp; duodecimæ.</i> | 25                    | 39          | 32       | <i>Secundæ &amp; sextæ.</i> |
| <i>Septimæ.</i>                 | 48                    | 40          | 0        | <i>Primæ.</i>               |


### CANON XII.

**A**RCUM æquatoris inter meridianū, & datum quemuis cælestium domorum distinctorem comprehensum, penderiter numerare.

I Cùm circulus æquator, ab eo circulo uerticali qui rectos cum meridiano causat angulos, & in quo præmemorata domorum interstitia per æqualia distribuuntur, in utrâque partem declinet: non possunt ipsius Aequatoris arcus, ab ipsius domorum interuallis cōprehensi, æquales esse adinuicem in obliquo.

obliquo sphaerae situ: sed ij tantummodo, qui à domorum interstitiis æqualiter à meridiano uel horizonte distantibus includuntur.

2 Refumatur igitur ob oculos, antecedentis undecimi canonis delineatio, eisdem notis atque nominibus insignita, ut in ipso canone expositum est: sitque propositum inuenire quãtus sit arcus  $d e$ , ipsius æquatoris  $d e f$ , inter meridianũ  $a b c$ , & positionis circulum  $a g c$  comprehensus. Ex præallegata igitur triangulorum sphaericorum doctrina, & citatis eodem canone Geberi propositionibus fit manifestum, si num rectũ complementi inuentæ polaris altitudinis supra datum positionis circulum (utpote sinum arcus  $l m$ , complemẽti ipsius



$h l$ ) ad sinum rectũ quadrãtis (ipsius uidelicet  $m e$ ) eãdem obtinere rationem, quã sinus rectus cõplementi dati arcus uerticallis (qualis est  $g f$ ) ad sinum rectum complemẽti ipsius arcus æquatoris propositi, utpote ipsius

arcus  $e f$ , qui propositi arcus  $d e$ , uidetur esse complementũ. Itaque ducendo tertium numerum in secundum, & productum diuidẽdo per primum, nascetur ipse quartus numerus.

3 Esto, uerbi gratia, propositum inuestigare, quãtus sit arcus æquatoris intra decimam domum comprehensus, in præassumpta poli sublimitate gra. 48, & mi. 40. Arcus itaque uerticallis, ex præassumpta domificandi ratione est 30 graduum: & proinde illius complemẽtum graduum 60, cuius sinus re-

E ij

Etus habet partes 51, prima minuta 57, & secūda 41. Polaris autem eleuatio supra finitorem undecimæ domus, inuenta fuit ex præcedenti canone graduum 22, primorum minutorum 3, secundorum 6: cuius eleuationis complementum, est graduū 67, primorum minutorum 56, secūdorum 54: quorum sinus rectus habet partes 55, prima minuta 36, secūda 38, & tertia 36. Multiplicētur igitur 51, 57, 41, per 60 partes semidiametri, fiēt partes 51, 57, & minuta 41: quæ diuisa per 55, 36, 38, 36, dant pro quoto numero partes 56, & minuta 3, 45, 28: quorū arcus, est partium 69, & minutorum 7, 42. Tantum est igitur complementum arcus desiderati: quo subducto ex quadrante circuli, relinquetur idem arcus æquatoris ab undecima domo cōprehensus, graduum quidem 20, & minutorum 52, 18.

| Exempli formula.                          | Arcus. |      |    | Sinus recti. |     |    |    |
|---|--------|------|----|--------------|-----|----|----|
|   | gra.   | min. | ̄  | par.         | mi. | ̄  | ̄  |
| Complementum dati arcus uerticalis.       | 60     | 0    | 0  | 51           | 57  | 41 | 0  |
| Complementum inuentæ polaris altitudinis. | 67     | 56   | 54 | 55           | 36  | 38 | 36 |
| Complementum arcus Aequatoris optati.     | 69     | 7    | 42 | 56           | 3   | 45 | 28 |
| Arcus Aequatoris decimæ domus.            | 20     | 52   | 18 | 0            | 0   | 0  | 0  |

- 4 Haud dissimili uia colligetur arcus æquatoris, inter meridianum circulum & finem undecimæ domus comprehensus: qui offendetur habere gradus 56, & minuta prima 18, secūda ferè 35. A quibus si tollatur præfatus æquatoris arcus, intra decimam domum comprehensus: relinquetur arcus quē includit domus undecima, graduum quidem 25, & minutorū 26, 17. Quòd si præfati gradus 56, & minuta 18, 35, subducantur à quadrante circuli, seu gradibus 90: relinquetur arcus à duodecima domo comprehensus, graduum uidelicet 33, & minutorum 41, 25. Et quoniam circuli domorum qui distant æqualiter à meridiano circulo, æquales habēt eleuationes polares: haud aliter domus æqualiter ab ipso meridiano distantes, æquales comprehendunt eiusdem æquatoris arcus. Et proinde fit, ut præfati tres arcus, ad præassumptam poli arctici super horizontem exaltationem supputati, cæteris domibus in hunc qui sequitur modum accommodentur.



|                   |                     | Arcus æqua-<br>toris. |     |    |                   |       |
|-------------------|---------------------|-----------------------|-----|----|-------------------|-------|
| Super horizontem. |                     | gra.                  | mi. | ̄  | Sub horizonte.    |       |
| domus             | Nonæ, & decimæ.     | 20                    | 52  | 18 | tertiæ & quartæ   | domus |
|                   | Octauæ, & undecimæ. | 25                    | 26  | 17 | Secundæ & quintæ. |       |
|                   | Septimæ & duodecimæ | 33                    | 41  | 25 | primæ, & sextæ.   |       |

CANON XIII.

**Q**ualiter ascendens, & reliquarum cælestium domorum initia, iuxta fidelio-rem domificandi rationem supputari debeant, paucis admonere.

1 Iuuat ostendere cōsequenter, paucisque perstringere, qualiter ascendens Eclipticę punctum, atque reliqui cælestiū domiciliorum cardines, ad datum quodcūque tempus, & oblatam poli borealis sublimitatem, per diffinitas in præcedentibus canonibus ascensionum atque descensionum supputationes, colligantur: idque suffragio duorum antecedentium canonum, quibus tum poli sublimitatem super unumquęque domorum finitorem, tum æquatoris arcum ab unaquęque domorum comprehensum inuenire docuimus. Cū enim circuli cælestium domiciliorū distinctores, obliqui quidam (excepto meridiano) horizontes esse uideantur: nō potest fidelius dignosci, quænam Eclipticæ puncta unumquęque prædictarum domorum finitorem dato quouis attingāt tēpore, quàm per ipsas partim rectas, & partim obliquas ascensiones: tēporū quoque directiones, atq; dimensiones exerceri.

2 Ascendentis igitur Eclipticæ puncti, obliquam in hunc modum colliges ascensionem. Cognito in primis uero loco seu motu Solis in Ecliptica, sumatur illius ascensio recta, per quartum canonem, cui addatur tempus à proximè lapso meridie fluxum in partes æquatoris de more resolutum, & quadrans præterea circuli: Nam ipsius horoscopi, uel ascendentis Eclipticæ partis, obliqua resultabit ascensio. Quòd si forsitan ex hac collectione circulus creuerit, is reiiciendus est, & resi-

## LIBRI I,

duum pro quæfita ascensione feruandum. Reliquarum porrò domorum ascensiones, hac arte supputandæ sunt. Ascensioni ipsius horoscopi, uti nunc expressimus adiuuente, adde suo ordine ipsius primæ, secundæ, tertiæ, quartæ, & quintæ domorū interstitia, hoc est, ab ipsis domibus comprehensa Aequatoris interualla, per antecedentem duodecimum canonē adiuuenta. Conflabuntur enim obliquæ subterraneorum domorum ascensiones: excepta quartæ domus ascensione, quæ recta dicenda est. His autem in hunc modum conflatis ascensionibus, respondentes Eclipticæ colligendi sunt arcus: ascendens quidem per propriam oblatae regionis tabulam, quartæ porrò domus per tabulam ascensionum rectarum, aliarum uerò domorum per tabulas ad polares illarum eleuationes in hunc finem præparatas. Nam fines eorūdem arcuum Eclipticæ, sex domorum subterraneorum initia, siue cardines, illico propalabunt: & eorūdem cardinum oppositæ partes, oppositarum & supra terram existentium domorum exordia pender ostendent. Quorum exempla dare consulo superfedemus: utpote, qui de ea re, in directionum tabulis ampliorē sumus habituri sermonem, & hoc loco requisitis caremus tabulis.

- 3 Operæpretium est itaque in data regione, seu poli borealis altitudine, quatuor in primis supputare ascensionum tabulas, rectarum quidem ascensionum per ipsum quartum canonem, & obliquarum per canonem quintum: obliquarum uelim intelligas ascensionum, ad propriam eleuationem poli arctici, quæ tabula regionis nuncupatur, & reliquas duas ad eleuationes polares secundæ & tertiæ domus, quæ quintæ & sextæ domibus indifferēter uidentur esse cōmunes: quas quidem tabulas in perpetuum usum ipsius oblatae regionis, siue latitudinis reseruabis: Ni forsitan uolueris ascendens in primis, dein prædictarum sex domorum subterraneorum, aut alio quouis ordine distributarū semel condere tabulam, usui quidem paratissimam, quæ te à non modico labore in posterum subleuabit.
- 4 In recta porrò sphaera, cū equator sit præfatus circulus uerticælis,

ticalis, & singuli domorum distinctores rectos imitentur horizontes: fit, ut unaquęque duodecim domorū 30 gradus ipsius æquatoris indifferenter comprehendat, & ipsarum domorum initia ad Zodiacum relata circulum, per rectas tātummodò suscitentur ascensiones.

## CANON XIII.

**V**T dierum, atque noctium artificialium quantitas, ad datam quāuis obliquitatem sphaeræ supputetur, exprimere.

- 1 Hic de singulis obliquitatibus sphaeræ, poli ue septentrionalis exaltationibus uelim intelligas, quæ ab Aequatore usque ad circulum comprehenduntur arcticū, & complementum maximæ declinationis Solis non excedunt. Per arcū itaque diurnum Solis intelligendus est is, quem describit idem Sol ab ortiua horizontis parte per medium cæli, usque ad occiduam: nocturnus porrò arcus, est reliqua pars diei naturalis, ab occidua horizontis parte, per subterraneum meridianum, ad Solis exortum comprehensa. Haud aliter arcus diurnus, atque nocturnus stellarum diffiniendus: est etiā quocunque descriptus fuerit tempore.
- 2 In recta itaque sphaera, tam dies quàm nox artificialis perpetuò est horarum 12: quibus respondent de Aequatore circulo, 180 gradus. In obliquo autem sphaeræ situ, ubi polus arcticus extollitur, differentia ascensionalis ueri loci Solis, simul est differentia arcus semidiurni, qui sub æquinoctiali & data poli sublimitate contingit: & duplum consequenter ipsius ascensionalis differentię, totius arcus diurni differentiam, ab eo qui sub ipso contingit Aequatore commonstrabit. Accepto igitur loco Solis, supputetur ascensionalis eiusdem loci differentia, per quintum canonem antecedentem: quam adde quadranti circuli, si locus Solis in borea fuerit Eclipticę medietate: uel aufer ipsam differentiam ascensionalem ab eodem circuli quadrante, ubi Sol australem ipsius Eclipticę medietatem occupauerit. Confurget enim, aut relinquetur, quæ-

## LIBRI I,

fitus arcus semidiurnus: quo duplato totus arcus diurnus resultabit. Quòd si diurnus arcus, à toto diei naturalis subducatur circulo: nocturnus arcus tandem relinquetur.

3 Esto uerbi gratia datus Solis locus in 14 gradu Arietis, aut 16 Virginis, sitque propositum diurnum eiusdem Solis arcum in ea supputare regione, supra cuius horizontem polus arcticus 48 gradibus, & 40 minutis exaltatur. Differentia itaque ascensionalis ipsorum 14 graduum Arietis, est graduum 6, & minutorum 19, per ipsum quintum canonem: hæc igitur addatur 90 gradibus quadrantis, fiet gradus 96, & minuta 19. Tantus est arcus semidiurnus ipsius Solis: quem si duplaueris, consurgent gradus 192, & minuta 38, totius arcus diurni. Qui si à toto subducatur circulo, nocturnus arcus relinquetur: graduum quidem 167, & minutorum 22: & proinde arcus seminocturnus, erit graduum 83, & minutorum 41. Quòd si Sol possideat 14 gradum Libræ, aut 16 Piscium in australi Eclipticæ medietate: eadem offendetur ascensionalis differentia, sed à 90 gradibus subducenda. Arcus propterea semidiurnus, erit graduum 83, & minutorum 41: & diurnus consequenter arcus graduum 167, & minutorum 22. Semi-nocturnus autem habebit gradus 96, & minuta 19: totusque nocturnus arcus, gradus 192, & minuta 38. In punctis enim æque distantibus ab alterutro æquinoctiorum, quantus est arcus diurnus sub uno eorum, tantus est nocturnus sub reliquo: & è conuerso. Poteris itaq; tabulam maximarum dierum ad omnes latitudinis gradus uel facillè supputare.

4 Idem habebis, si loci Solis acceperis ascensionem, atque puncti Eclipticæ è diametro constituti, ad datam obliquitatem sphaeræ supputatam: & obliquam ipsius loci Solis ascensionem subduxeris ab ascensione obliqua eiusdem puncti loco Solis oppositi. Quod enim relinquetur, diurnum arcum propalabit: Hinc nocturnus arcus, uti suprascriptum est, uel facillè colligetur. Si per quintum igitur canonem, tabulam ascensionum obliquarum ad datam poli sublimitatem in primis supputaueris: facillimum erit, tabulam quantitatis dierum artificialium, per singulos Eclipticæ gradus colligere.

IUVAT

5 IVVAT DEMVM ALIAM SVPPVTAN-  
 di rationem annectere. Inuenta itaque loci Solis declinatio-  
 ne per secundum canonem, atque ortus latitudine per septi-  
 mum: duc sinum rectum complementi ipsius ortuæ latitudi-  
 nis in semidiametrum, totiúsue quadrantis sinum rectum, &  
 productum diuide per sinum rectum complementi declina-  
 tionis eiusdem loci solaris. Nascetur enim sinus rectus arcus  
 semidiurni, si Sol australem occupauerit Eclipticę medietatē:  
 aut sinus rectus arcus seminocturni, ubi Sol in borea Eclipti-  
 cę parte locum habuerit. Se habet enim sinus rectus comple-  
 menti declinationis ipsius puncti Eclipticę dati, ad sinum re-  
 ctum complementi eiusdem amplitudinis ortiuæ: ueluti se-  
 midiameter, rectus ue sinus quadrantis, ad sinum rectum ip-  
 sius arcus semidiurni, aut seminocturni propositi: per ea, quæ  
 sæpius allegato secundo libro Geberi, in magnam Ptolemæi  
 constructionem, sunt præostensa.

6 Resumatur in exemplum 14 gradus Libræ, cuius declina-  
 tio est 5 graduum, & 32 minutorum: & ipsius declinationis  
 complementum, graduum 84, & minutorum 28, quorum si-  
 nus rectus, habet partes 59, & minuta 43, 13. Amplitudo autē  
 ortiua eiusdem gradus Libræ, in præassumpta poli sublimi-  
 tate, habet gradus 8, & minuta 24: & horum propterea com-  
 plementum gradus 81, & minuta 36, quorum sinus rectus, est  
 partium 59, & minutorum 21, 22. Quæ ducta in 60 partes se-  
 midiametri, reuocantur in partes 59, 21, & minuta 22: hæc au-  
 tem diuisa per partes 59, & minuta 43, 13, dant pro quoto nu-  
 mero partes 59, & minuta 38, 3: quorum arcus, habet gradus  
 83, & minuta 41. Tātus est igitur arcus semidiurnus optatus:  
 quem si ab 180 gradibus dimidij naturalis diei subduxeris, se-  
 minocturnus arcus relinquetur, graduum quidem 96, & mi-  
 nutorum 19. Si Sol autem possederit 14 gradum Arietis, sub  
 quo eandem uidetur obtinere declinationem, atque ortus la-  
 titudinē: seminocturnus arcus haberet gradus 96, & minuta  
 19: semidiurnus uerò gradus 83, & minuta 41. Quanti uideli-  
 cet, per ascensionalem differentiam, superius reperti sunt, in  
 præassumpta poli sublimitate graduū 48, & minutorum 40.

F

LIBRI I,

| Exēpli formula, ad latitudinem 48. gra. & 40. mi. | Arcus. |     | Sinus recti. |     |    |
|---|--------|-----|--------------|-----|----|
|   | gra.   | mi. | part.        | mi. | z  |
| Locus Solis, seu gradus Libræ datus.              | 14     | 0   | 0            | 0   | 0  |
| Declinatio ipsius loci Solis.                     | 5      | 32  | 0            | 0   | 0  |
| Complementum ipsius declinationis.                | 84     | 28  | 59           | 43  | 13 |
| Latitudo ortus eiusdem loci Solis.                | 8      | 24  | 0            | 0   | 0  |
| Complementum ipsius ortus latitudinis.            | 81     | 36  | 59           | 21  | 22 |
| Arcus semidiurnus optatus.                        | 83     | 41  | 59           | 38  | 3  |

CANON XV.

**V**Bi polus arcticus, supra maximæ declinationis solaris complementum extollitur: continuatæ lucis arcum penderiter inuenire.

1. Cùm autem polus arcticus, supra complementum maximæ declinationis ipsius Solis super horizontem fuerit exaltatus, & continuatæ lucis supra diem naturalem quantitas dignoscenda proponetur: id fiet in hunc qui sequitur modum. Subducatur ipsa polaris altitudo, à quadrante circuli: quod enim relinquetur, æquum erit declinationi puncti Eclipticæ, à quo propositus arcus sumit exordium. Ipsius itaque declinationis respondens arcus Eclipticæ, à proxima quidem sectione ipsius Eclipticæ, cum Aequatore supputatus inuestigetur, iuxta præcedentis tertij canonis traditionem. Hic postmodum arcus, à circuli quadrante subducatur: & quod inde relinquetur duplicatum, exprimet arcum Eclipticæ, qui nunquam sub horizonte deprimitur: cui æqualis est oppositus arcus, qui nunquam super eundem emergit horizontem.
2. Exponatur in exemplum altitudo poli arctici graduum 68. his itaque detractis à 90 gradibus quadrantis, relinquuntur gradus 22: tanta est declinatio puncti Eclipticæ, à quo propositus initiatur arcus. Ipsi porrò declinationi 22 graduum, respondet decimus gradus Geminorum: & proinde inter ipsum! & proximam sectionem uerticalem, comprehenduntur gradus 70. Quibus subductis ex ipso quadrante circuli, relinquuntur gradus 20, inter idem punctum initiatum, & æstiuum solstitium compre-

comprehensi. Si duplentur ergo præfati 20 gradus, confurgēt gradus 40: tantus est igitur arcus Eclipticæ, qui in præassumpta eleuatione poli arctici, nunquam deprimitur sub horizontē: tantus etiam arcus oppositus, qui super eundem horizontem nūquam extollitur. Quantum uerò temporis interual- lum huic debeatur arcui, ex ipso uero motu Solis facile perdi- sces: examinato uidelicet die, & hora introitus Solis, in finem decimi gradus Geminorū, similiter & in finem uigesimi gra- dus Cancrī. Huic porrò temporī, propemodum æquatur hy- bernum tempus cōtinuationis tenebrarum. Haud aliter in- telligēdum, atque faciendum esse uidetur, de cæteris quibus- cunque datis poli sublimitatibus.

## CANON XVI.

**I**næqualium horarum tam diei, quàm noctis ar- tificialis, in data quauis sphæræ positione, præfi- nire quantitates.

1 Horarū alias æquales, alias uerò inæquales esse, ab omni- bus receptū est astronomis: quæ à duobus primariis circulis originem traxisse uidentur, Aequatore, inquam, & Zodiaco. Aequales siquidem horæ, sunt tempora quibus singuli 15 gra- dus Aequatoris, ad motum naturalem Vniuersi, super datū quemuis horizontem ascendunt: quæ propterea naturales, & æquinoctiales nonnunquam appellātur. Porrò 15 gradus Ae- quatoris, dimidium signi præcisè comprehendunt, & ipsius Aequatoris, signa numero sunt 12: hinc fit, ut sint 24 dimidia signa in eodem Aequatore circulo, sub æqualibus tempori- bus perpetuò circumducta. Et proinde constat, cur eiusmodi horæ numero sint 24, & æquales iure uocitentur.

2 Inæquales autem horæ, ab ipso desumūtur Zodiaco: sunt enim tēpora, quibus singuli 15 gradus Zodiaci uel Eclipticę super horizontem coascendere uidentur. Et quoniam so- lus Aequator est mensura temporis, eiusmodi horæ Zo- diaci, per coascendentes Aequatoris arcus de necessitate men- surantur: & in diurnas, atq; nocturnas horas distributæ sunt.

Cùm enim Zodiacus, ab horizonte bifariam perpetuò diuidatur: fit, ut qualibet die, atque nocte artificiali, sex illius signa perorientur, quæ 12 dimidia signa, hoc est, duodecies 15 gradus comprehendunt: quorum ascensiones sunt diuersæ, etiam in recta sphaera. Patet igitur, cur tã diei, quàm noctis artificialis sint horæ 12: & qua ratione, utriusq; & diei, & noctis artificialis horæ sint inæquales adinuicem. Diurnæ propterea & inæquales horæ, ab ortu Solis: nocturnæ uerò, ab eiusdem Solis occasu numerantur. Has porrò inæquales horas, ueteres tum philosophi tum astronomi, 7 planetarum attribuere domino: in hunc quidem modum, ut prima hora diei sabbati detur Saturno, secunda Ioui, tertia Marti, & sic deinceps, iterum repetendo Saturnum, & ipsorum planetarum ordinem continuè circulando. Hinc factum est, ut prima hora diei dominici Solem adeptæ sit, & prima hora secundæ feriæ Lunã, tertiæ Martem, quartæ Mercurium, quintæ Iouem, & sextæ Venerem: à quibus dies ipsi in hunc usque diem sua contraxere nomina, excepto die Solis, quem dominicum Christiana religio nuncupauit.

- 2 Ipsarum igitur inæqualium horarum quantitates, per coascendentes æquatoris arcus de necessitate colligentur: in recta quidem sphaera, ad miniculo tabulæ ascensionum rectarum, in obliqua autem sphaeræ positione, coadiuuante ascensionum obliquarum tabula, ad datam poli arctici sublimitatem præparata. Tollenda erit igitur ascensio loci Solis, ab ascensione 15 primorum graduum immediatè sequentium: relinquetur enim arcus Aequatoris, qui primæ horæ inæqualis diurnæ metitur interuallum. Horum rursus 15 primorũ graduum ascensionem, auferes ab ascensione 15 graduum succedentium: nam relictus arcus Aequatoris, horæ secundæ inæquali tribuendus erit. Et deinceps in hunc modum per subtractionem ascensionum singulorum 15 graduum, ab ascensione 15 immediatè succedentium, cæterarum horarum interualla colligentur. Quas in partes horarias temporis, solito more reuocabis: dando quibuslibet 15 gradibus unam horam æqualem, & cuilibet gradui 4 horæ minuta, & cuilibet minu-



to gradus 4 horæ secūda: hoc enim modo, temporaneam cuiuslibet inæqualis horæ durationem obtinebis.

3 Et proinde facillimum erit, tabulam inæqualium horarū condere, Sole ab initio Capricorni, per Arietem, usque ad finem Geminorum ascendente: quæ cæteris Eclipticæ signis, à Cancri uertice, ad calcem usque Sagittarij (quæ descendencia uocantur signa) præpostero adcomodabitur ordine. In singulis enim Eclipticæ punctis, in quibus ascensionales differentiæ contingunt æquales, & diurnorum atque nocturnorū signorum æquales ascensiones: similia uidentur accidere dierum & noctium artificialium in eadem Orbis parte, atque horarum inæqualium discrimina. Et proinde nulla offendetur inæqualis horæ magnitudo, quæ pluries in ipsa non repetatur tabula: siue diurno, siue nocturno sit adcomodata tempore. Qualem tabulam, sexto capite libri quarti spheræ nostræ siue Cosmographiæ, ad Parisiensem supputauimus latitudinē.

4 Offendes igitur inæquales tam diei quàm noctis artificiales horas, tanto minùs fore inuicem inæquales, quanto maior diei, atque noctis artificialis contingit inæqualitas: & ad maximam inæqualitatem tunc deuenire, cùm dies artificialis ipsi nocti coæquatur. Sub æstiuo nanque solstitio, ubi dies est maximus, & nox minima, sex signa rectè simul ascendencia diurno eleuantur tēpore: sex uerò quæ simul ascendunt obliquè, nocturno. Cuius cōtrarium accidit sub brumali solstitio, ubi nox accidit maxima, & dies artificialis minimus. Sub utroque autem æquinotio, tria signa rectè, & totidem obliquè ascendencia, tam diurno quàm nocturno tempore super horizon-tem eleuantur: quemadmodum præallegato capite sexto libri quarti spheræ, seu cosmographiæ nostræ luculentur expressimus.

## CANON XVII.

**E**X hora æquali data, contingentem tunc inæqualem horam elicere: & è conuerso.

1 Sit in primis data æqualis hora antemeridiana, hoc est, à media nocte supputata: hæc igitur erit aut nocturna, aut diur-

na. Si fuerit nocturna, adde illi arcum seminocturnum, per decimumquartum canonem adinuentum, & in partes temporis reuocatum: confurgent enim æquales horæ, ab occasu Solis proximo numeratæ. A quibus tolle singula nocturnarum & inæqualium horarum tempora, per decimumsex- tum & proximum canonem supputata: suo quidem ordine, hoc est, primæ horæ inæqualis quantitatem, dein secundæ, postea tertiæ, & sic deinceps. Quot enim integra subduci poterunt earundem inæqualium horarum tempora, tot erunt inæquales horæ præterlapsæ: si quid autem remanserit minus horaria & sequenti quantitate, id designabit partem ipsius horæ sequentis incompletæ.

2 Si autem eiusmodi equalis hora fuerit diurna, subduces ab ea præfatum tempus arcus seminocturni: nam residuum exprimet horas equalis, ab ortu Solis numeratas. A quibus auferenda sunt quotquot poterunt inæqualium & diurnarum horarum tempora, per ipsum decimumsex- tum canonem supputata, atque suo ordine distributa. Nam quot integrarum horarum inæqualium subduci poterunt interualla, tot erunt inæquales horæ ab ipso ortu Solis numerandæ: si quid autem remanserit, id sequentis inæqualis horæ partem incompletam pro- palabit.

3 Porro si data equalis hora fuerit pomeridiana, ab ipso uidelicet meridie supputata: ea erit rursus aut diurna, aut nocturna. Si fuerit diurna, adde illi tempus arcus semidiurni, per ipsum decimumquartum canonem adinuētum: confurgent enim horæ equalis ab ipsius Solis ortu numeratæ. A quibus diurnarum & inæqualium horarum tempora, suo detrahenda sunt ordine: quotquot uidelicet subtrahi poterunt. Erunt enim tot inæquales horæ integræ, quot earundem inæqualium horarum subtracta fuerint tempora: & pars insuper horæ incompletæ, quæ per ipsum exprimetur residuum, quod facta subtractione relinquetur.

4 Tandem ubi hora equalis pomeridiana, fuerit nocturna, subduces ab ea præfatum tempus semidiurnum: ut relinquantur equalis horæ, ab occasu Solis numeratæ. A quibus si de-  
mantur

mantur singula nocturnarum & inæqualium horarum tempora per ipsum proximum canonem adiuuenta: tot erunt tunc inæquales horæ nocturnæ, quot subducta fuerint integrarum horarum interualla: & tanta insuper sequentis horæ incomplete pars, quantã ipsum uidebitur exprimere residuũ.

5 RELIQUVM EST, INÆQVALES HORAS ad æquales uersauice cõuertere. Si horæ igitur inæquales fuerint diurnæ, & ante sextam siue meridianam, compone illarum tempora adinuicem, & producto numero adde seminocturnum tempus: consurgent enim æquales horæ, à media nocte supputatæ. Quòd si eadẽ inæquales horæ superauerint sextam, fuerint ue pomeridianæ, componantur rursus in unum horarum & minutorum numerum, & à producto auferatur tempus semidiurnum: relinquentur enim æquales horæ ab ipso meridie numeratæ.

6 Vbi autem eiusmodi inæquales horæ fuerint nocturnæ, & ante sextam, siue mediam noctem illarum inuenta tempora, in unum ueniunt componenda numerum, cui addendum est tempus semidiurnum: consurgent enim æquales horæ, ab eodem meridie supputandæ. At si eadem inæquales horæ nocturnæ superauerint sextam siue mediam noctem, ab illarum temporibus in unum coaceruatis subducendum est tempus seminocturnum: relinquetur enim æquales horæ, ab ipsa media nocte supputatæ. Si igitur inæqualium horarum tempora, & semidiurnos aut seminocturnos arcus, ad tuũ horizontem semel supputaueris, habebis perquàm facilem uiam cõuertendi prædictas horas adinuicem.


## CANON XVIII.

**A**ltitudinem Solis super datum horizontem, quacũque hora diei artificialis reddere certã.

1 Solis aut dati cuiuslibet syderis altitudo, est arcus uerticallis circuli, per centrum ipsius Solis uel astri incedentis, ab altitudinum parallelis, inter eundem Solem uel astrum & horizontem comprehensis, dinumeratus. Tales porrò altitudi-

nes Sol consequitur ab ortu usque ad meridiem, quales ab ipso meridie ad occasum: sic tamen, ut in temporibus æqualiter à meridie distantibus, Sol æquales obtineat altitudines, & omnium maximam, quæ dato potest accidere die, dum sub meridiano constituitur circulo. Maxima autem Solis altitudo meridiana, quæ toto anno in data regione potest accidere, est quæ contingit dum Sol æstivum uideretur occupare solstitiū: minima uerò, quæ Sole sub brumali solstitio, constituto caufatur.

- 2 Meridiana itaque Solis altitudo, in primis sic colligenda est. Cognita poli borealis super datum horizontem exaltatione, per decimum canonem, ea tollatur ex quadrante circuli: quod enim relinquetur, erit Aequatoris circuli sub data regione contingens altitudo. Huic igitur altitudini æquatoris, addatur Solis declinatio, per secundum canonem adinuenta, si Sol boream occupauerit Eclipticæ medietatem: uel auferatur ipsa declinatio Solis ab eadem æquatoris altitudine, ubi Sol in australi Eclipticæ medietate locum habuerit. Consurget enim, uel relinquetur ipsius Solis altitudo meridiano caufata tempore. Quod si cōtingat Solem nullam habere declinationem: illius altitudo meridiana, non discrepabit ab ipsius Aequatoris altitudine. Sit in præfatæ supputationis meridia-



narum altitudinum exemplum, dati loci meridianus  $a b c d$ , polus mundi borealis pūctum  $b$ , Aequator  $e c$ , horizon  $a e d$ , ipsius Aequatoris altitudo

$d c$ . Solis autem declinatio borealis  $c f$ , austrina uerò  $c g$ . Manifestum est itaque, meridianam Solis altitudinē  $d f$ , constare ex eleuatione Aequatoris  $d c$ , & borea Solis declinatione  $c f$ .

*c f*: altitudinem porrò *d g*, per subtractionem austrinæ declinationis *c g*, ab eadem Aequatoris eleuatione prodire. Cùm autem Sol alterutrum occupauerit æquinoctiorum, ubi nullã habet ab Aequatore declinationem: eadẽ erit meridiana Solis altitudo, quæ ipsius Aequatoris eleuatio *d c*. hic non opus est alio supputationis exemplo.

- 3 CAETERARVM PORRO ALTITVDINVM solariũ calculus, dum alibi quàm sub meridiano Sol ipse constitutus est, ex 35 propositione secundi libri ueteris cuiusdam epitomatis in magnã Ptolemæi constructionem (cui respondet 43 propositio secũdi itidem libri noui epitomatis Io. Regiomontani) colligitur. Ibidem nanque demonstratur, sinũ rectum illius arcus Eclipticæ, qui inter horizontem & meridianum comprehenditur, eam rationem habere ad sinum rectum altitudinis puncti medium cæli tunc attingentis, quam sinus rectus arcus eiusdem Eclipticæ inter ipsum horizontem & locum Solis comprehensi, ad sinum rectum Propositæ solaris altitudinis. Igitur si per 4 proportionalium numerorum regulam, tertium ducatur in secundum, & productũ per primum diuidatur: quartum innotescet, sinus uidelicet rectus quæsitæ altitudinis Solis. Proponatur in exemplũ supputanda altitudo Solis, hora nona ante meridiem, dum Sol ipse initium occupat Geminorum, ab eo quidem horizonte, super quẽ polus arcticus 48 gradibus & 40 minutis exaltatur. Per ea igitur quæ 13 canone tradita sunt, 14 gradus Arietis mediũ cæli tunc occupabit: 4 uerò Leonis gradus, ortiuam horizon-tis partem. Declinatio autem ipsius 14 gradus Arietis, ex secundo canone offenditur habere gradus 5, & minuta 32. quæ cùm sit borealis, illam addo complemento datæ polaris altitudinis, utpote, gradibus 41, & minutis 20: confurgunt gradus 46, & minuta 52. Tanta est altitudo ipsius gradus medij cæli: cuius sinus rectus habet partes 43, & minuta 47,9. Ab ortu præterea ad locum Solis datum, intercidunt gradus 64: quorum sinus rectus habet partes 53, & minuta 55,40. Ab eodem insuper ortu ad medium cæli, offenduntur gradus 110: quibus demptis ex 180 gradibus semicirculi, relinquuntur gra-

G

us 70: quorū sinus rectus est partiū 56, & minorū 22, 54. Ductis igitur 53, 55, 40, in 43, 47, 9, fient partes 39, 21, & minuta 16, 21, 41: quæ diuisa per 56, 22, 54, dāt pro quoto numero partes 41, & minuta 52, 48: quorū arcus est graduū 44, & minorū 16. Tāta est pposita Solis super datū horizontē altitudo: cui æqualis est eiusdē Solis altitudo, hora tertia post meridiē.

| Exempli formula.                  | Arcus. |      |     | Sinus recti. |     |    |
|-----------------------------------|--------|------|-----|--------------|-----|----|
|                                   | Signa. | gra. | mi. | part.        | mi. | z  |
| Hora data, nona ante meridiem.    |        |      |     |              |     |    |
| Elevatio poli arctici data.       |        | 48   | 40  | 0            | 0   | 0  |
| Locus Solis datus.                | II     | 0    | 0   | 0            | 0   | 0  |
| Medium cæli tempore dato.         | Υ      | 14   | 0   | 0            | 0   | 0  |
| Ascendens eodem tempore.          | Ω      | 4    | 0   | 0            | 0   | 0  |
| Altitudo mediæ cæli.              |        | 45   | 52  | 43           | 47  | 9  |
| Ab ascendente ad locum Solis.     |        | 64   | 0   | 53           | 55  | 40 |
| Ab eodē ascendente ad mediū cæli. |        | 110  | 0   | 0            | 0   | 0  |
| Complementum de semicirculo.      |        | 70   | 0   | 56           | 22  | 54 |
| Altitudo Solis hora data.         |        | 44   | 16  | 41           | 52  | 48 |

- 4 Quòd si Sol alterutrum occupauerit æquinoctiorum, ut-  
cunque supradictus facilitabitur calculus: tūc enim sinus re-  
ctus quadrantis Aequatoris inter horizontem & meridianum  
comprehensi, eandem rationem habebit ad sinum rectum al-  
titudinis ipsius Aequatoris: quam sinus rectus arcus eiusdem  
Aequatoris, qui inter horizontem & locum ipsius Solis con-  
tinetur, ad sinum rectum propositæ solaris altitudinis. Suffi-  
cit itaque, multiplicare sinum rectum complementi distantiae  
Solis à meridie, in sinum rectum complementi datæ polaris  
altitudinis, & productum diuidere per semidiametrū, totius  
quadrantis sinum rectum: prodibit enim sinus rectus quæ-  
sitæ altitudinis ipsius Solis. Proponatur rursus in exēplum  
hora nona ante meridiem, Sole initium Arietis occupante:  
cuius altitudo desyderetur in præassumpto horizonte, super  
quē polus arcticus 48 gradibus, & 40 minutis extollitur. Di-  
stantia itaque Solis à meridie, atque illius complementum, est  
graduum 45: quorum sinus rectus est partium 42, & minuto-  
rum 25, 35. Complementum autē datæ polaris altitudinis, est  
graduum 41, & minorum 20: quorum sinus rectus habet  
partes

partes 39, & minuta 37, 34. Hos itaque sinus rectos si inuicem multiplicaueris, & productum diuideris per 60 partes semidiametri, prodibunt tandem partes 28, & minuta 1, 12: quorū arcus est graduum 27, & minutorum 50. Tanta est proposita Solis altitudo, hora nona ante, aut tertia post meridiem, Sole initium Arietis aut Libræ possidēte, in data poli sublimitate.

| Exempli formula.                      | Arcus. |      |     | Sinus recti. |     |              |
|---------------------------------------|--------|------|-----|--------------|-----|--------------|
|                                       | Signa. | gra. | mi. | part.        | mi. | <sup>2</sup> |
| Hora data, nona ante meridiem.        |        |      |     |              |     |              |
| Locus Solis datus.                    | γ      | 0    | 0   | 0            | 0   | 0            |
| Complementū distantiae ☉ à meridie.   |        | 45   | 0   | 42           | 25  | 35           |
| Cōplementum altitudinis poli arctici. |        | 41   | 20  | 39           | 37  | 34           |
| Altitudo Solis quæsitæ.               |        | 27   | 50  | 28           | 1   | 12           |

5 Idem rursus calculus plurimum alleuiabitur, cūm distātia Solis à meridie fuerit præcisè 90 graduum, quibus respondent 6 æqualium horarum interualla: utpote cūm fuerit ope repretium supputare altitudinem Solis hora sexta matutina, aut uespertina, eo tempore quo dies superat noctem artificialem. Si nanque sinus datæ polaris altitudinis, ducatur in sinū rectum declinationis ipsius Solis, & productū diuidatur per semidiametrū: generabitur sinus rectus ipsius quæsitæ, solaris altitudinis. Se habet enim semidiameter, ad sinū rectū datæ polaris altitudinis: ut sinus rectus declinationis Solis, ad sinum rectum altitudinis ipsius Solis desideratæ. Resumatur in exemplum locus Solis in initio Geminorum: sitque propositū inuestigare, quanta sit altitudo Solis hora sexta ante meridiem, in præassumpta eleuatione polari 48 graduum & 40 minutorum. Declinatio itaque Solis per secundum canonem est graduum 20, & minutorum 12: quorum sinus rectus habet 20 partes, & minut. 43, 4. Sinus autem rectus datæ polaris eleuationis, est partium 45, & minutorum 3, 10. Ducantur igitur 45, 3, 10, in 20, 43, 4, & productum diuidatur per 60 partes semidiametri, prodibunt tandem partes 15, & minuta 33, 24: quorum arcus habet gradus 15, & 2 ferè minuta. Tanta est igitur ipsius Solis altitudo proposita, pro dato eius loco, & horizontis obliquitate.

| Exempli formula.                | Arcus. |      |     | Sinus recti. |     |              |
|---------------------------------|--------|------|-----|--------------|-----|--------------|
|                                 | Signa. | gra. | mi. | part.        | mi. | <sup>2</sup> |
| Hora data, sexta ante meridiem. | II     | 0    | 0   | 0            | 0   | 0            |
| Locus Solis datus.              |        | 48   | 40  | 45           | 3   | 10           |
| Altitudo poli arctici.          |        | 20   | 12  | 20           | 43  | 4            |
| Declinatio Solis.               |        | 15   | 2   | 15           | 33  | 24           |

6 Hoc igitur artificio tabulam condere poteris, quæ altitudines Solis qualibet diei artificialis hora contingentes, ad liberam poli arctici sublimitatem comprehendat. In qua quidem tabula, meridianæ in primis Solis altitudines per quinos Eclipticæ gradus distributæ annotentur: cæteris autem horis contingentes ipsius Solis altitudines, per denos tantummodo gradus eiusdem Eclipticæ supputari poterunt. Ex hac siquidem tabula, diuersa conficere poteris horaria, solaribus radiis exponenda: quemadmodum ex nostris horologiorum libris, colligere licebit.

## CANON XIX.

**R**ationes umbrosorum ad suas umbras, atque è diuerso, pro data Solis altitudine super horizontem supputare.

I Quidnam sit umbra, omnibus (nedum literatis) notum esse non dubitamus. Quantum autem ad rem nostram spectare uidetur, de umbris intelligimus, quæ rectæ, aut uersæ nuncupantur. Rectam porrò dicimus umbram, quæ ab umbroso super terrestri uel horizontali plano, perpendiculariter erecto causatur, & in rectum ipsius plani coextenditur: unde & extensa umbra plerumque nominatur. Versam autem appellamus umbram, quæ causatur ab umbroso ipsi horizonti parallelo, & in ipsum terrestre uel horizontale planum cadit ad perpendicularum. quæ quidem umbra non ideo uersa solummodo uocitatur, quòd uerso modo se habeat ipsi rectæ comparata: sed quoniam uersam rationem habeat ad suum umbrosum, quam umbra recta ad proprium umbrosum uidetur obseruare. Crescente enim umbra recta, uersa decre-


scit



scit proportionaliter: adeò ut altera existēte maxima, aut infinita, reliqua sit minima, aut nulla prorsus esse uideatur.

2 Mutantur itaque ipsarum umbrarum quantitates, pro uariata Solis altitudine: sub hac quidem proportione, ut sinus rectus altitudinis ipsius Solis, eam rationem habeat ad sinum rectum complementi eiusdem altitudinis, quā umbrosi longitudo ad suam umbram rectam, uel ipsa umbra uersa ad sui umbrosi longitudinem. Quod in hūc modum fit manifestū. Sit igitur datus altitudinis circulus  $a f e$ , cuius centrum  $c$ , di metiens uerò  $a c k$ : horizon autē sit  $g d e$ , ipsi diametro  $a c k$  parallelus. Nam propter insensibilē semidiametri terre ad semidiametrū orbis solaris magnitudinē, nullus sequetur error si alterū ab altero utcunque distare supposuerimus. Sit consequenter umbrosum super ipsum horizontē erectū ad perpendiculum  $c d$ : eidem autem horizonti parallelum  $c k$ , in planum  $k l m$ , ad rectos incidens angulos. Data porrò Solis al-

titudo, arcus  $a b$ , cuius sin<sup>o</sup> rectus  $b h$ : & ipsius altitudinis cōplemen tum arcus  $b f$ , cuius sinus re ctus  $b n$  æqua lis est ipsi  $h c$ , per 34 primi elemētorum. Radius deni que Solis esto  $b c e$ , præfines umbram re ctam  $d e$ , uer-



sam autem  $k l$ . Triangula itaque  $b h c$ ,  $c d e$ , &  $c k l$ , sunt inuicem æquiangula: quoniam anguli qui ad puncta  $h d k$ , re-cti sunt: & proinde æquales adinuicem, per quartum postu-latum geometricum. Angulus præterea  $d c e$ , interiori &

G iij

opposito angulo  $h b c$ , atque alterno  $c l k$ , per 29 primi elementorum est æqualis: reliqui propterea anguli  $b c h$ ,  $c e d$ ,  $k c l$ , tum per eandem 29, tum per 15 ipsius primi elementorū, æquales sunt adinuicem. Aequiangulorum porrò triangulorum, proportionalia sunt latera, quæ circum æquales angulos, & similis rationis quæ equalibus angulis latera subtēduntur, per quartam sexti eorundem elementorum. Est igitur ut  $b h$ , ad  $h c$ : sic  $c d$ , ad  $d e$ , &  $l k$ , ad  $k c$ : & è conuerso. Quod priùs ostendendum fuerat.

- 3 Itaque si ducatur sinus rectus complementi datæ solaris altitudinis, in ipsius umbrosi partes, & productum diuidatur per sinum rectū ipsius altitudinis solaris: prodibit ipsius umbræ rectæ quantitas, in partibus sub quibus umbrosum diuisum esse proponetur. Si autem sinus rectus altitudinis Solis, per eandem umbrosi partes multiplicetur, & productum diuidatur per sinum rectū complementi eiusdem solaris altitudinis: procreabitur ipsius umbræ uersæ longitudo, talium quidē partium, qualium umbrosum datum erit. Diuiditur autem umbrosum quodlibet ut plurimū, in 12 partes adinuicem æquales, & pars quælibet in minuta, sexagenaria ratione distributa: sed præstabit ipsum umbrosum diuidere in partes 60, & præmissam partium obseruare distributionem. Esto in exēplum data Solis altitudo graduum 25: cuius sinus rectus habet partes 25, & minuta 21, 26. Ipsius itaq; altitudinis complementum, erit graduum 65: quorum sinus rectus habet partes 54, & minuta 22, 42. fit autem umbrosum diuisum in partes 12. Si ducantur igitur 54, 22, 42, in partes 12, fient partes 10, 52, & minuta 32: 24, quæ diuisa per 25, 21, 26, dabūt pro quoto numero partes 25, & minuta 44. Tāta est igitur umbra recta, Sole 25 gradibus super horizontem exaltato. At si eadem 25, 21, 26, per 12 multiplicentur, & productum diuidatur per 54, 22, 42, prodibunt tandem partes 5, & min. 35, 44: tantam ergo pronunciabis umbram uersam sub eadē Solis altitudine. Nec te prætereant, umbram rectam ad præfatos 25 gradus altitudinis supputatam, simul esse uersam ubi Sol 65 gradibus fuerit exaltatus: atque è diuerso, uersam unius altitudinis umbram, fore

fore rectam alterius. Patet igitur quàm facile sit, tabulã umbrarum, in perpetuum usum, superscripto modo supputare.

## CANON XX.

**C**Ognita umbræ rectæ, aut uersæ, ad suum umbrosum relatæ magnitudine: altitudinem Solis uersauice dignoscere.

- 1 Exponatur rursus ob oculos, antecedentis & proximi canonis figura. Ex ipsius itaque proximi canonis demõstratione fit manifestum, triangula  $b h c$ ,  $c d e$ , &  $c k l$ , esse adinuicem æquiangula: atque illorum tres angulos  $h b c$ ,  $d c e$ ,  $c l k$  inuicem æquales. Est igitur per ipsam præallegatam quartam sexti elementorum, ut  $e c$ , recta, ad umbrosum  $c d$ , aut recta  $c l$ , ad umbram uersam  $l k$ : sic  $c b$ , semidiameter, ad sinũ rectum  $b h$ , ipsius altitudinis solaris  $a b$ . Atqui tria prima nota supponuntur: per uulgatam igitur 4 proportionalium regulam, quartum tandem innotescet.
- 2 Si iuuet igitur in primis, per datam umbram rectam ipsius Solis altitudinem colligere, multiplicetur umbrosus, atq; illius umbra recta, utrunque in sese, & producta in unum componantur numerum, cuius radix quadrata tandem extrahatur: ea enim erit longitudo primæ lineæ proportionalis, qualem tibi repræsentat  $e c$ , ipsius antecedentis figuræ, per 47 primi elementorum. Ducantur ergo 12 partes umbrosi in semidiametrum, & productum diuidatur per nũc citatam longitudinem  $e c$ : producet enim tandem sinus rectus quæsitæ solaris altitudinis, ueluti  $b h$ , cuius arcus ipsam exprimet altitudinem. Resumatur in exemplum inuẽta nuper umbra recta partium 25, & minorũ 44, qualium partium umbrosus est 12. Horũ itaque quadrata simul iuncta, efficiunt partes 806, hoc est, 13, 26, & minuta 12, 16: quorum radix quadrata habet partes 28, & minuta 23, 37, 29. Ducatur igitur 12 partes umbrosi in 60 partes semidiametri, fient partes 12, 0: quæ diuisæ per 28, 23, 37, 29, dant pro quoto numero partes 25, & minuta 21, 26. quorum arcus est graduum 25 præcise: tanta est

## LIBRI I,

igitur proposita Solis altitudo, quātam uidelicet in ipso proximi canonis supposuimus exemplo.


- 3 Si autem per umbram uersam  $k l$ , eadē Solis altitudo  $a b$ , elicienda proponatur: multiplicandum erit umbrosum  $c k$ , per seipsum: similiter & umbra uersa  $k l$ , & producta in unū componenda numerum: cuius radix quadrata, exprimet longitudinem ipsius  $c l$ . Ducenda est postmodum umbra uersa  $k l$ , in semidiametrum  $c b$ , & productum per eandem  $c l$ , diuidendum: prodibit enim rursus sinus rectus  $b h$ , ipsius altitudinis solaris  $a b$ . Sit, ut in proximo canone, umbra uersa partium 5, & minorum 35, 44, qualium partiū umbrosum est 12. Horum ergo quadrata simul iuncta, conficiunt partes 175, hoc est 2, 55, & minuta 18, 36, 52, 16: quorū radix quadrata habet partes 13, & minuta 14, 25, 42. Ducātur itaque partes 5, & minuta 35, 44 ipsius umbræ uersæ, in 60 partes semidiametri, fient partes 5, 35, & minuta 44: quæ diuisa per 13, 14, 25, 42, dāt rursus pro quoto numero partes 25, & minuta 21, 26 ferè. quorum arcus, habet gradus 25: tanta est rursus eadem Solis altitudo.

### CANON XXI.

**Q**uam rationem obtineat circulus maior in sphaera, ad datum quēuis parallelum, seu minorem circulum, atque pars similis ad partem similem, dilucidare.

- 1 Ex cælesti ad terrestrem descendendo globum, supradictis canonibus astronomicis ad primum & uniuersalem motum potissimum spectantibus, selectiores aliquot & magis utiles canones geographicos superaddere duximus operæpretiū: ut singulis nostræ mūdane sphaeræ, seu cosmographiæ libris, ex omni parte respondeamus. In primis itaque, de ratione Aequatoris, seu dati cuiuslibet magni circuli, ad quemlibet illius parallelū, seu minorem circulū, tractandum esse uidetur.
- 2 Habet igitur Aequator, aut alius quilibet magnus in sphaera circulus, eam rationem ad datum quemuis parallelum, siue minorem circulum, quam semidiameter ipsius Aequatoris,
- ris,

ris, totius uel quadrantis sinus rectus, ad sinum rectum cōple-  
mēti distantiae eiusdē circuli minoris, siue paralleli, ab eodem  
Aequatore circulo: quod in hūc qui sequitur modū demon-  
stratur. Sit unus è terrestribus meridianis  $a b c d$ , circa mūdi  
centrū  $e$ , delineatus, Aequator  $b f d$ : datus uerò parallelus  $g h k$ ,  
per cuius centrū  $l$ , & mūdi cētrum  $e$ , traducatur axis  $a e c$ ,  
quē orthogonaliter interfecet dimetiens Aequatoris  $b e d$ ,  
atque ipsius paralleli diameter  $g l k$ : omnes siquidē paralleli,  
super eodē axe locātur cū ipso magno circulo. Per sinuū ita-  
que diffinitionē, quā alibi tradidimus, semidiameter  $b e$ , erit  
sinus rectus lotius quadrātis  $a b$ : recta porrò  $g l$ , sinus rectus  
ipsius arcus  $a g$ , complementi uidelicet distantiae  $b g$ , dati pa-  
ralleli ab Aequatore circulo. Atqui circuli sese inuicem ha-



bent, sicut uel  
eorum dime-  
tiētes, uel quæ  
ex eorundem  
centris educū-  
tur. Aequator  
igitur  $b f d$ , ad  
parallelū  $g h k$   
eā rationē ha-  
bet, quam se-  
midiameter  $b e$   
ad semidia-  
metrū  $g l$ : hoc  
est, quā sinus  
rectus quadrā-  
tis  $a b$ , ad si-  
num rectū cō-

plementi distantiae  $b g$ . Eandem quoque rationem obseruat  
quadrans ad quadrantem, aut alia quæuis pars ad partem si-  
mitem: partes enim eodem modo multiplicium, eandem ra-  
tionem habent sumptæ adinuicem, per 15 quinti elementorū.  
Consurgunt itaque quatuor numeri inuicem proportiona-  
les, ut  $b e$  quidem sinus totus ad semidiameterum  $g l$ , sic qua-

H

212

drans (uerbi gratia)  $b f$ , ad quadrantē  $g h$ , aut gradus ad gradum, aliaue pars ad partem similem. Tres autem primi numeri supponuntur noti, utpote semidiameter Aequatoris  $b e$ , & ipsius paralleli semidiameter  $g l$ , cū sit idem cū sinu recto complementi  $a g$ , atque pars Aequatoris data: quartus igitur numerus, per uulgatā proportionalium regulam notus erit.

- 3 Supponatur in exemplum arcus  $b g$ , continere gradus 30, qualiū totus quadrās  $a b$ , est 90: sitque propositum inuenire rationem quadrantis  $b f$ , ad quadrantem  $g h$ , ipsius dati paralleli. Complementum itaque  $a g$ , erit graduum 60: quorum sinus rectus  $g l$ , habet partes 51, & minuta 57, 41. Hęc duco in 90 gradus quadrantis  $b f$ , fiunt partes 4676, hoc est, 77, 56, & minuta 31, 30: quę diuido per 60 partes semidiametri  $b f$ , & in partes 77, & minuta 56, 31, 30, reuocantur. Concludo igitur, qualium partium quadrans Aequatoris  $b f$ , est 90: talium quadrantem  $g h$ , dati paralleli esse 77, & minorū 56, 31, 30.

Et quoniam est ut semidiameter Aequatoris, ad dati paralleli semidiametrū, sic 60 minuta unius gradus ipsius Aequatoris, ad minuta unius gradus dati paralleli: primus itaque numerus, similiter & tertius erit 60. ducendo autem præfatum sinum rectum  $g l$ , in 60, & productum rursus per 60 diuidēdo, idem qui prius redibit numerus. Idem itaque sinus rectus  $g l$ , semidiameter ue dati paralleli, mutatis solummodò denominationibus, minuta unius gradus eiusdem paralleli, qualium gradus unus Aequatoris est 60, immediatè representabit. Qualium ergo minorum idē gradus Aequatoris est 60, talium unus gradus ipsius dati paralleli erit 51, 57, 41. Idē censeo de cæteris.

- 4 Hac igitur arte, geminam poteris condere tabulam: quarum altera, rationes quadrantis Aequatoris, seu magni cuiusuis circuli, ad singulos parallelorum quadrantes, ab ipso Aequatore gradatim distributorum comprehendat: In altera uerò tabula, rationes 60 minorum unius gradus eiusdem Aequatoris, ad gradum unum dati cuiuslibet paralleli pendentur exprimantur. Sunt enim huiuscemodi tabulæ iis nedum utiles, sed admodum necessarię, qui in pingendis geographicis,

cis,

cis, aut chorographicis chartis, utcunque delectantur.

## CANON XXII.

**Q**uantum eleuetur polus super eorum horizontem, qui sub dato quouis degunt parallelo, ex nota diei artificialis maximi elicere quantitate.

**I** Quemadmodum ex nota poli sublimitate, arcum diurnū dati cuiuslibet Eclipticę puncti, decimoquarto canone supputare docuimus: haud aliter per datam maximi diei artificialis quantitatem, altitudinem ipsius poli colligere proposuimus. Supputanda est igitur in primis ortiua loci Solis amplitudo, quam tametsi canone septimo per datā poli sublimitatem elicere docuerimus: cū tamen ipsa polaris altitudo hoc in loco desideretur, alium supputationis collibuit adiungere modum, ex septimo capite libri secūdi Geberi (quod de scientiis inscribitur particularibus) & respondente sexta propositione secundi libri epitomatis eiusdem Geberi in magnam Ptolemæi constructionem, depromptum. Quoniam ibidem ostenditur, quòd semidiameter ad sinum rectum arcus semidiurni dati loci Solis in Ecliptica eandem habet rationem, quam sinus rectus complementi declinationis eiusdem puncti, ad sinum rectum complementi amplitudinis ortiuę ipsius dati loci Solis: Quòd sinus præterea rectus ipsius ortiuę latitudinis, eam rationem habet ad sinum rectum declinationis puncti Eclipticę dati, quam idem semidiameter ad sinum rectum complementi ipsius polaris altitudinis. Atqui tria prima utrobique nota supponuntur: quartum igitur per uulgatam quatuor proportionalium numerorum regulam tandē innotescet, ducendo uidelicet tertium in secundum, & productum diuidendo per primum.

**2** Detur in exemplum octauus & septentrionalis parallelus ab Aequatore, ubi dies artificialis maximus est horarum 14: sitque propositum agnoscere, quantum eleuetur polus arcticus super eorum horizontem, qui sub eodem habitant paral-

H ij

LIBRI I,

lelo. Arcus itaque semidiurnus est horarum 7, quibus respondent gradus 105: quorum sinus rectus habet partes 57, & minuta 57, 20. Porro cum dies accidit maximus, Sol initiū Cancri possidet, & maximam tunc obtinet ab Aequatore declinationem, graduum quidem 23, & minorū ferè 30: cuius declinationis complementum habet gradus 66, & minuta 30: quorum sinus rectus est partium 55, & minorum 1, 25. Ducatur igitur 57, 57, 20, in 55, 1, 25, & productum diuidatur per 60 partes semidiametri: prodibunt enim partes 53, & minuta 8, 55: quorum arcus est graduum 62, & minorum 21. Hunc igitur arcum si à 90 subduxeris gradibus, relinquetur ortiua dati loci Solis amplitudo, graduum quidem 27, & minorum 50, 39. His in hunc modum absolutis, multiplicetur sinus rectus præfatę declinationis maximę, quem probabis continere partes 23, & minuta 55, 30, in 60 partes semidiametri: & productū diuidatur per sinum rectum ipsius ortiue latitudinis, utpote, per 27 partes, & minuta 50, 39: fiet enim sinus rectus desideratę polaris altitudinis, partium quidem 51, & minorum 33, 17: quorum arcus est graduum 59, & minorum 14: quem si à quadrante subduxeris ipsius circuli, relinquetur optata poli borealis altitudo graduum 30, & minorum 46.

| <i>Exempli formula.</i>                    | <i>Arcus.</i> |            | <i>Sinus recti.</i> |            |          |
|--|---------------|------------|---------------------|------------|----------|
|  | <i>gra.</i>   | <i>mi.</i> | <i>par.</i>         | <i>mi.</i> | <i>z</i> |
| <i>Arcus semidiurnus maximus datus.</i>    | 105           | 0          | 57                  | 57         | 20       |
| <i>Maxima declinatio Solis.</i>            | 23            | 30         | 23                  | 55         | 30       |
| <i>Complementum eiusdem declinationis.</i> | 66            | 30         | 55                  | 1          | 25       |
| <i>Complementum amplitudinis ortiue.</i>   | 62            | 21         | 53                  | 8          | 55       |
| <i>Ortiua &amp; borealis amplitudo.</i>    | 27            | 39         | 27                  | 50         | 39       |
| <i>Complementum polaris altitudinis.</i>   | 59            | 14         | 51                  | 33         | 17       |
| <i>Altitudo poli desyderata.</i>           | 30            | 46         | 0                   | 0          | 0        |

CANON XXIII.

**V**Bi lux æstiuialis maxima, ad datum naturaliū dierum continuatur numerum, quātum eleuetur polus super horizontē, consequēter definire.

Præmissa



1 Præmissa supputandi ratio, in eo uidetur deficere parallelo, quem uocant arcticum circulum: ubi dies naturalis semel in anno absque noctis obscuritate relucet, & mundi polus ad cōplementum maximæ declinationis solaris super horizontem exaltatur. In aliis itaque polaribus eleuationibus, idē excedentibus complementum, lux æstiuales maxima ad pluriū dierum naturaliū quantitatem, nulla intercidente nocte cōtinuatur. Dato igitur ipsius continuatæ lucis tempore, per solos dies naturales, aut simul cum horis expresso: si iuuet agnoscere, quantum polus super talem horizontem extollitur, sic facito. Reducatur in primis tempus ipsius continuatæ lucis, in respondentem arcum Eclipticæ: per diurnum uidelicet, atque horarium motum ipsius Solis. Hic postmodum arcus bifariā diuidatur, & alterutra illius medietas ex quadrante subducatur circuli: puncti autem residuum arcum terminantis declinatio supputetur, per secundum canonem. Hęc demum declinatio, ab eodem circuli quadrante dematur: quod enim relinquetur erit quæsitæ poli sublimitas. Hic igitur operandi modus, conuersus est eius, quem decimoquinto canone tradidimus: ab eisdemque uidetur pendere fundamentis.

2 Detur exēpli gratia, parallelus septentrionalis, sub quo Sol in æstate per 30 dies naturales continuos sine noctis obscuritate relucet. Verus itaque motus Solis, dierum 15 ante, & totidem post solstitium æstiuum, siue caput Cancrī, hoc nostro tempore est 28 graduum, & 30 circiter minutorum: quorum dimidum habet gradus 14, & minuta 15, & ipsius dimidij cōplementum gradus 75, unā cum 45 minutis. Declinatio autem puncti terminantis arcum 75 graduum, & 45 minutorū, cui uidelicet respondent quindecim gradus & 45 minuta Gemīnorum: est 22 graduum, & minutorum 44. Hanc itaque declinationem aufero à 90 gradibus quadrantis, relinquuntur gradus 67, & minuta 16. Tantundem ergo polus arcticus super eorum extollitur horizontem, quibus dies æstiuus maximus ad 30 dies naturales producitur.

3 Hoc igitur, & proximi canonis artificio, tabulam poteris condere numeralem, quæ parallelorum in primis, quibus de-

## LIBRI I,


signantur climata, deinde maximarum dierum, atque polarium altitudinum rationes, suo comprehendat ordine: unà cum præfatis diebus maximis, ad liberam dierum naturaliū successionem prolongatis, & polaribus exaltationibus, extra climatum ordinem (uti supra dictum est) contingentibus.

### CANON XXIII.

**Q**Uòd breuissimæ duorum quorumcūque locorum distantiæ, seu directæ profectioes itinerum, fiant super arcu circuli magni per ipsa loca transeuntis, ostendere.

Sint duo quæuis terrestria loca  $a$ , &  $b$ , super eodem minori circulo  $a b c$ , cuius centrum  $d$ , & maximo  $a e b$ , cōstituta. Et productis  $d a f$ : &  $d b g$ , lineis rectis ipsius maximi circuli  $a e b$ , semidiametro equalibus: circa idem cētrum  $d$ , ad intervallum autem ipsius  $d a f$ , aut  $d b g$ , circulus describatur  $f g h$ : & connectantur  $a b$  &  $f g$ , lineæ rectæ. Circulus itaque  $f g h$  eidem circulo  $a e b$ , erit æqualis per primam diffinitionem tertij elementorū: atque segmentum  $f k g$ , segmento  $a l b$ , simile, per decimam ipsius tertij diffinitionem: capiunt enim eundem angulum qui ad centrum  $d$ . Et quoniam æqualis est  $d a$ , ipsi  $d b$ , &  $d f$ , ipsi  $d g$ : erit  $a f$ , reliqua, reliquæ  $b g$ , pendēter equalis, per tertiam communem sententiam geometricorum elementorum. Et proinde latera  $d f$ , &  $d g$ , triāguli  $d f g$ , à recta quidem  $a b$ , diuiduntur proportionaliter. Est igitur  $a b$ , recta ipsi  $f g$ , parallela, per secundam sexti elementorum: & triangula consequentur  $d a b$ , &  $d f g$ , inuicem æquiangula, atque angulus  $d a b$ , interiori & opposito qui ad  $f$ , æqualis, per 29 primi eorundem elementorum. Similium porrò segmentorum, eadem uidetur esse ratio, quæ circulorum ad inuicem. Et sicut igitur  $f g h$ , circulus, ad circulum  $a b c$ : sic segmentum  $f k g$ , ad segmentum  $a l b$ . Sicut autem circulus  $f g h$ , ad circulum  $a b c$ : sic semidiameter  $d f$ , ad ipsum  $d a$ , semidiametrum. Est igitur ut segmentum  $f k g$ , ad segmentū  
 $a l b$ ,

*a l b*, sic *d f*, semidiameter, ad ipsum *d a*, semidiametrum: quę



enim eidē sūt eedē rationes, & adinuicem sunt eadē, per undecimā quīti elemētorū. Sicut autē semidiameter *d f*, ad ipsum *d a*, semidiametrū sic basis *f g*, ad basim *a b*, per quartam sexti eorundem elemētorū. Ergo per ipsam undecimā quīti

prędictorum elementorum, sicut segmentum *f k g*, ad segmentum *a l b*: sic recta *f g*, ad rectam *a b*. Insuper quoniam in circulis *f g h*, & *a e b*, inuicem æqualibus, diuersa coassumuntur segmenta *f k g*, & *a e b*, quorum *f k g*, maius est ipso *a e b*: erit ratio ipsius *f k g*, segmenti, ad idem segmentum *a e b*, maior, quàm subtensæ *f g*, ad subtensam *a b*, per septimā seu penultimā partem noni capitis primi libri magnę constructionis Ptolemæi, ubi sic habet litera. Cū in eodem circulo, aut circulis æqualibus, duę chordę fuerint inæquales, longior chorda ad breuiorem minorem rationem habet, quàm arcus maioris ad arcum minoris. Atqui ostensum est, ut recta *f g*, ad rectam *a b*, sic segmentum *f k g* ad segmentum *a l b*. Manifestum est igitur, segmentum *f k g*, ad segmentum *a e b* maiorem obtinere rationem, quàm ad ipsum *a l b*. Ad quam porro magnitudinē eadem magnitudo maiorem rationem obseruat, illa minor est, per decimam quīti elementorum: minus est itaque segmentū *a e b*, maximi circuli, eodem segmento *a l b*, circuli minoris *a b c*. Directa propterea itineris pro-

## LIBRI I,

fectio à loco *a*, in locum *b*, fieri debet super *a e b*, segmento dati circuli maximi per eadem loca descripti: non autem per segmentum coincidentis circuli minoris. Quod fuerat ostēdendum.

### CANON XXV.

**C**Ognita duorum locorum longitudine atque latitudine, directam illorum elongationem, seu breuissimū itineris interuallum, inter ipsa loca comprehensum, tandem colligere.


○ Quid nam sit longitudo, atque latitudo locorum, & qua ratione utraque fideliter obseruetur, tum quinto, nostrę Cosmographiæ seu mūdane spheræ libro, tum peculiari tractatu tā gallicè quàm latinè conscripto, sufficienter expressimus: ubi simul huiusce canonis substantia compēdiosè tradita est, quam hoc loco mathematicis fulcire demōstrationibus diximus operæpretium. Totum ergo negotium uersabitur circa inuentionem arcus magni circuli, inter oblata quęuis duo loca comprehensi: quoniam per antecedentem uigesimum-quartum canonem, breuissimæ profectioes itinerum, seu directæ locorum elongationes, fiunt super arcu magni circuli, qui per eadē loca describitur. Aut igitur ipsa duo loca, quorum uiatoria quęritur elongatio, sunt sub eodem meridiano, & diuersis parallelis, aut sub eodem parallelo & diuersis meridianis, uel sub diuersis tam meridianis quàm parallelis: idque uel in eadem orbis parte ab Aequatore circulo, uel altero in borea, & reliquo in australi parte constituto.

I Sint in primis super globo terrestri *a b c d*, duo loca *e*, & *f*, sub eodem meridiano *a b c*, & in eadem orbis parte consistencia: quorum remotior ab Aequatore *b d*, sit *e*, propior autem *f*. Clarū est igitur, quòd latitudo *b f*, loci uicinioris, subducta à latitudine remotioris *b e*, relinquit arcum ipsius meridiani *e f*: qui est latitudinis differentia, & directam eorundem locorum exprimit elongationem. Quòd si alter locorū in borea mundi parte consistat, uelut *e*: alter uero in australi,

ut

ut  $g$ : tunc compositæ eorundem locorum latitudines  $b e$ , &  $b g$ , conficient directam illorum elongationem  $e b g$ .

2. Secundò, sint duo loca  $e, h$ , sub eodem parallelo, & proinde sub diuersis meridianis, & in eadem Orbis parte constituta, quorum longitudinalis differentia in eodem parallelo sit  $e h$ , in Aequatore autem circulo  $b d$ : sitque propositum, colligere uiatorium magni circuli segmentum, inter eadem loca comprehensum. Cùm igitur segmentum dati paralleli, simile sit Aequatoris segmento inter eosdem meridianos comprehenso, utpote, quoniam utrunque differentiam longitudinalem ipsorum locorũ uideatur exprimere: similes erunt atque proportionales, eadem segmenta subtendentes lineæ rectæ  $e h$ , &  $b d$ . Ex uigesimo autem primo canone fit manifestum, segmentum Aequatoris ad simile segmentum dati paralleli eam habere rationem, quam dimetiens ad dimetientē: & proinde quam 60 minuta unius gradus ipsius Aequatoris, ad minuta uni gradui dati paralleli respondentia. Atqui tria prima ex suprascriptis nota sunt, utpote 60 minuta unius gradus Aequatoris, & minuta similia quæ uni gradui dati paralleli respondent, & chorda  $b d$  ipsius differentiæ longitudinalis. Ergo ducendo tertium in secundum, & productum diuidēdo per primum, quartum innotescet: scilicet chorda  $e h$ , in partibus qualiũ semidiameter Aequatoris est 60, & ipsius chordæ arcus, directum eorũdem locorum ostendet itineris interuallum. Hæc pars, cùm succedentium sit elucidatiua, exēplari calculo dilucidanda uideretur. Supponatur igitur longitudinis differentia  $b d$ , habere gradus 35: latitudo autem utriusq; datorũ locorum, gradus 45. Per nostram itaque sinuũ rectorũ tabulam, chorda 35 graduũ habet partes 36, & minuta 5, 4. Vni præterea gradui paralleli distantis 45 gradibus ab Aequatore, respondēt minuta 42, 25, 35, qualium unus gradus Aequatoris est 60, per antecedentem 21 canonē. Per hæc igitur minuta multiplico partes 36, & minuta 5, 4, cōsurgunt partes 25, & minuta 30, 56, ferè: quæ diuisa per 60, nō immutātur: horum autē arcus, habet gradus 25, & minuta 10: tantum est igitur segmentũ magni circuli, inter  $e$  &  $h$ , loca cōprehensum.



- 3 Tertiò, proponatur duo loca sub diuersis parallelis & meridianis, atque in eadem Orbis parte constituta, ueluti *e*, & *l*. Et subtensis chordis *e h*, & *fl*, connectantur *ef*, & *el*: ducaturque super ipsam *fl*, perpendicularis *en*. Et quoniam datorum locorum longitudines, atque latitudines notæ supponuntur, datur ergo longitudinalis, atque latitudinalis eorundem locorū differentia: utpote, arcus Aequatoris *bd*, & meridiani *ef*, siue *hl*. Et proinde chordę eisdem arcus subtendentes, erunt notæ: nota erit igitur chorda *ef*. Cognoscetur præterea utraq; recta *eh*, & *fl*, in partibus uidelicet qualium semidiameter Aequatoris est 60: eo modo, quo nunc expressimus. His in hunc modum præparatis, subducenda est chorda *eh*, ab ipsa *fl*: & dimidiū residui, quod erit æquale ipsi *fn*, ducendum in sese, atque illius quadratum auferendum à quadrato ipsius *ef*. Relinquetur enim quadratum ipsius *en*, per

47 primi elementorum: angulus nanque  $e n f$ , rectus est. Ipsa porro  $f n$ , dempta ex chorda  $f l$ , relinquit  $n l$ , notæ longitudinis: & proinde illius quadratum, notum erit. Vtraque demum quadrata ipsarum  $e n$ , &  $n l$ , in unum cõponenda sunt numerum: resultabit enim quadratum ipsius  $e l$ , per eandem 47 primi elementorum: quoniam angulus  $e n l$  rectus est. huius autem quadrati radix, exprimet ipsius  $e l$  chordę longitudinem: cuius arcus, erit segmentum magni & uiatorij circuli, inter eadem loca  $e$ , &  $l$ , comprehensum. Quod autem  $f n$ , sit dimidium differentię chordę  $f l$ , super chordam  $e h$ , fit manifestum. Intelligatur enim rectę  $e n$ , &  $h r$ , super eadem  $f l$ , perpendiculares. Parallelogrammum erit igitur,  $e h n r$ , quadrilaterum: & illius propterea latera  $e h$ , &  $n r$ , similiter  $e n$ , &  $h r$ , inuicem æqualia, per 32 primi elementorum. Et quoniam rectę  $e f$ , &  $h l$ , sunt inuicem æquales, si ab illarũ quadratis auferantur æqualia quadrata, quę ex  $e n$ , &  $h r$ , relinquentur quadrata itidem æqualia quę ex  $f n$ , &  $r l$ , per eandem 47 primi elementorum: quorum radices  $f n$ , &  $r l$ , erũt æquales adinuicem. Exponamus hanc partẽ numerali supputatione, quò singula clarius elucescãt. Sit igitur rursus latitudo  $b e$ , graduum 45,  $b f$ , autem graduum 20: erit ergo latitudinis differentia  $e f$ , graduum 25: quorum chorda habet partes 25, & minuta 58, 22: & ipsius chordę quadratum, partes 11, 14, & minuta 35, 6, 40, 4. Esto præterea longitudinis differentia (uelut antea) graduum 35: quorum chorda habet partes 36, & minuta 5, 4. Erit igitur chorda  $e h$ , partium 25, & minorum 30, 56, ferè: chorda autem  $f l$ , partium 33, & minorum 54, 30, per ea quę proximè data sunt: quãlium partium (semper uelim intelligas) semidiameter Aequatoris est 60. Auferantur ergo 25, 30, 56, ab ipsis 33, 54, 30, relinquentur 8, 23, 34: quorum dimidium, habet partes 4, & minuta 11, 47: tanta est igitur  $f n$ . Et proinde reliqua  $n l$ , erit partium 29, & minorum 42, 43: quorum quadratum habet partes 14, 42, & minuta 47, 58, 42, 49. Quadratum porro ipsius  $f n$ , habet partes 17, & minuta 36, 34, 50, 49: quę subducta ex partibus 11, 14, & minutis 35, 6, 40, 4, relinquunt quadratum ipsius  $e n$ , partium

10,56, & minorum 58,31,49,15. Hęc autem iuncta quadrato ipsius  $n l$ , partibus uidelicet 14,42, & minutis, 47,58,42,49, conficiunt quadratum ipsius  $e l$ , partium quidem 25,39, & minorum 46,30,32,4: quorū radix quadrata, habet partes 39, & minuta 14,24, ferè. Tanta est igitur chorda  $e l$ : cuius arcus habet gradus 38, & minuta 10,20, ferè. Tantum ergo pronunciabimus segmentum uiatorium magni circuli, inter ipsa loca comprehensi.

4 Eandem rursus chordam  $e l$ , alia poteris obtinere ratione. Nam in præfata locorum positione, triangulum  $e f l$ , semper est acutiangulum: à cuius angulo qui ad  $e$ , in basin  $f l$ , perpendicularis demittitur  $e n$ . Quadrata igitur quę fiunt ex  $e f$ , &  $f l$ , maiora sunt eo quod ex  $e l$ , quadrato describitur, comprehenso bis sub  $l f$ , &  $f n$ , rectangulo, per 13 secundi elementorum. Si multiplicetur igitur utraque chordarum  $e f$ , &  $f l$ , in sese, & producta in unum componantur numerū, à quo detrahatur comprehensum bis sub  $l f$ , &  $f n$ , rectangulū: relinquetur quadratum ipsius chordę  $e l$ , cuius radix eiusdem  $e l$ , exprimet longitudinē. Exēpli gratia, sint omnia ut in proximo recepta sunt calculo. Quadratum igitur chordę  $e f$ , inuentum est habere partes 11,14, & minuta 35,6,40,4: & ipsius  $f l$ , quadratum habet partes 19,9, & minuta 46,30,15. Hęc autem simul iuncta, efficiūt partes 30,24, & minuta 21,36,55,4. Rectangulum porrò ipsius  $l f$ , in  $f n$ , est partium 2,22, & minorum 17,33,11,30: quę duplata conficiunt partes 4,44, & minuta 35,6,23. Quę subducta ex ipsis partibus 30,24, & minutis 21,36,55,4, relinquunt quadratum ipsius  $e l$ , partiū quidem 25,39, & minorum 46,30,32,4: quantum uidelicet per antecedentē collegimus supputationem. Ipsius ergo quadrati radix siue chorda  $e l$ , erit rursus partium 39, & minororū 14,24, ferè: & subtensum denique magni circuli segmentum, graduum 38, & minorum 10,20, ferè.

5 At si datorū locorum, lōgitudine atque latitudine inuicē discrepantiū, alter in boream, alter uerò in australem Mundi partē ab Aequatore diuertatur: idem segmentum uiatorium magni circuli, per ipsa loca transeuntis, haud dissimili colligetur




tur artificio. In primis enim, aut ipsorum locorū paralleli inæqualiter ab ipso distabunt Aequatore, uel æqualiter. Si primū detur, ueluti sunt loca  $e$ , &  $m$ , ipsius antecedentis descriptionis: componendæ sunt rursus eorundem locorum latitudines  $d h$ , &  $d m$ , & inde cōsurgentis arcus  $h m$ , elicienda chorda. Cum qua, & ipsis rectis  $e h$ , &  $g m$ , intercepta parallelorū segmenta subtendentibus, non aliter elicietur perpendicularis  $h o$ , & diagonalis tādē chorda  $e m$ , & ab illa subtensum magni circuli segmētum: quā per alterutrum duorum antecedentium modorum traditum, atque numeris supputatū extitit. Cū autē præfati datorum locorum paralleli, æqualiter ob ipso distabunt Aequatore, tunc eadem erit longitudinis differentia in utroque parallelo: & præfatas differentias subtendentes chordæ inuicem æquales, & ex opposito constitutæ. Quapropter chorda compositarum ad inuicem latitudinum, in utranque perpendicularis erit: & proinde quæsitæ chorda diagonalis, rectū subtendens angulum. Hinc per 47 primi elementorum, ipsa diagonalis chorda leuiori utcūque deprehendetur calculo: sufficiet enim ducere chordas ipsas, rectum continentes angulum utranque in sese, & productorum simul numerorum quadratam inuenire radicem: & subtensum tādē ipsius radice arcum magni circuli, per eadem oblata loca transeuntis.

- 6 Inuento igitur quouis supradictorum modorum uiatorio magni circuli segmento inter ipsa duo quæuis loca cōprehenso, multiplicabis ipsum per milliaria, seu per datas leucarum distributiones, quæ debentur uni gradui magni circuli: & directam prædictorum locorum elongationem, seu breuissimum itineris interuallum in milliariis, aut leucis propositis, tandem obtinebis. Respondent autem, iuxta Ptolemæi atque nostram obseruationem, unicuique gradui magni circuli milliaria  $62 \frac{1}{2}$ : ex leucis autem, quæ propriè dicuntur leucæ  $41 \frac{2}{3}$ , gallicæ  $31 \frac{1}{4}$ , communes uerò  $20 \frac{1}{8}$ , & maiores  $15 \frac{3}{4}$ , maximæ tandem leucæ  $12 \frac{1}{2}$ .

LIBRI PRIMI FINIS.

I iij



SECVNDVS LIBER  
CANONVM ASTRONOMI-

corum: In quo de iis agitur, quæ spectant ad secundum, hoc est, proprium errantium syderum motum.

CANON I.

**D**E DIERV M NATVRALIV M  
(quos ueros, & apparentes appellant) æquatione, illiusque calculo, paucula in primis annotare.

- I Expeditis qua potuimus facilitate, ipsius primi motus, sphericis ue, atque geographicis canonibus: consequens est, ut de secundo motu promissos canones adiiciamus, errantium syderum motus potissimum respiciētes, quibus uidelicet, tabularum astronomicarum supputatio, colligi uel facile potest. Ordiendum igitur à dierum naturalium æquatione: utpote, quæ ad exactum cælestium motuum calculum, pro dato tempore, atque motus qualitate, sæpius uidetur esse necessaria. Ex iis igitur quæ primo capite, libri quarti nostræ Cosmographiæ seu mundanæ spheræ præscripsimus, constat, per diem naturalem uerum (quem & apparentem appellant) intelligi tempus à dato meridie, in proximè sequentem meridiem comprehensum: aut (si mauis) integram centri corporis solaris, circa terram factam, ad naturalem motum Vniuersi reuolutionem. Hæc autem naturalis diei quantitas metitur à completa Aequatoris circuli reuolutione, & tanta insuper illius particula, quanta est ascensio recta eius partis Eclipticæ, quam Sol à dato meridie, in proximè sequentem meridiem, proprio graditur motu. Hinc perspicuum est, ipsas dierum naturalium reuolutiones duplici de causa fore inuicem inæquales. In primis, ob ueri motus ipsius Solis obseruatam circa Mundi centrum irregularitatem: non enim singulis diebus naturalibus, singulos uidetur perambulare gradus. Secundò, propter inæqualitatem



tatem rectarum ascensionum arcuum Zodiaci (etiam inuicē æqualium) ad ipsum meridianū circulum (à quo dies ipsi naturales supputantur) ueluti rectum quendam horizontem, omnibus sphæræ positionibus communem relatarum. Non potuerunt igitur eiusmodi naturales & inuicem inæquales dies, æqualium seu regularium motuum syderum esse mensura. Supposuerūt itaque Astronomi, in supputandis mediōrum motuum, atq; mediārum coniunctionum & oppositionum reuolutionibus, mediocres quosdam & inuicē æquales dies, ex integra ipsius Aequatoris circūductione, unā cum primis minutis 59, & 8 propemodum secundis (quantus uidelicet est mediocris motus diurnus ipsius Solis) resultantes.

2 Quæ igitur inter uerum aut apparentem, & mediocrē seu regularem diem naturalē uidetur accidere differentia, æquatio dierum nuncupatur. Per hanc siquidem æquationem, mediocres dies naturales in ueros & apparentes, aut è diuerso (ut dicetur infra) reuocantur. Aequantur autem potissimū dies ipsi naturales, cū uelociorum syderum motus (cuiusmodi uidetur esse lunaris) uel eorundem syderum applicationes, supputare est operæpretium: plures nanque dierum æquationes siue differentiæ in unū coaceruatae, haud aspernandi tūc uidentur esse discriminis. Animaduertendum est tamen, nulla utendum esse dierum æquatione, quoties oblatum tempus per solares inspectiones, quæ horariis absoluūtur instrumentis, fuerit obseruatum: quoniam eiusmodi tempora, suam comprehendunt, & inclusam habent æquationem. In solis itaque regularium, seu mediocriū motuum calculo, mediārum ue coniunctionū, & oppositionum supputatione, ac cæteris omnibus quæ per dierum æqualium quantitates describuntur reuolutionibus, locum habet ipsa dierum æquatio.

3 COLLIGITVR AVTEM IN VNIVERSVM ipsa dierum æquatio, tam ex parte ueri motus Solis, quàm ex ipsa rectarum ascensionum inæqualitate proueniens, in hunc qui sequitur modum. Ad tempus oblatum elicitō mediū, atque uerum motum Solis, unā cum recta eiusdem ueri motus ascensione: uelut in propriis tabularū exprimitur canonibus.

Hanc porrò ueri motus ascensionē rectam, subtrahe ab ipso medio motu, aut è conuerso, prout alter duorum arcuum reliquum superauerit: quoniam relicta eorundem arcuum differentia, erit ipsa dierum æquatio, quæ dato respondet tempore, & ex utraque de causa simul aggregata. Eiuscemodi tandē æquationem resolues in temporis particulas: dando cuilibet gradui ipsius Aequatoris 4 horę minuta prima, & cuilibet minuto gradus quatuor horę secunda, & sic consequentur.

- 4 Hinc patet, quàm leuissimum sit tabulam æquationis dierum, pro maxīma Solis declinatione ad datum tempus obseruata fabricare. Nam mutata Solis declinatione maxīma, mutantur cæterorum pūctorum declinationes, & proinde ascensionēs rectæ singulorum arcuum Eclipticæ. Cuius quidē supputationis artificiū ut clarius intelligas, memineris oportet, quòd ipsa dierum æquatio, quatenus à motu Solis causari uidetur, ab altera longitudinum mediarū sui inchoatur eccentrici: ubi scilicet medius motus Solis diurnus, uero eiusdē motui diurno contingit æqualis. Prout autem ex rectarum ascensionum difformitate generatur, in ea Eclipticæ parte uidetur initianda, ubi unus Aequatoris gradus, cū uno Eclipticæ gradu in recto sphæræ situ coascendit: utpote, circa medias partes quadrantum eiusdem Eclipticæ, qui inter æquinoctiorum atque solstitiorum puncta comprehenduntur: cuiusmodi sunt partes intermediæ Tauri, Leonis, Scorpij, & Aquarij.

- 5 Ipsa porrò differentia mediocris, & ueri cuiuscunque diei naturalis, ex Solis motu proueniens, in hūc modum seorsum colligenda est. Præscrutare quo tempore Sol in longiorem sui eccentrici peruēniat longitudinem: à quo numera tempora tam initij quàm finis diei propositi, & ad utrunque tempus medium atque uerum, Solis accipito motum. Subtrahe postmodum alterum ab altero, hoc est minorem medium motū à maiori, atque uerum à uero: relinquetur enim diurnus tam medius, quàm uerus motus ipsius Solis. Qui si fuerint inæquales adinuicem, auferes rursus minorem à maiori: tandē enim præfata dierum ex motu Solis procreata differentia relinquetur. Probabis itaque, medium motum Solis diurnū, per superiorē

rem

rē eccentrici partē discurrente Sole, uerū superare: per inferiorem autem eiusdem eccentrici partem, contrariū prorsus euenire. Item, nullam accidere uarietatem dierum naturalium ratione motus Solis, ubi uerus motus ipsius Solis maximè discrepat à medio, quod circa medias eccētrici uidetur accidere longitudes: ubi autem medius motus idem est cum uero, ut in longiori atque breuiori eiusdem eccentrici lōgitudine, præfatam diuersitatem contingere maximam.

6 Cū autem præfatam diei ueri & mediocris differentiam, ex rectarum ascensionum diuersitate prouenientem, ad datū quodcunque tempus uolueris obtinere, sic facito. Colligito medium motum Solis ipsi dato tempori respondentem, atq; rectam eiusdē medij motus ascensionem: quam aufer ab eodē medio motu, uel è diuerso, prout alter altero maior extiterit: quod enim tandem relinquetur, propositam differentiā manifestabit. Cū igitur ascētio recta medij motus Solis, maior est ipso medio motu, ueri dies sunt maiores mediocribus: sed cū idem medius motus suam superat ascensionem, dies mediocres ueris sunt maiores.

7 Quanta uerò sit ex utraque causa simul adgregata diuersitas, ex ipsis particularibus, in hūc poteris elicere modū. Singulas ex utraque causa prouenientes diuersitates, ad dies singulos (uti nunc expressimus) diligenter supputato: & simul animaduertito, ubi unaquæque differentia diei mediocri ueniat adiicienda, ubi uel subtrahenda fuerit. Quoniam si utrāque addendam, uel utrāque subtrahendam offenderis: eas in unam compones differentiam. At si altera fuerit addenda, altera uerò minuenda: auferto minorē à maiori, & seruato residuum. Vbi autem præfatæ diuersitates fuerint æquales adinuicem, & una earum addenda, altera uerò subtrahēda fuerit: cōcludes uerum diem naturalem, à mediocri non discrepare.

Principium itaque additionis, ibidem faciendum esse pronuntiabis: ubi utraque diuersitas occurrit addēda, uel ubi addenda minuendā superauerit. Hoc autē ab initio Scorpij, usq; ad finem Aquarij uidetur accidere. Subtractionis uerò principium, eo in loco uenit obseruandum: ubi utraque differen-

K

## LIBRI II,

tiarum siue diuersitatum subducenda est, uel ubi minuenda, ipsam addendam superauerit differentiã. Quod ab ipsius Aquarij dimidio, usq; ad finem Libræ cõtingere, fit manifestũ.

8 VEROS DENIQUE DIES NATVRALES, in mediocres præfata æquationis adminiculo, ita conuertes. Adde ipsam æquationem tempori dato, si ascensio recta loci Solis, medium illius motum superauerit: uel eãdem æquationem subtrahe ab ipso dato tempore, quoties idẽ medius motus præfata ascensione recta fuerit maior. Cõsurget enim aut relinquetur ipsa mediocrium dierum quantitas. At si mediocres dies, ad ueros conuerture fuerit operæpretium: sic facito. Inuentam (ueluti præcedenti numero 3 docuimus) dierũ equationem adde mediocri tẽpori dato, si medius motus Solis, rectam ueri motus eiusdem superauerit ascensionem: uel eãdem equationem aufer ab ipso tẽpore, ubi contrarium acciderit. Hac enim uia dies mediocres in ueros reuocabũtur. Nec te prætereant, hanc dierum æquationem diebus ueris semper addendam fore, uel auferendam à mediocribus, ubi data radix temporis super initium additionis fuerit stabilita: contrarium autem prorsus obseruandum esse, si præfata radix temporis super exordio subtractionis fuerit initiata: quanquam seorsum facta consideratione, eadem æquatio non semper addenda, aut semper deducẽda uideatur, ut de differentiis traditum est ascensionalibus.

### CANON II.

**Q**Væ ad medium motum Solis, illiũsque radices uidentur spectare, penderenter exprimere.

1 Cũm perspicuum sit, tum ex ipsa planetarum theoricã, tũ ex illius calculo, qui per astronomicas absoluitur tabulas, Solem ipsum reliquorum esse ducem, & ueluti cõmune quoddã speculum: priũs q̃ cæteros adgrediamur planetas, tractandũ in primis de Sole nobis esse uidetur: utpote, in quo præter luminis dignitatẽ, minor offenditur motus diuersitas, & cuius exacta cognitio ad reliquorum errantium syderum, nedũ speculationem

speculationē, sed & calculum uidetur admodum necessaria.

Ad supputandas itaque medij motus ipsius Solis tabulas, examinanda est in primis medij motus unius diei naturalis, atque unius æqualis horæ quantitas. Habetur autem medius motus Solis diurnus, si totus Zodiaci circulus in minuta resolutus, per temporis annuæ reuolutionis quantitatem diuidatur: quæ iuxta obseruationē C. Ptolemæi, cōplectitur dies naturales 365, & diei unius quadrantē, minus parte unius diei trecentesima, quæ propemodū facit unius æqualis horæ partē duodecimā. Et proinde medius motus Solis unius diei naturalis, atq; unius æqualis horæ, ita se habet ut hic subscribitur.

|                                     | Sig. | gra. | mi. | 2  | 3  | 4  | 5  | 6  |
|-------------------------------------|------|------|-----|----|----|----|----|----|
| <i>Medius motus Solis diurnus.</i>  | 0    | 0    | 59  | 8  | 17 | 13 | 12 | 31 |
| <i>Medius motus Solis horarius.</i> | 0    | 0    | 2   | 21 | 50 | 43 | 3  | 1  |

Per cōtinuam itaque utriusque horum mediocrium motuū additionem, facile est tabulas medij motus ipsius Solis, tam scilicet annorum collectorum & expansorum, quàm mensium, dierum, & horarum, atque minutarum horæ partium, solito more componere.

2 Pro collectione autem ipsius medij motus Solis, supponenda est radix aliqua, ad certum tempus examinata: à qua exordiat eiuſdem medij motus Solis calculus. Idque nedum in ipſo Sole, sed & in cæteris quibuscunque mediis planetarum motibus, uidetur esse necessarium. Et in eiuſcemodi mediocriū motuum, atque similium omnium calculo dies supponuntur æquales, ex integra uidelicet æquatoris reuolutione, & motu medio unius diei naturalis resultātes. Et proinde antea quàm mediocris aliquis motus supputetur, tempus æquandum est: ut in canonibus tabulæ æquationis dierum continetur. Sunt autem radices medij motus Solis, ad ærā Christi, & subscriptos annos, ad meridianum quidem Parisiensem reuocate, ut in subscripta continetur tabella.

|                                    | Sig.     | gra. | mi. | 2  | 3  | 4  | 5  | 6  |    |
|------------------------------------|----------|------|-----|----|----|----|----|----|----|
| Radices medij motus Solis ad annos | Christi. | 9    | 8   | 19 | 2  | 13 | 49 | 39 | 22 |
|                                    | 1400     | 9    | 18  | 36 | 10 | 48 | 6  | 16 | 23 |
|                                    | 1500     | 9    | 19  | 20 | 15 | 41 | 58 | 53 | 18 |
|                                    | 1550     | 9    | 19  | 12 | 43 | 59 | 6  | 32 | 10 |

K ij

LIBRI II,  
CANON III.

Solis argumento dato, differentiam inter medium & uerum illius motum, quam uocant æquationem, in certum redigere calculum.


1. Quòdam sit argumētum Solis, & illius æquatio, ex theoria planetarum supponimus esse notum. Ipsum porrò Solis argumentum quāquam in integrum producatum circulum, cū tamen in punctis eccentrici Solis æqualiter à pūcto augis, uel eius opposito distantibus, equales cōtingant ipsius Solis æquationes: indigemus ad summum, pro supputandis æquationibus, dimidio ipsius argumēti circulo. Itaque præsentem canonem in tres partes, facilioris intelligentiæ gratia distinguemus. Aut enim Solis argumentum erit quadrante circuli minus, aut quadrantem efficiens integrum, uel ipso quadrante maius, sed minus dimidio circulo: In ipso nanque pūcto augis, uel eius opposito existente Sole, nulla contingit æquatio, propter cōuentum linearum rectorum ipsum mediū atque uerum motum Solis indicantium.

*Prima canonis differentia, quando Solis argumentum est minus quadrante circuli.*

2. SUPPONA TVR IGITVR IPSIVS SOLIS argumentum, quadrante circuli in primis esse minus. Et describatur ecliptica siue Zodiacus  $abc$ , circa Mundi cētrum  $d$ : sitque Solis eccentricus  $efg$ , cuius centrum  $h$ , & illius eccentricitas  $dh$ , atque augis linea  $dhe$ . Linea porrò ueri motus Solis esto  $db$ , medij autem motus  $dc$ . Argumentum deinde Solis arcus  $abc$ , & eidem proportionalis in eccentrico  $ef$ , cuius sinus rector  $fl$ : complementum uero ipsius argumenti arcus  $fg$ , & illius sinus rector  $fm$ , cui per 34 primi elementorum æqualis est  $lh$ . Sit præterea rectora  $dk$ , perpendicularis super  $fh$ , eccentrici semidiametrum in directum continuatum. Aequatio itaq; Solis erit arcus  $bc$ , cuius sinus rector  $bn$ , desideratur. His ita constructis, manifestum est triangula  $fh l$ ,  $dh k$ , esse inuicem æquiangula: similiter & triangula  $fd k$ ,  $db n$ . Anguli enim qui ad  $k$ ,  $l$ , &  $n$ , puncta consistūt, rectori



recti sunt: & proinde æquales adinuicem, per quartum postu-



latum geome-  
tricum. Angu-  
lus præterea  $f$   
 $h l$ , ad uerticē  
posito  $d h k$ ,  
est æqualis, per  
15 primi ele-  
mētorum: &  
angulus  $d f k$ ,  
alterno  $f d n$ ,  
æqualis, per  
29 ipsius pri-  
mi, parallela  
est enim  $f h$ ,  
ipsi  $d n$ . Reli-  
quus igitur an-

gulus  $h f l$ , reliquo  $h d k$ , est æqualis: necnon reliquus  $f d k$ , æqualis reliquo  $d b n$ , per 32 eiusdem primi elementorum. Est igitur per quartam sexti eorundem elementorū, ut  $f h$ , ad  $h l$ , sic  $d h$ , ad  $h k$ : atque sicut  $h f$ , ad  $f l$ , sic  $h d$ , ad ipsam  $d k$ : sicut præterea  $f d$ , ad  $d k$ , sic  $d b$ , ad  $b n$ , sinum rectum.

3 Si ducatur igitur sinus rectus complementi ipsius dati argumenti Solis, utpote  $l h$ , in eccentricitatem  $h d$ , & productum diuidatur per  $f h$ , semidiametrum eccentrici: nota erit recta  $h k$ , & nota consequenter  $f k$ . Præterea, si multiplicetur sinus rectus eiusdem argumenti dati, scilicet  $f l$ , per eandem eccentricitatem  $h d$ , & productum per ipsum  $f h$ , semidiametrum diuidatur: nota erit & ipsa  $d k$ . Quæ autē ex  $f k$ , &  $d k$ , fiunt quadrata, æqualia sunt ei quod ex ipsa  $d f$ , quadrato describitur, per 47 primi elementorum. Nota erit propterea recta  $d f$ , inter centrum Mundi & ipsius Solis centrum cōprehensa. Quòd si recta  $d k$ , per Zodiaci semidiametrum  $d b$ , multiplicetur, & productum diuidatur per ipsam  $d f$ : prodibit tandem sinus rectus  $b n$ , ipsius æquationis  $b c$ , per quatuor proportionalium numerorum uulgatā regulam. Dato


K iij

autē sinu recto, dabitur & ipsius æquationis arcus, per ea quæ in nostram sinuum rectorum tabulam cōscripsimus: quæ semidiametrum, totiús ue quadrantis sinum rectum, supponit partium 60.

- 4 Sit in supradictorum exemplum, datum Solis argumentū  $a b c$ , graduum 40: quorū sinus rectus habet partes 38, & minuta 34, 2. ipsius proinde argumenti complementum erit graduum 50: & ipsius complementi sinus rectus, partium 45, & minutorum 57, 46. Eccentricitas porrò  $d h$ , secundum Ptolemæum habet 2 partes, & minuta 29, 30: qualium partium (uelim intelligas) semidiameter est 60. Si ducantur igitur partes 45, & minuta 57, 46, in partes 2, & minuta 29, 30, fient partes 1, 54, & minuta 31, 26, 7: Quæ diuisa per 60 partes semidiametri, reuocantur in partem 1, & minuta 54, 31, 26, 7, ipsius  $h k$ . Hæc autem iuncta præfatis 60 partibus semidiametri, faciunt partes 61, & minuta 54, 31, 26, 7. Tanta est igitur ipsa  $f k$ : cuius quadratum habet partes 3832, seu 1, 3, 52. & minuta 41, 27, 57, 44, 46, 36, 4, 49. Multiplicentur consequentur 38, 34, 2, per eadem 2, 29, 30, consurgent partes 96, seu 1, 36, & minuta 5, 47, 59: quæ diuisa per easdem 60 partes semidiametri, reddunt partē 1, & minuta 36, 5, 47, 59. Tātam ergo pronuncia-bis rectam  $d k$ : cuius quadratum habet partes 2, & minuta 33, 54, 34, 6, 26, 12, 24, 1. Hæc autem iuncta quadrato ipsius  $f k$ , cōficiūt partes 1, 3, 55, & minuta 15, 22, 31, 51, 12, 48, 28, 50: quorum radix quadrata est partium 61, & minutorum 55, 46. Tāta est igitur recta  $d f$ , à centro mundi, ad Solis centrum cōprehen-sa. Multiplicetur tandem pars 1, & minuta 36, 5, 47, 59, ipsius  $d k$ , per 60 partes semidiametri  $d b$ , fient partes 1, 36, & minu-ta 5, 47, 59: quæ diuisa per partes 61, & minuta 55, 46, ipsius  $d f$ , dant pro quoto numero partem 1, & minuta 33, 6, ferè. Tātus est igitur sinus rectus  $b n$ : cuius arcus  $b c$ , habet gradum 1, & minuta 28, 55. Tantam itaque pronuncia-bis ipsam æquatio-nem Solis, pro dato argumento 40 graduum: hæc autem in tabulis Alphonsinis habet similiter gradum 1, sed minuta so-lummodò 20, 48: ideo falsa cum præfata æquatio sit fideliter supputata.

*Secunda canonis differentia, ubi Solis argumentum complet  
circuli quadrantem.*

5 SI AVTEM SOLIS ARGUMENTUM fuerit præcisè quadrās circuli, calculus utcūque facilitabitur. Sit enim rursus Ecliptica  $a b c$ , & Mundi centrum  $d$ : eccentricus Solis  $e f g$ , cuius centrum  $h$ , & cētrorum distantia  $d h$ : argumētum autem datum, quadrans  $a b c$ , & illi proportionalis in eccentrico quadrans  $e f$ : Aequatio denique Solis arcus  $b c$ , cuius sinus rectus  $b n$ : & reliqua, ut in figura. Clarum est itaque, triangula  $f d h$ , &  $d b n$ , esse inuicē æquiangula: re-



ctus enim angulus qui ad  $h$ , recto qui ad  $n$ , est æqualis: & angulus  $h f d$ , alterno  $f d n$  æqualis est, p 29 primi elementorum, & proinde reliquus angulus  $f d h$ , reliquo  $d b n$ , tum per ipsam 29, tū per 32 eiusdē primi elemen-

torum coæquatur. Per quartā igitur sextj eorundem elementorum, est ut  $f d$ , ad  $d h$ : sic  $d b$ , ad  $b n$ . Habetur autem recta  $d f$ , qua centrum Solis distat à cētro Mundi, si quadratum semidiametri eccentrici  $f h$ , iungatur quadrato eccentricitatis  $h d$ , & producti quadrata radix extrahatur: quadratum enim quod ex  $d f$ , æquum est quadratis quæ ex  $f h$ , &  $h d$ , describuntur, per 47 primi eorundem elementorum: unde recta ipsa  $d f$ , facile dignoscetur.

6 Ducendus est igitur eccentrici semidiameter in sese, similiter & ipsa centrorum distantia, & inde producta quadrata in


unum componenda numerum: cuius radix quadrata, erit linea  $df$ , à centro Mundi in centrum Solis extēsa. Eadem postmodum centrorum distantia, per Zodiaci multiplicanda est semidiametrum, & procreatus inde numerus, per radicē ipsam, seu  $df$ , rectam diuidendus. Prodibit enim sinus rectus  $bn$ , cuius arcus, ipsius equationis Solis quantitatem  $bc$ , pro-  
palabit.

- 7 Cū igitur semidiameter  $fh$ , sit partium 60: illius quadratum, erit partium 3600. Quadratū autem eccentricitatis  $dh$ , utpote 2 partium, & minorum 29,30: habebit partes 6, & minuta 12,30,15. Hæc autē simul iuncta, efficiūt partes 3606, & minuta rursus 12,30,15: quorum radix quadrata est partiū 60, & minorum 3,6. Tanta est igitur ipsa  $df$ . Eccentricitas autem  $dh$ , ducta in 60 partes semidiametri  $db$ , facit partes 2,29, & minuta 30: quæ diuisa per 60 partes & minuta 3,6, ipsius  $df$ , dant pro quoto numero partes 2, & minuta 29, 22. Tantus est itaq; sinus rectus  $bn$ : cuius arcus, uel æquatio  $bc$ , habet 2 gradus, & minuta 22,40, ferè. Huiusmodi autem equationis in Alphonfinis tabulis, & aliis inde emanatis, præter ipsas 2 partes, habet solūmodò minuta 9,57: & proinde suspitione non caret, cū author eadem eccentricitate usus esse uideatur, quæ ab ipso tradita est Ptolemæo.

*Tertia canonis differentia, cū datum Solis argumentum circuli quadrantem excedit.*

- 8 VBI PORRO DATVM SOLIS ARGV-  
mētum, superauerit ipsum circuli quadrantem, fuerit tamen (uti supra dictum est) semicirculo minus: uarianda erit utcunque ea supputandi ratio, quam prima differentia tradidimus: dum scilicet præfatum Solis argumentum, non faciebat quadrantem circuli. Resumatur igitur ipsius primæ partis figura, in qua sint descripta omnia, ueluti prius exposita fuere: dempto Solis argumento  $abc$ , quod sit quadrante circuli maius, sed minus dimidio circulo, cui proportionale in ipso eccentrico sit rursus arcus  $ef$ . Residuum itaque de semicirculo, erit arcus  $fg$ : cuius sinus rectus  $fl$ , & sinus re ctus complementi eiusdem

eiusdem arcus,  $f m$ . Ipsi autem  $f l$ , æqualis est  $m h$ , per 34 primi elementorum. Demissa itaque  $d k$ , perpendiculari super



$f h$ : fiunt rursum  $f m h$ , &  $h k d$ , triangu-  
la, inuicem æ-  
quiangula, at-  
que rectangu-  
la. Rectus e-  
nim angulus  
qui ad  $k$ , recto  
qui ad  $m$ , æqua-  
lis est: & angu-  
lus  $m f h$ , æ-  
qualis alter-  
no  $k h d$ , per  
29 primi ele-  
mentorū. Re-

liquus igitur angulus  $m h f$ , reliquo  $h d k$ , est æqualis. Trian-  
gula insuper  $f d k$ , &  $d b n$ , sunt paribus argumentis inui-  
cem æquiangula: & angulus qui sub  $f d k$ , æqualis ei qui sub  
 $d b n$ . Per quartam igitur sexti elementorum, erit ut  $h f$ , ad  $f$   
 $m$ , sic  $d h$ , ad  $h k$ : atque ut  $f h$ , ad  $h m$ , sic  $h d$ , ad  $d k$ . Itē ut  $f d$ ,  
ad  $d k$ , sic  $d b$ , semidiameter, ad sinum rectum  $b n$ .

- 9 Dato igitur argumento Solis  $a b c$ , quadrante maiori, in  
illius locum subrogatur proportionale segmentum eccentri-  
ci  $e f$ : quo dempto à dimidio circulo  $e f g$ , residuum  $f g$ , pro  
dato supputationis recipitur argumento, illiusque propterea  
colligendus est sinus rectus  $h l$ , cui (ut supra dictum est) æqua-  
tur recta  $h m$ . Ipsum postmodum residuum  $f g$ , in locum ar-  
gumenti subrogatum, ex quadrante demendum est circuli: &  
relicti complementi accipiendus sinus rectus  $f m$ . Ducendum  
est consequenter idem sinus rectus  $f m$ , in centrorum distan-  
tiam  $d h$ , & productum diuidendum per semidiametrū  $h f$ :  
fiet enim longitudo ipsius  $h k$ . Præfatus deinde sinus rectus  
 $f l$ , per eandem eccentricitatem  $d h$ , multiplicandus est, pro-

L

ductumque diuidendum per eundem semidiametrum: prohibet enim recta  $d k$ . Auferenda est consequenter  $h k$ , ex eodem  $h f$ , semidiametro: ut  $k f$  nota relinquatur. Vtraque postmodum  $d k$ , &  $k f$ , per sese multiplicanda est, & illarum quadrata in unum componenda numerum: cuius radix quadrata, erit longitudo ipsius  $d f$ . Ipsa demum recta  $d k$ , ex parte sinus recti argumenti dati procreata, ducenda est in  $d b$ , Zodiaci semidiametrum, & productum per nunc inuentam radicem, hoc est, per ipsam  $d f$ , solito more diuidendum: generabitur enim sinus rectus  $b n$ , propositę equationis solaris  $b c$ . Differt itaque eiusmodi supputandi ratio, ab ea quę prima canonis huius tradidimus differentia, in his solummodo, quę sequuntur. In primis, quoniam ubi illic additur  $h k$ , ipsi  $f h$ , semidiametro: hic eadem  $h k$ , ab eodem semidiametro refecatur. Preterea, quemadmodum loco ipsius  $f m$ , utebamur in demonstratione illi æquali  $l h$ : sic in hac parte in locum  $f l$ , subrogatur illi æqualis  $h m$ . Cætera uerò, cum eadem prima supputationis differentia, uidentur ex omni parte conuenire.

- 10 Sit in præfatę supputationis exemplum, argumentum Solis  $a b c$ , graduum, 140. his itaque demptis ex 180 gradibus semicirculi, relinquuntur gradus 40: quorum complementum de 90 quadrantis gradibus, est graduum 50. Sinus autem rectus ipsorum 40 graduum, habet partes 38, & minuta 34, 2: ipsorum porro 50 graduum sinus rectus, est partium 45, & minutorum 57, 46. Eccentricitas autem  $d h$ , habet partes 2, & minuta 29, 30: qualium partium semidiameter est 60. Ducantur igitur 45, 57, 46, in 2, 29, 30, producentur partes 1, 54, & minuta 31, 26, 7: quę diuisa per 60 partes semidiametri, reuocantur in partem 1, & minuta 54, 21, 26, 7. Tanta est igitur recta  $h k$ : qua dempta ex 60 partibus semidiametri  $h f$ , relinquatur  $k f$ , nota, partium quidem 58, & minutorum 5, 28, 33, 53: quorum quadratum habet partes 56, 14, & minuta 35, 43, 29, 42, 46, 36, 4, 49. Multiplicentur consequenter 38, 34, 2, per eadem 2, 29, 30, fient partes 1, 36, & minuta 5, 47, 59: quę diuisa per eandem 60 partes semidiametri, restituent partem 1, & minuta 36, 5, 47, 59. Tanta est igitur ipsa  $d k$ : cuius quadratum habet partes 2,
- &

& minuta, 33, 54, 34, 6, 26, 12, 24, 1. Ex ipsis autem duobus quadratis inuicem compositis, resultant partes 56, 17, & minuta 9, 39, 3, 49, 12, 48, 28, 50: quorum radix quadrata uero admodum propinqua, est partium 58, & minorum 6, 48. Tantam ergo pronunciabis rectam  $df$ , inter mundi centrum & centrum ipsius Solis comprehensam. Multiplicetur tandem pars 1, & minuta 36, 5, 47, 59, ipsius  $dk$ , per 60 partes semidiametri  $db$ , fiet partes 1, 36, & minuta 5, 47, 59: quæ diuisa per partes 58, & minuta 6, 48, ipsius  $df$ , dabunt pro quoto numero partem 1, & minuta 38, 11. Tātus est ergo sinus rectus  $bn$ : cuius arcus, siue æquatio Solis  $bc$ , habet gradum 1, & minuta 36, 20. In Alphō finis porrò tabulis, & quæ ex illis sunt compositæ, præfata æquatio Solis habet similiter 1 gradum, sed minuta tantummodo 26, 3. Hinc prædictarum tabularum error, ex omni parte fit manifestus: cum hic calculus noster à mathematica demonstratione nõ dissideat, sitque fideliter admodum obseruatus.


*Corollarium, de construenda æquationum Solis tabula.*

- II Hoc igitur artificio, componenda est æquationum ipsius Solis tabula, per singulos argumēti gradus ab 1, usque ad 180, hoc est, ab auge eccentrici usque ad eius oppositum distributa. Nam ipsæ æquationes, ab eodem augis opposito, redeundo uersus auge ipsam, præpostero rursus inseruient ordine. Quoniam in auge eccentrici, & eius opposito existēte Sole, nulla est æquatio. In punctis autem equaliter ab eadem auge, uel eius opposito distantibus, æquales contingunt Solis æquationes, atque lineæ à centro Mundi in centrum ipsius Solis coincidentes æquales: quod sic demonstratur. Esto Mundi centrum  $a$ , eccentrici Solis  $b$ , ipsius autem eccentrici peripheria,  $c d e f$ , & aux punctum  $c$ , eius oppositum punctum  $e$ , ecliptica demum  $g h k l$ : sintque  $d$ , &  $f$ , puncta ab auge  $e$ , æquè distantia, in quibus Sol habet æquationes  $g h$ , &  $k l$ : quas dico fore inuicem æquales. Cum enim arcus  $c d$ , arcui  $c f$ , sit per hypothesim æqualis: reliquus igitur arcus  $d e$ , reliquo  $e f$ , per tertiam communem sententiam æqualis est. Et proinde angulus  $d b e$ , æqualis angulo  $e b f$ , per 27 tertij elemētorum.

L ij

## LIBRI II,

Et quoniam  $b d$ , ipsi  $b f$ , per circuli definitionem æqualis est,



&  $a b$ , utrique communis: bina itaque latera  $a b$ , &  $b d$ , trianguli  $a b d$ , duobus lateribus  $a b$ , &  $b f$ , trianguli  $a b f$ , sūt æqualia alterū alteri, & æquos inuicē continent angulos. Basis igitur  $a d$ , basi  $a f$ , est æqualis: & totū tri-

angulū, toti triangulo: atque reliquus angulus  $a d b$ , reliquo  $a f b$ , æqualis, per quartā primi elementorū. Angulo rursus  $a d b$ , æqualis est alternus  $g a h$ : atque ipsi angulo  $a f b$ , alternus  $l a k$ , itidem æqualis, per 29 eiusdem primi. Angulus ergo  $g a h$ , angulo  $l a k$ , de necessitate coæquatur. Aequales autem anguli in eodem circulo, sub æqualibus deducuntur arcibus, per 26 tertij elementorum: æqualis est propterea equationis arcus  $g h$ , arcui  $l k$ . patuit quòd &  $a d$ , recta, ipsi  $a f$ , æqualis est: assumptum ergo probè demonstratum.

### CANON IIII.

**Q**Væ medium Lunæ motum, illiúsque medium argumentum, in uniuersum respicere uidentur, consequenter annectere.

- I Pro compositione tabularum medij motus Lunæ, atque medij illius argumenti: sciendum est in primis, quātus sit idē medius motus, atque medium argumētum Lunæ in uno die naturali, & unius æqualis horæ: deinde operādum, uti primo canone



canone huius secundi libri, de solaribus præmonitum est tabulis.

- 2 Medius porrò Lunæ motus in die naturali, sic colligitur. Multiplicetur numerus dierum, horarum, & minorū, mensis lunaris mediocris, hoc est, tēporis quod ab una media cōiunctione Solis & Lunæ, usque in sequentē mediam coniunctionem comprehenditur, per medium motum Solis in uno die: & inde producto numero, addatur integer circulus graduum 360: Consurget enim medius motus Lunæ in ipso mēse Lunari, quem si diuiseris per ipsum tempus mensis Lunæ mediocris, prodibit medius motus ipsius Lunæ in una die. In hac autem supputandi ratione, cū multæ sint utrobique fractiones: operæpretium est, ipsos numeros ad unicum & minimum genus conuertere, postea in suos ordines solito more reuocare.
- 3 Medium autem ipsius Lunæ argumentum in die una, in hunc qui sequitur modum obtinere licebit. Multiplicetur circulus 360 graduum, per 269, qui est numerus reuolutionum Lunæ in epicyclo, ab una media coniunctione, usque ad proximam cōiunctionem similem: & productum diuidatur per numerum dierum, horarum, & minorum cōtentorum in 251 mensibus Lunaribus. Procreabitur enim medium argumentum ipsius Lunæ, in una die naturali. In hac operandi ratione, uelut in proxima, numerorū ad unicū genus reductione utendum erit: uelut ars ipsa requirit. Si autem medium motum, uel argumentum medium Lunæ in die una, per 24 diuiseris: procreabitur idem medius motus, uel medium argumentum Lunæ in una hora æquali: cuius pars sexagesima, erit motus unius minuti, & sic deinceps quantumlibet.
- 4 Medius porrò Lunæ mensis, ab una coniunctione media ipsius Lunæ cum Sole usque in proximè sequentem, secundū obseruationem Ptolemæi, complectitur dies 29, horas 12, prima minuta 44, secunda 3, tertia 2, quarta 59, & quinta 48. Et ipse medius Lunæ motus, atque medium argumētum in die una naturali, atque una æquali hora, & horæ minuto, se habent ut in sequenti tabella continetur.

LIBRI II,

|                     |             | Sig. | gra. | mi. | 2  | 3  | 4  | 5  | 6  | 7  |
|---------------------|-------------|------|------|-----|----|----|----|----|----|----|
| Medius motus ( in   | una die.    | 0    | 13   | 10  | 35 | 1  | 15 | 11 | 4  | 0  |
|                     | una hora.   | 0    | 0    | 32  | 56 | 27 | 33 | 7  | 57 | 0  |
|                     | 1. horæ mi. | 0    | 0    | 0   | 37 | 56 | 27 | 33 | 7  | 57 |
| Mediū argumētū ( in | uno die.    | 0    | 13   | 3   | 53 | 57 | 30 | 21 | 4  | 0  |
|                     | una hora.   | 0    | 0    | 32  | 39 | 44 | 53 | 45 | 52 | 40 |
|                     | 1. horæ mi. | 0    | 0    | 0   | 32 | 39 | 44 | 53 | 45 | 53 |

Et quoniam in his Lunæ motibus supputandis, confugiendum est ad illorum radices, quæ ad certum tempus & meridianum sunt reuocatæ: Idcirco prædictorum motuum radices, tam ad æram Christi, quàm aliquot succedentes annos, & ad Parisiensem meridianum supputatas (cuius distãtia ab occidente fixo est 23 graduum, & 30 minutorum) sub ea quæ sequitur perstrinximus tabella.

|         | Radices mediū motus (. |      |     |    |    |    |    |    | Radices mediū argumēti (. |      |     |    |    |    |    |    |
|---------|------------------------|------|-----|----|----|----|----|----|---------------------------|------|-----|----|----|----|----|----|
|         | Sig.                   | gra. | mi. | 2  | 3  | 4  | 5  | 6  | Sig.                      | gra. | mi. | 2  | 3  | 4  | 5  | 6  |
| Christi | 4                      | 2    | 20  | 29 | 6  | 38 | 9  | 38 | 6                         | 18   | 34  | 6  | 43 | 22 | 59 | 18 |
| 1400    | 3                      | 21   | 45  | 58 | 27 | 26 | 41 | 5  | 3                         | 10   | 24  | 50 | 21 | 14 | 25 | 50 |
| 1500    | 1                      | 29   | 34  | 56 | 16 | 4  | 26 | 18 | 9                         | 29   | 7   | 2  | 2  | 30 | 57 | 40 |
| 1550    | 6                      | 26   | 54  | 7  | 39 | 45 | 43 | 18 | 7                         | 1    | 56  | 10 | 54 | 24 | 3  | 4  |

CANON V.

**A** Equationem centri Lunæ, dato quocunque illius centro, demonstratiuo atque numerali deprehendere calculo.

Quid nam sit centrum Lunæ, & illius æquatio, unà cum cæteris terminorum expositionibus: ex lunari theorica supponimus esse notum. Ad supputandas igitur æquationes centri ipsius Lunæ, dignoscenda est in primis distantia centri eccentrici seu deferentis epicyclum ipsius Lunæ, à centro Mundi siue Zodiaci: & pro æquationibus argumenti eiusdem Lunæ, notus esse debet semidiameter ipsius Lunaris epicycli. Ea autem centrorum distãtia, atque semidiameter epicycli, unà cum longiori atque breuiori longitudine, si Ptolemæi credamus obseruationibus, se habent ut in subscripta cõtinetur tabella:

bella: idque tam in partibus, qualium augis linea, siue longitudo longior est 60: quam in partibus, qualium semidiameter eccentrici 60, itidem esse supponitur.

| Tabella rectorum linearum, ad supputandas aequationes Lunae necessariorum. | In partibus, qualium augis linea est 60. |      | In partibus, qualium semidiameter eccentrici est 60. |      |    |
|--|--|------|--|------|----|
|  | part.                                    | min. | part.  | min. | 3  |
| Distantia centri eccentrici à centro Mundi.                                | 10                                       | 19   | 12   | 29   | 10 |
| Semidiameter epicycli.   | 5  | 15   | 6  | 20   | 26 |
| Semidiameter eccentrici.   | 49                                       | 41   | 60   | 0    | 0  |
| Linea augis, siue longitudo longior.                                       | 60                                       | 0    | 66   | 20   | 26 |
| Longitudo propior.   | 39                                       | 22   | 53   | 39   | 34 |

*Prima canonis differentia, quando centrum Lunae minus est quadrante circuli.*

2 HIS PRAEMISSIS, AVT CENTRUM LUNAE erit circuli quadrante minus, uel quadrans integer, aut ipso quadrante maius, sed minus dimidio circulo. Sit in primis centrum ipsius Lunae circuli quadrante minus, ut in sequenti prima figura: in qua orbis Eclipticae  $a b c$ , cuius centrum  $d$ , eccentricus uero deferens Lunarem epicyclum  $e f$ , cuius centrum  $g$ , & punctum illi oppositum  $h$ , & lunaris epicyclus  $k l m$ : sit praeterea centrum Lunae non faciens circuli quadrantem arcus  $a b$ , cuius sinus rectus linea  $b n$ , complementum eiusdem centri arcus  $b c$ , & illius sinus rectus  $b o$ , qui per 34 primi elementorum, est aequalis ipsi  $d n$ : aequatio tandem centri arcus  $k l$ , cuius sinus rectus  $l p$ : conexo itaque  $g f$ , semidiametro, productaque  $f d$ , in directum & continuum uersus  $d$ , si a punctis  $g$ , &  $h$ , perpendiculares deducantur  $g r$ , &  $h s$ : fient triangula tria  $b d n$ ,  $d g r$  &  $d h s$ , inuicem aequiangula. Recti enim anguli qui ad puncta  $n, r, s$ , aequales sunt ad inuicem: & qui ad uerticem  $d$ , consistunt anguli inuicem aequales, per 15 primi elementorum. Reliqui praeterea anguli  $d b n$ ,  $d g r$ ,  $d h s$ , aequales sunt ad inuicem. Triangulorum porro aequiangulorum proportionalia sunt latera quae circum aequales angulos, & similis rationis quae aequalibus angulis latera subtenduntur, per 4 sexti eorundem elementorum. Sicut igitur  $b d$ , semidiameter ad rectam



3 Ipsius itaque centri lunaris  $ab$ , atque complementi  $bc$ , accipiendi sunt in primis sinus recti  $bn$ , atque  $bo$ . Ducendus est postmodum sinus rectus complementi scilicet  $bo$ , in eccentricitatem  $dg$ , & productum diuidendum per semidiametrum  $db$ : prodibit enim recta  $dr$ . Deinde sinus rectus ipsius dati centri lunaris, utpote  $bn$ , ducendus est in eandem eccentricitatem, & productum diuidendum per eundem semidiametrum: producetur enim recta  $gr$ , per 4 proportionalium numerorum regulam. Notis autem  $dr$ , &  $gr$ , notæ erunt illis æquales  $ds$ , &  $hs$ . Semidiameter postmodum eccentrici, scilicet  $fg$ , per sese multiplicandus est, & à producto auferendum quadratum ipsius  $gr$ , & residui quadrata radix extrahenda: erit enim longitudo ipsius  $fr$ , cui si addatur  $rd$ , consurget linea recta  $fd$ , inter Mundi centrum & centrum epicycli comprehensa: quæ seorsum reseruanda est. Huic itaq; lineæ rectæ  $fd$ , addenda est ipsa  $ds$ , ut consurgat tota  $fs$ , notæ longitudinis: cuius quadrato addendum est quadratum ipsius  $sh$ : conficient enim quadratum ipsius  $fh$ , cuius radix quadrata extrahenda est, quæ erit eiusdem  $fh$ , longitudo. Tandem ipsa  $hs$ , ex parte dati centri procreata, ducenda est in 60 partes semidiametri epicycli  $fl$ , & productum per ipsam radicem, hoc est,  $fh$ , diuidendum: producetur nanque sinus rectus  $lp$ , optatæ æquationis centri  $kl$ .

4 Faciamus periculum in numeris: & utamur ea cætrorum distantia, quæ est partium 10, & minorum 19, qualium partium augis linea est 60: & proinde semidiameter epicycli similibus partium 5, & minorum 15: eccentrici autem partium 49, & minorum 41. Supponatur igitur centrum Lunæ  $ab$ , graduum 40, quorum sinus rectus habet partes 38, & minuta, 34, 2: complementum igitur ipsius centri erit graduum 50, quorum sinus rectus habet partes 45, & minuta 57, 46. Duco igitur in primis 38, 34, 2, in 10, 19, fiunt partes 6, 37, & minuta 53, 6, 38: quæ diuisa per 60, reuocantur ad partes 6, & minuta 37, 53, 6, 38. Tanta est igitur ipsa  $gr$ : & proinde illi æqualis  $hs$ . Multiplico deinde 45, 57, 46, per eadem 10, 19, fiunt partes 7, 54, & minuta 10, 57, 34: quæ diuisa per 60, restitunt partes 7,

M

& minuta 54, 10, 57, 34. Tanta est ipsa  $d r$ , atq; illi æqualis  $d s$ . Quadratū porrò ipsius  $g r$ , habet partes 43, & minuta 58, 32, 36, 47, 35, 52, 0, 4: quæ subtracta ex quadrato semidiametri, partibus scilicet 2468, & minutis 26, 1, relinquūt partes 2424, aut 40, 24, & minuta 27, 28, 23, 12, 24, 7, 59, 56: quorū radix quadrata habet partes 49, & minuta 14, 19, 37, 25. Tanta est igitur  $f r$ , linea recta: cui si addatur partes 7, & minuta 54, 10, 57, 34, ipsius  $d r$ , consurget recta  $f d$ , à centro Mundi in centrū producta epicycli, partium quidem 57, & minorū 8, 30, 34, 59: quæ seorsum in minorum proportionalium supputationē referentur. Ipsi postmodum  $f d$ , addo ipsam  $d s$ , tot uidelicet partes & minuta, quot sunt in ipsa  $d r$ : consurgunt partes 65, & minuta 2, 41, 32, 3, ipsius rectæ  $f s$ . Cuius quadratū habet partes 4230, seu 1, 10, 30, & minuta 50, 7, 46, 25, 58, 46, 30, 9: quæ unà cum quadrato ipsius  $h s$ , quod est partium 43, & minorū 58, 32, 36, 47, 35, 52, 0, 4, efficiunt partes 4274, hoc est, 1, 11, 14, & minuta 48, 40, 23, 13, 34, 38, 30, 13. Quorū radix quadrata habet partes 65, & minuta 33, 0, 20, 45: tanta est igitur recta  $f h$ . Duco tandem partes 6, & minu. 37, 53, 6, 38, ipsius  $h s$ , in 60 partes semidiametri, fiunt partes 6, 37, & mi. 53, 6, 38: quæ diuido per 65 partes, & minuta 33, 0, 20, 45, ipsius  $f h$ , prodeūt partes 6, & mi. 4, 11. Tātus est sinus rectus  $l p$ , ipsius æquationis  $k l$ : quæ offendetur habere gradus 5, & minuta 48, 22, ferè: quanquam in Alphon. tabulis sit gra. 5, & minorum 50.


*Secunda canonis differentia, ubi centrum Lunæ præcisum circuli quadrantem efficit.*

5 AT SI CENTRUM LVNAE FVERIT PRAECISE quadrans circuli, eadem æquatio centri leuiori utcunque deprehendetur calculo. Vt si idem centrum Lunæ fuerit arcus  $a b$ , subscriptæ figurationis: erit tunc centrum epicycli, in ipsa longitudine media eccentrici. Connexo itaque eccentrici semidiametro  $g f$ , demissoque sinu recto  $l n$ , ipsius æquationis centri  $k l$ : manifestum est quadratum, quod ex eodem semidiametro  $g f$ , describitur, æquum esse quadratis quæ fiūt ex  $f d$ , &  $d g$ , per 47 primi elementorū. Subducto igitur quadrato

M

drato

drato ipsius  $d g$ , ex quadrato ipsius  $g f$ , relinquetur quadratū



ipsius  $f d$ : cuius radix quadrata, eiusdem  $f d$ , longitudinem propalabit, qua uidelicet centrum epicycli distat tūc à centro Mundi. Quadratū autem ipsius  $f d$ , unā cum quadrato, quod ex  $d h$ , conficiunt rursus

quadratum ipsius  $f h$ , per eandem 47 primi elementorum: & illius quadrata radix, erit ipsius  $f h$ , lōgitudō. Et quoniā triangula  $f d h$ ,  $f l n$ , sunt inuicem æquiangula (uti sepius deductū est) & angulus qui ad  $h$ , æqualis angulo qui ad  $l$ : erit per quartam sexti elementorum, ut  $f h$ , ad  $h d$ , sic  $f l$ , semidiameter epicycli, ad sinum rectum  $l n$ .

6 Ducēda est igitur eccētricitas  $d g$ , in seipsam, & illius quadratum auferendum à quadrato semidiametri  $g f$ , atque residui quadrata radix inuenienda: ea enim erit recta  $d f$ , inter Mundi centrum & centrum epicycli comprehensa. Et quoniam recta  $d h$ , eccentricitati  $d g$ , est æqualis, &  $d f$ , utriusque communis, & qui circa  $d$ , consistunt anguli inuicem equales, nempe recti: erit per 4 primi elementorum, recta  $f h$ , æqualis semidiametro  $f g$ . Obtēta igitur  $f d$ , pro minutis proportionalibus, ducenda est eccentricitas  $d h$ , in semidiametrum epicycli  $f l$  (quem hic supponimus partium 60) & productum per semidiametrum eccentrici diuidēdum, ut habeatur sinus rectus  $l n$ , ipsius æquationis centri  $k l$ . Si uuet in numeris ipsis facere periculum, resumatur semidiameter eccentrici par-

M ij

tium 49 & minutorum 41, atque eccentricitas partium 10 similia, & minutorum 19, qualium partium augis linea est 60. Quadratum igitur semidiametri eccentrici, habebit partes 41, 8, & minuta 26, 1: ipsius autem eccentricitatis quadratum partes 1, 46, & minuta 26, 1. quibus detractis ab ipso quadrato semidiametri, relinquuntur partes 39, 22, absque minutis: quarum radix quadrata, est partium 48, & minutorum 36. Tanta est igitur recta à centro Mundi in centrum epicycli producta. Ducantur tandem partes 10, & minuta 19, ipsius eccentricitatis in 60 partes semidiametri epicycli, fient partes 10, 19, absque minutis: quæ diuisæ per partes 49, & minuta 41, ipsius semidiametri eccentrici, dant pro quoto numero partes 12, & minuta 27, 32. Tātus est sinus rectus ipsius æquationis centri ad datum situm epicycli: & ipsa æquatio centri graduū 11, & minutorum 59, 5. Hæc autem in tabulis Alphonsinis habet gradus 12, absque minutis, differens à præfato calculo nostro secundis minutis 55.


*Tertia canonis differentia, dum centrum Lunæ excedit circuli quadrantem, sed minus est dimidio circulo.*

- 7 SI DETUR TANDEM EPICYCLI POSITIO talis, ut centrum Lunæ quadrantem excedat, sit tamen dimidio circulo minus: resumatur prima figura, in qua rursus Ecliptica  $a b c$ , Mundi centrum  $d$ , eccentricus  $e f$ , illius centrum  $g$ , punctum oppositum  $h$ , æquatio centri arcus  $k l$ , & ipsius Lunæ centrum arcus  $a b$ , circuli, quadrante maior. Sumendus est itaque residuus arcus de semicirculo, utpote  $b c$ , cuius sinus rectus est  $b n$ : sinus uerò rectus complementi eiusdem arcus de quadrante circuli recta  $b o$ , cui æqualis est  $d n$ , per 34 primi elementorum. Connexo itaque  $g f$ , eccentrici semidiametro, & producta  $f d$ , in directum & cōtinuum uersus  $r$ : ex punctis  $g$ , &  $h$ , perpendiculares deducantur  $g r$ , &  $h s$ . Fiet itaque rursus triangula tria,  $b d n$ ,  $d r g$ , &  $d s h$ , inuicem æquiangulara: quorum anguli  $d b n$ ,  $d g r$ , &  $d h s$ , æquales sunt adinuicem, quemadmodū prima huiusce canonis præostensum est differentia: ubi  $d r$ , ipsi  $d s$ , atque  $g r$ , ipsi  $h s$ , conclusimus

mus



mus æqualem. Erit itaque rursus, per quartam sexti elemen-



torum, ut  $b d$ , ad  $d n$ , sic  $g d$ , ad  $d r$ : atq; ut  $d b$ , ad  $b n$ , sic  $d h$ , ad  $h s$ . Triangula insuper  $f h s$ , &  $f l p$ , sunt rursus (uti supra mōstratū est) inuicem æquiāgula: & angulus qui ad  $h$ , angulo qui ad  $l$ , æqualis. Sicut propterea  $f h$ , ad  $h s$ : sic  $f l$ , semidiameter, ad sinum rectum  $l p$ .

8 Datum itaque centrum Lunæ circuli quadrāte maius, sed minus dimidio circulo, ueluti  $a b$ , à dimidio circulo  $a b c$ , uenit auferendum: & residuum  $b c$ , pro dato centri lunaris arcu reseruandum. Cuius quidē arcus  $a b$ , sinus rectus  $b n$ , eliciendus est: atque complementi illius de quadrante circuli, rectus itidem sinus colligendus, scilicet  $b o$ . Ducendus est postmodum sinus rectus  $b o$ , ipsius complementi, in eccentricitatem  $d g$ , & productum diuidendum per semidiametrū  $d b$ : nascetur enim recta  $d r$ , & proinde illi æqualis  $d s$ . Si ducatur consequenter sinus rectus arcus dati, scilicet  $b n$ , in ipsam eccentricitatem, & productum per eundem semidiametrum diuidatur: prodibit recta  $g r$ , atque illi æqualis  $h s$ . Et quoniam angulus qui ad  $r$ , rectus est, per ipsam constructionem: si igitur à quadrato semidiametri  $f g$ , auferatur quadratum ipsius  $g r$ , quæ ex parte sinus recti arcus dati procreata est, relinquetur quadratum ipsius  $f r$ , per 47 primi elemētorum: cuius radix quadrata ipsius  $f r$ , longitudinem indicabit. A qua si tollatur  $d r$ , ex parte sinus recti complementi arcus dati procreata: re-

M iij

linquetur  $df$ , linea recta, centrum Mundi atque ipsius epicycli centrum tunc intercepta. Ab ipsa deinde linea recta  $df$ , auferenda est recta  $ds$ , ipsi  $dr$ , æqualis, ut nota relinquatur  $fs$ . Vtraque postmodum  $fs$ , &  $hs$  (quæ ipsi  $gr$ , est æqualis) per sese multiplicetur, & illarum quadrata in unum componantur: resultabit enim quadratum ipsius  $fh$ , per ipsam 47 primi elementorum, cum angulus qui ad  $s$ , rectus sit. Huius porrò quadrati radix, ostendet quanta sit ipsa  $fh$ . Ducenda est tandem ipsa  $hs$ , in 60 partes semidiametri  $fl$ , & productum diuidendum per eandem  $fh$ : quotus enim numerus, erit sinus rectus  $lp$ , ipsius æquationis centri  $kl$ , per uulgatã 4 proportionalium numerorum regulam. Differt igitur hæc supputãdi ratio, ab ea quam prima huius canonis differentia tradidimus: quoniam triãgula  $dgr$ , &  $dhs$ , cõtrariam positionem obseruant. Hinc fit, ut hic auferatur  $dr$ , ab ipsa  $fr$ , quæ prius eidem  $fr$ , addebatur, ad habendam ipsam  $df$ : & ab ipsa  $df$ , tollatur  $ds$ , quæ eidem addebatur, ut habeatur  $fs$ .


9 Demus tandem exemplum in numeris, sitque arcus centri lunaris  $ab$ , graduum 140: reliquus igitur  $bc$ , erit 40 graduũ, 8 quorũ sinus rectus habet partes 38, & minuta 34, 2. Cõplemẽtũ autẽ ipsius arcus  $bc$ , de circuli quadrãte, erit graduum 50, quorum sinus rectus habet partes 45, & minuta 57, 46. Eccentricitas autem sumpta, est partium 10, & minorum 19: & semidiameter eccentrici partium 49, & minorum 41, qualiũ partiũ augis linea est 60. Ex ductu autem 45, 57, 46, in 10, 19, & producti diuisione per 60 partes semidiametri, fiunt tandẽ partes 7, & minuta 54, 10, 57, 34: tãta est igitur ipsa  $dr$ , atque illi æqualis  $ds$ . Ex ductu consequenter 38, 34, 2, in eadem 10, 19, & diuisione producti per easdem 60 partes semidiametri, gignuntur demũ partes 6, & minuta 37, 53, 6, 38: tanta est ipsa  $gr$ , atque illi æqualis  $hs$ . Quadratum autem ipsius  $gr$ , habet partes 43, & minuta 58, 32, 36, 47, 35, 52, 0, 4: quæ subducta ex quadrato semidiametri, ex partibus uidelicet 41, 8, & minutis 26, 1, relinquũt partes 40, 24, & minuta 27, 28, 23, 12, 24, 7, 59, 56: quorum radix quadrata habet partes 49, & minuta 14, 19, 37, 25. Tãta est igitur ipsa  $fr$ : à qua si tollantur partes 7, & mi-  
nuta

nuta 54, 10, 57, 34, ipsius  $d r$ , relinquitur  $f d$ , nota, partium 41, & minorum 20, 8, 39, 51. A quibus si rursus auferantur partes 7, & minuta 54, 10, 57, 34, ipsius  $d s$ , relinquetur partes 33, & minuta 25, 57, 42, 17, ipsius  $f s$ : cuius quadratum est partium 18, 37, & minorum 44, 42, 31, 25, 0, 5, 52, 49. & quadratum ipsius  $h s$ , habet partes 43, & minuta 58, 32, 36, 47, 35, 52, 0, 4. Quæ duo quadrata simul iuncta, conficiunt partes 19, 21, & minuta 43, 15, 8, 12, 35, 57, 52. 53: quorum radix quadrata est partium 34, & minorum 5, 2, 29, 45. Tanta est igitur ipsa  $f h$ . Ducantur ergo tandem partes 6, & minuta 37, 53, 6, 38, ipsius  $h s$ , in 60 partes semidiametri, fient partes 6, 37, & minuta 53, 6, 38: quæ diuisa per ipsas 34 partes, & minuta 5, 2, 29, 45, dant pro quo- to numero partes 11, & minuta 40, 25. Tantus est itaque sinus rectus  $l p$ : cuius æquationis arcus  $k l$ , est graduum 11, & minorum 13, 19. In Alphonsinis porrò tabulis, eadem æquatio centri est graduum 11, & minorum 11.

*Corollarium de supputanda æquationum centri lunaris tabula.*

10 *Hac igitur arte, facile componetur æquationum centri Lu- næ tabula, per singulos gradus ipsius centri, ab auge eccentrici, usque ad eius oppositum distributa: quæ rursus ab ipsius augis opposito, uersus eandem auge ascendente centro epi- cycli, præpostero accommodabitur ordine. Quoniam in au- ge eccentrici, atque in eius opposito, nulla est æquatio centri: in punctis autem ipsius eccentrici, æqualiter ab auge, uel eius opposito distantibus constituto epicyclo, æquales contingunt centri æquationes, & simul æquales lineæ rectæ, è Mundi cen- tro, in ipsius epicycli centrum coextensæ. Quod sic demon- stratur. Sit lunaris eccentricus  $a b c d$ , cuius centrum  $e$ , Mun- di centrū  $f$ , & punctum centro eiusdem eccentrici oppositū  $g$ : sitque epicyclus Lunæ in punctis  $b$ , &  $d$ , æqualiter ab auge distantibus, & centri æquationes datae arcus  $h k$ , &  $l m$ , & re- liqua ut in figura. Aio itaque rectas  $f b$ , &  $f d$ , esse inuicem æ- quales: similiter & ipsas centri æquationes  $h k$ , &  $l m$ . Cùm e- nim arcus  $a b$ , ipsi  $a d$ , sit æqualis: reliquus igitur arcus  $b c$ , re- liquo  $c d$ , coæquabitur. Et proinde angulus  $b e c$ , æqualis e- rit angulo  $c e d$ , per 27 tertij elementorum. Et quoniam  $f b$ ,*

84  
 ipsi  $f d$ , est æqualis, &  $e f$ , utrique communis, quæ simul æ-



$b f c$ , æqualis reliquo  $c f d$ . Et cum latera  $f b$ , &  $f d$ , sint inui-  
 cem æqualia, &  $b g$ , utrique communis: erit rursus per ean-  
 dem quartam primi elementorum, basis  $g b$ , basi  $g d$ , æqua-  
 lis, atq; reliqui anguli reliquis angulis æquales: & proinde an-  
 gulus  $f b g$ , æqualis angulo  $f d g$ . Angulus porrò  $h b k$ , ipsi  
 angulo  $f b g$ , æqualis est: necnon angulus  $l d m$ , ipsi angulo  
 $f d g$ , per 15 ipsius primi elementorum æqualis. Arcus igitur  
 æquationis  $h k$ , arcui  $l m$ , per 26 tertij eorundem elementorum  
 coæquatur. Patuit autem quòd recta  $f b$ , ipsi  $f d$ , æqua-  
 lis est. Vtraque igitur assumpti pars, uera.

## CANON VI.

**M**Inuta proportionalia, quibus æquationes ar-  
 gumèti Lunæ iustificatur, pendèter elicere.

**I** Dum æquationes centri Lunæ, ab auge usque ad illius op-  
 positum, gradatim per antecedentem canonem supputatur:  
 reseruandæ sunt singulæ lineæ rectæ inter Mundi centrum &  
 centrum epicycli comprehensæ, singulis ipsius centri respon-  
 dentes

dētes gradibus, & suo ordine distribuendæ, unà cum longiori, atque breuiori ipsius eccentrici longitudine. Postea differentia longioris atque breuoris lōgitudinis, in 60 partes inuicem æquales supponenda est esse diuisa: quæ minuta proportionalia nūcupantur. Ea autem differentia, æqualis est eccentricitati duplata: uti facilè concipi, atque demonstrari potest. Ipsæ postmodum lineæ rectę inter Mundi centrū & centrum epicycli comprehensę, ab ipsa longiori longitudine ueniunt singulatim auferendæ: & illarum residua, per regulam quatuor proportionalium numerorū, in minuta proportionalia reuocanda, singulis respondentia centri æquationibus: quæ scilicet extra peripheriam ipsius cadunt eccentrici circuli. Sicut enim se habet totalis excessus prædictarum longitudinum, siue eccentricitas duplata, ad quemlibet excessum particularem ipsius longitudinis longioris, super quamlibet dictarum linearum: sic 60 minuta totalis excessus, ad quæ sita minuta proportionalia.

- 2 Si iuuet periculum in numeris facere, quò singula clarius elucescant: resumatur lunaris eccentricitas partium 10, & minutorum 19. Hæc igitur eccentricitas duplata, conficit partes 20, & minuta 38: quibus respondent minuta proportionalia 60. Assumatur autem una trium prædictarum linearum, quę à centro Mundi in centrum producitur epicycli: ea uidelicet, quam prima antecedentis canonis supputauimus differētia, dum centrum Lunæ supponebatur graduum 40, quæ reperia est habere partes 57, & minuta, 8, 30, 34, 59, qualium partiū augis linea est 60. Differētia itaque inter huiuscemodi lineā, & lōgitudinem longiorem, siue lineam augis, est partium 2, & minutorum 51, 29, 25, 1: quæ ducta in 60, restituit partes 2, 51, & minuta 29, 35, 1. Hęc autem diuisa per 20 partes & 38 minuta, dant 8, minuta proportionalia, & unius minuti 18 sexagesima: quæ in Alphonfinis tabulis sunt tantūmodo 5. Haud dissimili uia probabis minuta proportionalia centro 90 graduum respondentia, fore 33, unà cum 9 unius minuti sexagesimis: quę in Alphonfinis tabulis sunt tantummodo 26. Item supposito Lunæ centro 140 graduum, præfata minuta pro-

N

## LIBRI II,

portionalia offendentur 54, unà cum unius minuti 16 sexagesimis: quæ in præfatis Alphonsinis tabulis sunt tantummodo 52. Tuo itaque relinquimus arbitrio diiudicandum, quantis erroribus scateant præfatæ Alphonsinæ tabulæ.


### CANON VII.

**A** Equationes argumenti ipsius Lunæ, siue differentias inter medium, & uerū eiusdem Lunæ motum supputare.

- 1 Hic nota supponitur ea linea recta, quæ inter Mundi centrum & centrum epicycli, pro dato ipsius epicycli situ continetur, cuiusmodi est linea *df*, ex ipsius antecedētis quarti canonis collecta demonstrationibus: cuius adminiculo, minuta proportionalia proximo quinto canone in primis supputare docuimus: quam propterea rectam, de industria seorsum reseruandam admonuimus. Aut igitur argumentum Lunæ uerum, est circuli quadrante minus, uel ipsi quadranti æquale, eodē uel quadrante maius.

*Prima canonis differentia, quando argumentum Lunæ uerum, est minus quadrante circuli.*

- 2 **SIT IN** primis idē uerū argumētū Lunæ, minus quadrante circuli, ut in hac prima figura cōtinetur. In qua Zodiacus *abc*, illius cētrum *d*, eccentricus deferēs epicyclū *ef*, cuius cētrum *g*, epicyclus uerò *hlm*, il-



liúsque

liúsque centrum  $f$ , linea medij motus Lunæ (quæ simul est linea ueri motus epicycli)  $d f c$ , linea autem ueri motus ipsius Lunæ  $d l b$ , argumentum uerum arcus  $h l$ , minor quadrante  $h m$ , & ipsa æquatio argumēti arcus  $b c$ , cuius sinus rectus  $b n$ . Ducto igitur epicycli semidiametro  $f l$ , atque sinibus rectis  $l o$ , &  $l p$ : rectangulum erit & parallelogrammum ipsum  $l o f p$ , quadrilaterū: &  $o f$  propterea ipsi  $l p$  æqualis, per 34 primi elementorum. Hac autem  $o f$ , iuncta ipsi  $f d$  (quam notam supponimus, ex præcedenti equationum centri calculo) confurget  $d o$ , nota. Quadratum autem ipsius  $d o$ , unà cum quadrato ipsius  $l o$ , efficit quadratum subtense  $d l$ , per 47 primi elementorum (angulus enim qui ad  $o$ , rectus est) cuius radix quadrata, ipsius  $d l$  quantitatem propalabit. Et quoniam triangula  $d b n$ , &  $d l o$ , sunt inuicem æquiangula, ut ex supradictis fit manifestum, & angulus qui ad  $l$ , æqualis angulo qui ad  $b$ : erit per 4 sexti elementorum, ut recta  $d l$ , ad rectam  $l o$ , sic  $d b$  semidiameter, ad sinum rectum  $b n$ .

- 3 Ipsius igitur argumenti ueri Lunæ  $h l$ , eliciendus est sinus rectus  $l o$ : atque residui de quadrante circuli  $l m$ , rectus itidē sinus  $l p$ . Vterque postmodum per 5 partes, & 15 minuta semidiametri epicycli lunaris  $f h$ , multiplicetur, & uterque productus numerus per 60 partes diuidatur: ut præfati sinus recti  $l o$ , &  $l p$ , in eas partes reuocentur, qualium præfatus semidiameter epicycli est partium 5, & minorum 15. In tabulis enim sinuum rectorū, tam iuxta ipsius Ptolemei, quàm nostram observationem, semidiameter supponitur esse partium 60. His in hunc modum præparatis, ipsi  $d f$ , lineæ rectæ (quæ ex quarto canone supponimus esse notam) addendus est sinus rectus  $l p$ , ipsius complementi  $l m$ : fiet enim recta  $d o$ , cum  $f o$ , ipsi  $l p$  sit æqualis. Vtraque postmodum  $d o$ , &  $o l$ , per sese multiplicanda est, & illarum quadrata in unum componenda numerum: cuius radix quadrata, erit longitudo ipsius  $d l$ . Sinus tandem rectus  $l o$ , ducendus est in 60 partes semidiametri  $d b$ , & productus inde numerus diuidendus per ipsam  $d l$ , lineam rectam: generabitur nanque sinus rectus  $b n$ , ipsius datæ æquationis argumenti  $b c$ .

- 4 Elucidemus hanc partē numerali supputatione. Sit igitur uerum Lunæ argumentum 40 graduum, cuius complementum est graduum 50. Sinus itaque rectus ipsius argumenti habet partes 38, & minuta 34, 2: & eiusdem complementi sinus rectus, gradus 45, & minuta 57, 46. Semidiameter autem epicycli lunaris, receptus est habere 5, & minuta 15, qualium partium augis linea est 60. Duco itaque primum 38, 34, 2, in 5, 15, & productum diuido per 60, fiunt partes 3, & minuta 22, 28, 40, 30. Idem facio de 45, 57, 46: & tandem habeo partes 4, & minuta 1, 18, 16, 30, qualium partiū semidiameter epicycli est 5, & minutorum 15. Supponatur autem centrum epicycli esse in opposito augis: Recta igitur à centro Mundi in centrum epicycli, est partium 39, & minutorum 22, qualium partiū augis linea est 60. Quibus addo partes 4, & minuta 1, 18, 16, 30, sinus recti complementi ipsius argumēti dati, fiunt partes 43, & minuta 23, 18, 16, 30: quorum quadratū habet partes 31, 22, & minuta 33, 15, 5, 12, 58, 32, 15. Et quadratū sinus recti argumēti dati, ipsarum uidelicet 3 partium, & minutorum 22, 28, 40, 30, habet partes 11, & minuta 35, 17, 18, 24, 15, 20, 15. Hęc autem duo quadrata simul iuncta, conficiunt partes 31: 34, & minuta 8, 32, 23, 37, 13, 52, 30: quorum radix quadrata, est partium 43, & minutorum 31, 18, 17. Tanta est igitur linea recta, à centro Mundi in centrum lunaris producta corporis. Duco tandem præfatum sinum rectum argumenti in 60, fiunt partes 3, 22, & minuta 28, 40, 30: quæ diuisa per easdem partes 43, & minuta 31, 18, 17, dant pro quoto numero partes 4, & minuta 39, 9, ferè. Tantus est sinus rectus ipsius equationis argumenti propositi: cuius arcus habet gradus 4, & minuta 26, 50. In Alphō sinis porrò tabulis, & quæ ab illis deriuatæ sunt, eiusmodi æquatio habet gradus 4, sed minuta 29, 7, & proinde à supra dicto utcunque disidens calculo.

*Secunda canonis differentia, dum uerum argumentum Lunæ est quadrans circuli.*

- 5 PORRO VBI DATVM ARGUMENTVM Lunæ uerum, quadrantem compleuerit circuli: eadem equatio
- tio






nuta 15, semidiametri eiusdem epicycli, in 60 partes semidiametri ipsius Zodiaci, fiunt partes 5, 15, absque minutis: quæ diuido per easdem partes 39, & minuta 42, 54, 42, 45, fit sinus re-ctus quæsitæ æquationis argumēti, partium quidem 7, & minorum 55, 53: cuius arcus habet gradus 7, & minuta 35, 46. Tanta est igitur æquatio  $b c$ , ipsius argumenti  $h l$ , graduum 90. Huiuscemodi autem æquatio in Alphonfinis & inde cōpilatis tabulis astronomicis, habet similiter gradus 7, sed minuta 31, 30: quæ propterea minutis 4, 16, à nostro uidetur discrepare calculo.

*Tertia canonis differentia, cū idem uerum argumentum Lunæ, quadrantem excedit circuli.*

7 **EXPONATUR TANDEM VERVM ARGUMENTUM** Lunæ circuli quadrante maius, sed minus dimidio circulo, ut in subscripta figura primæ haud dissimili continetur: In qua uerum argumentum Lunæ  $h l$ , quadrantē excedat, & cuius complementum de semicirculo sit arcus  $l m$ , & sinus re-ctus eiusdē cōplementi  $l o$ , sinus uerò re-ctus cōplementi eiusdem arcus  $l m$ , de quadrante circuli sit  $l p$ , producatūrque semidiameter  $f l$ , ipsius epicycli lunaris  $h l m$ . In hac igitur operandi ratione, conuertendi sunt in primis  $l o$ , &  $l p$ , sinus re-cti ad eam rationem partium, qua præfatus semidiameter  $f l$ , est 5, & minorum 15: nam iidem sinus re-cti ex tabulis nostris, aut Ptolemaicis collecti, supponūt semidiametrū esse partium 60. Id autem fiet, ut in prima huius canonis differentia obseruatum extitit: ducendo uidelicet utrūque sinum re-ctum  $l o$ , &  $l p$ , in 5 partes, & 15 minuta ipsius  $f l$ , semidiametri, & productum diuidendo per 60. Ipsi porrò  $l p$ , æqualis est  $f o$ , per 34 primi elementorum: perallogrammum est enim  $f p l o$ , quadrilaterū. Et quadrata quæ ex  $d o$ , &  $o l$ , describuntur, sunt æqualia quadrato quod ex  $d l$ , per 47 ipsius primi elementorum. Itē triangula  $d l o$ , &  $d b n$ , sunt rursus æqui-angula, uti suprā deductum est: & angulus qui ad  $l$ , æqualis angulo qui ad  $b$ . Per quartam igitur sexti eorundem elementorum erit sicut  $d l$ , ad  $l o$ , sic  $d b$  semidiameter, ad sinum re-ctum  $b n$ , ipsius æquationis argumenti  $b c$ .

Reuocatis

8 Reuocatis igitur (uti nuper citatum est)  $l o$ , &  $l p$ , sinibus



rectis, ad eam  
rationem par  
tium, qualiũ  
semidiameter  
 $fl$ , est 5, & mi  
nutorũ 15: au  
ferẽdus est si  
nus rectus  $l p$ ,  
seu  $o f$ , ex ipsa  
 $d f$  linea recta,  
quæ nota sup  
ponitur ex pre  
misso equatio  
nũ centri cal  
culo: relinque  
tur enim  $d o$ ,

nota. Vtraque postmodum  $d o$ , &  $o l$ , per sese multiplicanda est, & producta in unum componẽda numerum: cuius radix quadrata, erit longitudo ipsius  $d l$ . Ducenda est tandem  $l o$ , in  $d b$  semidiametrum, & productũ diuidendũ per ipsam  $d l$ : fiet enim sinus rectus  $b n$ , ipsius quæsitæ equationis argumẽti  $b c$ . Differt itaque hic supputãdi modus ab eo, quem prima huius canonis tradidimus differẽtia: quoniam  $o f$  tollitur ab ipsa  $f d$ , quæ prius addebatur: utimur præterea arcu  $l m$ , residuo de semicirculo, loco ipsius argumenti ueri. Cætera autẽ, cum ipsa prima differentia ex omni parte concordant.

9 Reliquum est, hanc partem numerorum examinare calculo. Sit igitur argumẽtum uerum Lunæ graduum 140, hoc est quatuor signorum communium, & graduum 20: & cẽtrum epicycli rursus in opposito augis ipsius eccẽtrici. Residuum itaque argumẽti de semicirculo erit graduum 40, quorum sinus rectus habet partes 38, & minuta 34, 2: complementũ autem ipsorum 40 graduum de quadrãte circuli, habet gradus 50, quorum sinus rectus est partium 45, & minutorũ 54, 46. Si autem uterque horum sinuum rectorum ducatur in 5 par-

tes & 15 minuta semidiametri epicycli, & productum diuidatur per 60: sinus rectus ipsius arcus dati, reuocabitur in partes 3, & minuta 22, 28, 40, 30: & sinus rectus complementi, in partes 4, & minuta 1, 18, 16, 30, qualium partiū idem semidiameter epicycli est 5, & minutorum 15. Recta porrò linea, à centro Mundi in centrum cadens epicycli, erit similibus partium 39, & minutorum 22: à quibus si detrahantur partes 4, & minuta 1, 18, 16, 30, relinquētur partes 35, & minuta 30, 30, 30, 30. Quorum quadratum habet partes 20, 49, & minuta 15, 49, 30, 58, 32, 15: quadratum autem ipsarum 3 partium, & minutorū 22, 28, 40, 30, habet partes 11, & minuta 35, 17, 18, 24, 15, 20, 15. Quæ duo quadrata simul iuncta, efficiūt partes 21, 0, & minuta 51, 6, 21, 25, 13, 30, 52, 30: quorū radix quadrata, habet partes 35, & minuta 30, 30, 30, 30. Ducātur tandē partes 3, & minuta 22, 28, 40, 30, in 60 partes semidiametri, fient partes 3, 22, & minuta 28, 40, 30: quæ diuisa per ipsas 35 partes, & minuta 30, 30, 30, 30, dant pro quoto numero partes 5, & minuta 42, 8: quorum arcus est graduum 5, & minutorum 27, 13, ferè. Tanta est igitur æquatio argumenti proposita: quæ in tabulis uulgatis, est graduum 5, sed minutorum 24, 12, tribus minutis primis dissidēs à præmissis calculo nostro fidissimo.

*Corollarium de construenda æquationum argumenti tabula.*

- 10 In hunc ergo modum æquationes singulorum argumentorum Lunæ gradatim distributorum, ab auge uera epicycli, usque ad illius oppositum, ueniunt supputandæ: quæ rursus ab ipso augis opposito, uersus eandem auge, præpostero ad commodandæ sunt ordine. Quoniã in punctis æquè distantibus ab auge uera epicycli, æquales coincidunt lineæ rectæ, à centro Mundi in centrum lunaris eductæ corporis: & æquales simul æquationes argumenti. Quod sic demonstratur. Sit rursus figura priori similis, demptis  $l o$ , &  $l p$ , sinibus rectis: in qua punctum  $n$ , tantum distat ab auge uera  $h$ , quantum distat ipsum punctum  $l$ : & producat  $d n o$ , linea recta, connectanturq;  $f l$ , &  $f n$ , semidiametri ipsius epicycli. Cùm igitur arcus  $h l$ , sit æqualis arcui  $h n$ , per hypothesein, æqualis erit reliquus



dē porrò argumentorū æquationes, quę in ipsius augis opposi-  
to cōtingunt, sunt omnium maximæ: nempe in maxima centri  
epicycli, ad idem Mundi centrum accessione prouenientes.

- 2 Supputandæ sunt igitur singulæ eorundem argumentorum æquationes, centro epicycli Lunæ in auge eccentrici cōstituto: deinde singulæ eorūdem argumentorum æquationes, eodem epicycli centro, in augis opposito existente, per antecedentem canonem sextum: atque minores à maioribus sigillatim auferendæ, ut ipsæ diametri diuersitates relinquuntur. In tabulis autem astronomicis eæ tantum scribuntur æquationes argumentorum, quæ sunt omnium minimæ: & è recta illarum regione ipsæ diametri diuersitates, pro singulorum argumentorum & æquationum respondentia distributæ. Harum enim diuersitatum, seu differentiarum adminiculo, & ipsorum minorum proportionalium officio, singulorum argumentorum æquationes, ad datum quemuis alium epicycli situm accidentes proportionantur: quemadmodum in planetarum theoricæ, & tabularum exprimitur canonibus. Huius porrò canonis, cū sola opus sit numerorum subtractio-  
ne, nullo exemplari uideris indigere calculo.

## CANON IX.

**L**atitudinem ipsius Lunæ, dato illius argumen-  
to uero, tandem numerare.

- 1 Supputantur ipsius Lunæ latitudines eodem prorsus artificio, quo & ipsius Solis declinationes. Quemadmodū enim semidiameter, totiūs uel quadrantis sinus rectus, ad sinum rectum maximæ declinationis eam habet rationem, quam sinus rectus dati arcus circuli quadrante minoris, ad sinum rectum suę declinationis: haud dissimiliter, idem semidiameter ad sinum rectum maximæ latitudinis Lunæ (quæ est 5 graduum) eadem uidetur obtinere rationem, quam sinus rectus arcus dati, quadrante itidem minoris, ad sinum rectum latitudinis puncti, datum arcum terminantis.
- 2 Insuper quemadmodū declinationes Solis per unicū circuli quadrantē supputatæ, cæteris Eclipticę quadrantibus, nunc recto, nūc præpostero distribuuntur ordine: sic & ipsius Lunę  
latitu-

latitudines, à capite Draconis in punctū maximæ latitudinis supputate, ceteris tribus accommodantur quadrantibus. Si huius calculi desideras exemplum, confugito ad secundum canonē ipsius libri primi, ubi Solis docuimus supputare declinationes, supposita illius declinatione maxima: in cuius locum, maximam subrogabis ipsius Lunæ latitudinem.

CANON X.

**Q**Væ de mediis motibus & argumentis quinque planetarum illorūque radicibus uidentur esse necessaria, subiungere.

**A**bsolutis quæ ad duorum luminarium, Solis inquam & Lunæ, uidentur spectare calculum: ad quinque planetas, Saturnum uidelicet, Iouem, Martem, Venerem, & Mercurium, sermonem nostrum cōuertamus oportet. Exponenda sunt igitur in primis, quæ de mediis ipsorum quinque planetarum motibus, & argumentis, atque illorū radicibus, dignoscēda uidentur: sine quibus uidelicet, tabulæ mediorum motuum, & argumentorum supputari non possunt. Vt igitur rem ipsam paucis comprehendamus, tam medij eorundem planetarū motus, quàm argumenta media, in uno anno cōmuni, & die uno naturali, atque in una æquali hora, necnon & illorū radices, ad Christi grā, & annos 1500, & 1550, ad meridianū Parisiēsem relata: se habēt, ut in subscripta tabella cōtinetur.

|      |       | Medius motus.                     |      |     |    |    |    |    |    |    | Medium argumentum. |      |     |    |    |    |    |    |    |
|------|-------|-----------------------------------|------|-----|----|----|----|----|----|----|--------------------|------|-----|----|----|----|----|----|----|
|      |       | Sig.                              | gra. | mi. | 2  | 3  | 4  | 5  | 6  | 7  | Sig.               | gra. | mi. | 2  | 3  | 4  | 5  | 6  | 7  |
| ♃ in | anno. | 0                                 | 12   | 13  | 34 | 42 | 30 | 27 | 45 | 0  | 11                 | 17   | 32  | 4  | 39 | 31 | 32 | 0  | 0  |
|      | die.  | 0                                 | 0    | 2   | 0  | 35 | 17 | 40 | 21 | 0  | 0                  | 0    | 57  | 7  | 44 | 19 | 38 | 52 | 56 |
|      | hora. | 0                                 | 0    | 0   | 5  | 1  | 28 | 14 | 10 | 52 | 0                  | 0    | 2   | 22 | 49 | 20 | 49 | 7  | 12 |
| ♄ in | anno. | 1                                 | 0    | 20  | 28 | 59 | 59 | 59 | 59 | 10 | 0                  | 29   | 25  | 10 | 22 | 1  | 59 | 46 | 47 |
|      | die.  | 0                                 | 0    | 4   | 59 | 15 | 27 | 7  | 25 | 50 | 0                  | 0    | 54  | 9  | 4  | 10 | 11 | 50 | 6  |
|      | hora. | 0                                 | 0    | 0   | 12 | 28 | 8  | 37 | 48 | 29 | 0                  | 0    | 2   | 15 | 22 | 40 | 25 | 29 | 35 |
| ♅ in | anno. | 6                                 | 11   | 17  | 5  | 13 | 50 | 25 | 0  | 0  | 5                  | 18   | 28  | 34 | 8  | 11 | 35 | 10 | 0  |
|      | die.  | 0                                 | 0    | 31  | 26 | 38 | 40 | 5  | 0  | 0  | 0                  | 0    | 27  | 41 | 40 | 57 | 14 | 14 | 0  |
|      | hora. | 0                                 | 0    | 1   | 18 | 36 | 36 | 40 | 12 | 0  | 0                  | 0    | 1   | 9  | 14 | 12 | 23 | 5  | 0  |
| ♆ in | anno. | <i>Idem cum medio motu Solis.</i> |      |     |    |    |    |    |    |    | 7                  | 15   | 1   | 41 | 40 | 57 | 3  | 35 | 0  |
|      | die.  | <i>Idem cum medio motu Solis.</i> |      |     |    |    |    |    |    |    | 0                  | 0    | 36  | 59 | 27 | 23 | 59 | 31 | 0  |
|      | hora. | <i>Idem cum medio motu Solis.</i> |      |     |    |    |    |    |    |    | 0                  | 0    | 1   | 32 | 28 | 38 | 29 | 58 | 47 |
| ♁ in | anno. | <i>Idem cum medio motu Solis.</i> |      |     |    |    |    |    |    |    | 1                  | 23   | 56  | 46 | 54 | 38 | 36 | 20 | 0  |
|      | die.  | <i>Idem cum medio motu Solis.</i> |      |     |    |    |    |    |    |    | 0                  | 3    | 6   | 24 | 7  | 42 | 40 | 52 | 0  |
|      | hora. | <i>Idem cum medio motu Solis.</i> |      |     |    |    |    |    |    |    | 0                  | 0    | 7   | 46 | 0  | 19 | 16 | 42 | 0  |

O ij

# LIBRI II,

|   |          | Radices                   |      |     |    |    |    |    |    |    |                         |      |     |    |    |    |    |    |    |    |
|---|----------|---------------------------|------|-----|----|----|----|----|----|----|-------------------------|------|-----|----|----|----|----|----|----|----|
|   |          | <i>Medij motus.</i>       |      |     |    |    |    |    |    |    | <i>Medij argumenti.</i> |      |     |    |    |    |    |    |    |    |
|   |          | Sig.                      | gra. | mi. | 2  | 3  | 4  | 5  | 6  | 7  | Sig.                    | gra. | mi. | 2  | 3  | 4  | 5  | 6  | 7  |    |
| ♃ | Christi. | 2                         | 14   | 5   | 16 | 10 | 49 | 24 | 39 | 0  |                         | 6    | 24  | 13 | 46 | 2  | 49 | 39 | 32 | 0  |
|   | 1500.    | 2                         | 6    | 6   | 39 | 28 | 0  | 56 | 15 | 0  |                         | 7    | 13  | 13 | 36 | 16 | 57 | 56 | 52 | 0  |
|   | 1550.    | 10                        | 17   | 49  | 41 | 56 | 56 | 7  | 57 | 0  |                         | 11   | 1   | 23 | 2  | 2  | 10 | 24 | 0  | 0  |
| ♄ | Christi. | 6                         | 0    | 37  | 10 | 45 | 0  | 0  | 0  | 0  |                         | 3    | 7   | 41 | 51 | 28 | 49 | 39 | 12 | 0  |
|   | 1500.    | 0                         | 3    | 52  | 32 | 19 | 30 | 46 | 52 | 30 |                         | 9    | 15  | 27 | 43 | 22 | 28 | 12 | 13 | 0  |
|   | 1550.    | 2                         | 21   | 56  | 33 | 24 | 56 | 14 | 44 | 50 |                         | 6    | 27  | 16 | 10 | 34 | 10 | 23 | 13 | 24 |
| ♅ | Christi. | 1                         | 11   | 24  | 26 | 50 | 0  | 0  | 0  | 0  |                         | 7    | 26  | 54 | 35 | 24 | 6  | 59 | 32 | 0  |
|   | 1500.    | 8                         | 5    | 6   | 44 | 30 | 56 | 15 | 0  | 0  |                         | 1    | 14  | 13 | 31 | 11 | 3  | 24 | 38 | 0  |
|   | 1550.    | 3                         | 5    | 38  | 25 | 46 | 58 | 5  | 0  | 0  |                         | 6    | 13  | 34 | 18 | 12 | 9  | 33 | 46 | 0  |
| ♆ | Christi. | <i>Aedem cum ♃ Solis.</i> |      |     |    |    |    |    |    |    |                         | 4    | 9   | 20 | 48 | 58 | 0  | 0  | 0  | 0  |
|   | 1500.    | <i>Aedem cum ♃ Solis.</i> |      |     |    |    |    |    |    |    |                         | 7    | 12  | 54 | 28 | 59 | 26 | 33 | 45 | 0  |
|   | 1550.    | <i>Aedem cum ♃ Solis.</i> |      |     |    |    |    |    |    |    |                         | 8    | 21  | 43 | 6  | 35 | 47 | 27 | 7  | 0  |
| ♁ | Christi. | <i>Aedem cum ♄ Solis.</i> |      |     |    |    |    |    |    |    |                         | 1    | 15  | 17 | 41 | 12 | 44 | 34 | 38 | 0  |
|   | 1500.    | <i>Aedem cum ♄ Solis.</i> |      |     |    |    |    |    |    |    |                         | 1    | 19  | 51 | 15 | 28 | 53 | 45 | 0  | 0  |
|   | 1550.    | <i>Aedem cum ♄ Solis.</i> |      |     |    |    |    |    |    |    |                         | 7    | 23  | 27 | 10 | 33 | 36 | 12 | 4  | 0  |

2 Ex his itaque mediis motibus & argumentis annuis, diurnis, & horariis, per continuam illorum additionem, componuntur tabulae mediorum motuum, & argumentorum eorundem quinque planetarum: quemadmodum de Sole & Luna, primo atque tertio canone declaratum extitit. Quavis autem argumentum medium Saturni, Iouis, & Martis, per mediam elongationem illorum à Sole colligi uel facile possit, subducendo uidelicet medium motum cuiuslibet horum trium planetarum, à medio motu ipsius Solis: præstabit nihilominus, tabulas mediorum argumentorum eorundem trium superiorum planetarum seorsum supputare. Ex ipsis præterea radicibus, nouas poteris colligere radices, tam ad præterita, quàm futura tempora, per debitam annorum additionem, uel subtractionem: illasque ad alium quemuis meridianum, solito more reuocare.

## CANON XI.

**Q**uanta sit æquatio centri eorundem quinque planetarum, in uniuersum definire.

1 Aequatio centri in tribus superioribus planetis, Venere, & Mercurio, est duplex, altera quidem in Zodiaco, altera uerò in epicyclo: quæ quidem



dem cētri æquationes, cum suis circulis sint proportionales: sufficit alteram illarum supputare, utpote, eam quæ est in Zodiaco, & eandem ipsi coaptare epicyclo. Per alterã enim, colligitur centrum uerum planetæ, atque uerus motus epicycli: per reliquam autem, argumentum medium in uerum argumentum reuocatur. Quemadmodum ex illorum theoricis fit manifestum.

2 Supputantur autem æquationes centri eorundem quinque planetarum, non aliter, quàm ipsius Solis æquationes, accipiendo centrum epicycli planetæ, loco centri corporis solaris, & centrum medium planetæ, loco argumenti ipsius Solis: prodibit enim æquatio centri planetæ in ipso Zodiaco, quemadmodum & ipsius Solis æquatio. Cùm in his omnibus quinque planetis, centrum æquantis circuli, sit supra centrum Mundi, uersus augem eccentrici: ueluti centrum deferentis ipsius Solis, qui illius supplet æquantẽ. Sola igitur prædictarum æquationũ centri diuersitas, ab ipsa centrorum distantia, uel eccentricitate diuersa pendeat. De eccentricitatibus hic uelim intelligas, non ipsius deferentis epicyclum, sed ipsius æquantis circuli: quoniam linea medij motus horum quinque planetarum, quæ ex ipso Mundi centro producitur, parallela est ei, quæ ex centro æquãtis in centrum cadit epicycli: sicuti linea medij motus Solis ei parallela dicitur esse, quæ ex centro deferentis, qui (ut supra dictũ est) Solis æquans appellatur, in centrum corporis solaris educitur. Sunt autem eccentricitates horum quinque planetarum, iuxta Ptolemæum, ut in subscripta tabella cõtinetur: idque in partibus, qualium semidiameter eccentrici est 60.

|                          | part. | mi. |                  | part. | mi. |   |
|--------------------------|-------|-----|------------------|-------|-----|---|
|                          | 3     | 25  |                  | 6     | 50  | h |
| Eccentricitas deferentis | 2     | 45  | Eccentricitas æ- | 5     | 30  | ♃ |
| epicyclum.               | 6     | 0   | quantis.         | 12    | 0   | ♂ |
|                          | 1     | 15  |                  | 2     | 30  | ♀ |
|                          | 9     | 0   |                  | 3     | 0   | ♄ |

3 Sed meminisse oportet, quadratas radices, quas in supputatione prædictarum æquationũ occurrere uidebis, quæ ui-

O iij



per 29 primi elementorum. Aequales anguli in circulis æqualibus, sub æqualibus deducuntur circumferentiis, per 26 tertij eorundem elementorum: & in circulis inæqualibus, sub circumferentiis suis circulis proportionalibus. Tanta est igitur æquatio centri  $b c$ , in Zodiaco  $a b c$ , ad ipsum relata Zodiacum: quanta est eadem centri æquatio  $k l$ , in epicyclo  $k l m$ , toti epicyclo comparata. Proportionales igitur, atque similes sunt, eadē centri æquationes: & proinde altera supputata, habetur & reliqua, ut in canonibus tabularum exprimitur.

## CANON XII.

**Q**ua ratione supputandæ sint æquationes argumenti eorundem quinque planetarū, paucis docere.

- 1 Supputantur autem æquationes argumenti trium superiorum planetarum, Saturni inquam, Iouis, Martis, atque Veneris, & Mercurij, non aliter, quàm æquationes argumentorum ipsius Lunæ: cū utraque linea tā veri motus epicycli, quàm veri motus planetæ, è centro Mundi in his omnibus, ut in Luna progrediatur. Sola itaque differentia in primis erit, quoniam in his quinque planetis, epicyclus mouetur per partem superiorem iuxta signorū ordinem: Lunaris uerò epicyclus, in contrarium. Non aliter igitur supputandæ sunt æquationes argumentorum partis orientalis epicycli in his quinque planetis, quàm in parte occidua lunaris epicycli supputandas esse docuimus: sūntque supputationum demonstrationes prorsus eadē, immutata solummodò argumentorum, seu motus epicycli positione.
- 2 Si quæ autem in præfatis æquationibus argumentorum eorundem quinque planetarum uideatur accidere diuersitas, capendebit ex diuersa epicyclorum magnitudine: quam semidiametrorum magnitudinem, ne aliquid hoc loco desideretur, quod studiosum remorari possit auditorē, subscripta perstrinximus tabella, in partibus quidem, qualium semidiameter eccentrici uniuscuiusque horū quinque planetarū est 60.

## LIBRI II,

Hic autem nullo opus esse reor neque demonstrationis, neque supputationis exemplo: ni uoluerimus ea, quæ de æquationibus argumentorum ipsius Lunæ, antecedenti canone sexto præostensa, atque numerorum examine confirmata sunt, citra necessitatem iterare.

| <i>Semidiameter epicycli iuxta.</i> |            |          |                    |              |            |          |
|-------------------------------------|------------|----------|--------------------|--------------|------------|----------|
| <i>Ptolemæum.</i>                   |            |          | <i>Albategnum.</i> |              |            |          |
| <i>part.</i>                        | <i>mi.</i> | <i>z</i> |                    | <i>part.</i> | <i>mi.</i> | <i>z</i> |
| 6                                   | 30         | 0        | <i>Saturni.</i>    | 6            | 29         | 1        |
| 11                                  | 30         | 0        | <i>Iouis.</i>      | 11           | 30         | 5        |
| 39                                  | 30         | 0        | <i>Martis.</i>     | 39           | 25         | 22       |
| 43                                  | 10         | 0        | <i>Veneris.</i>    | 43           | 9          | 5        |
| 22                                  | 30         | 0        | <i>Mercurij.</i>   | 22           | 30         | 30       |

### CANON XIII.

**D**E minutis proportionalibus, atque diuersitatibus diametri prædictorum quinque planetarum, documentum tradere generale.

- 1 In his quinque planetis, minuta proportionalia non aliter supputantur, quàm de lunaribus quinto canone præcedenti dictum est: per lineam scilicet, è Mundi centro in cætrum epicycli gradatim occurrentem. Hoc in primis excepto, quòd in Saturno, Ioue, Marte, & Venere, duplex ordo minorum proportionalium colligitur: ab auge scilicet eccentrici, usque ad mediam ipsius eccentrici longitudinem, quæ longiora minuta dicuntur: & rursus ab ipsa media longitudine, usque ad augis oppositum, quæ propiora minuta uocantur. Per excessum itaque longitudinis longioris, siue lineæ augis, super eam rectam, quæ ex Mundi centro, in mediam eccentrici protrahitur longitudinem, longiora minuta proportionalia colliguntur: Et per excessum eiusdem lineæ, super longitudinem breuiorem, ipsa breuiora minuta proportionantur.
- 2 In Mercurio porrò, quoniam longitudo breuior non extenditur in augis oppositum, sed ad distantiã quatuor signorum ab æquantis auge: & mediocris appropinquatio per 2 signa, 4 gradus, & 30 minuta ab eadem auge æquantis: Longiora minuta proportionalia, colliguntur per excessum longioris longitudinis super rectam, quæ ducitur ex Mundi centro in cætrum epicycli, dum ipsum distat duobus signis, 4 gradibus,

bus, & 30 minutis ab auge ipsius æquantis. Et per excessum huius lineæ super breuiorem longitudinem, quæ cadit in centrū epicycli, dum ipsum distat 4 signis ab ipsius æquantis auge, primus ordo minutorum propiorum colligitur: reliquus autem ordo, per excessum eius lineæ rectæ quæ cadit in oppositum auge æquantis, super ipsam breuiorem longitudinem proportionatur. Propiora itaq; minuta proportionalia, quàm duplici ratione uideantur esse collecta: unius tamen atque eiusdē sunt officij, ut in canonibus tabularū exprimitur.

3 **DIVERSITATES QVOQVE DIAMETRI** eorundem quinque planetarum eodem modo colliguntur, ut de lunaribus septimo canone prædictū est: sequuntur tamē ipsorum minutorum proportionalium diuersitatem. In tribus itaque superioribus, & Venere, æquationes argumentorū ter supputandæ sunt: utpote, in auge, media longitudine, & ipsius auge opposito. Quæ autem in media longitudine contingunt æquationes, in ipsis scribuntur tabulis: cæteræ uerò, quæ uidelicet accidunt in auge, ac illius opposito, hoc est, in ipsius diametri eccentrici limitibus, pro colligendis diametri diuersitatibus solummodo uidentur esse necessaria: Subductis itaque singulis æquationibus argumentorum, quæ fiunt in auge, à suis relatiuis quæ in media contingunt longitudine: ipsarum æquationum differentia, diuersitates diametri longiores appellatur. Per eas siquidem, adminiculo minutorum proportionalium longiorum, iustificantur æquationes singulorum argumentorum ab altera mediarum longitudinum, per longitudinem longiorem, usque ad sequentem longitudinem mediam. Et si æquationes eorundem argumentorum, quæ fiunt in ipsa media longitudine, tollantur sigillatim ab illis quæ contingunt in opposito auge: relinquentur diametri diuersitates propiores. Per quas, officio minutorum proportionalium propiorum, æquationes argumentorū ab ipsa media longitudine, per longitudinem breuiorē, usque in sequentem longitudinem mediā, pro dato epicycli situ iustificantur.

4 In Mercurio autem, eadem æquationes argumentorum quater supputandæ sunt: in auge scilicet eccentrici, media ac-

cessione, appropinquatione maxima, & in augis opposito. Excessus autem mediocrium super longiores, sunt penderer longiores diametri diuersitates: & per excessus earum, quæ tam in mediocri accessione epicycli, quàm eo existente in opposito augis, diuersitates diametri propiores colliguntur. Quæ tametsi duplicem ordinem obseruent, usu & officio differre nullo modo uidentur.

## CANON XIII.


Stationem primam quinque planetarum, ad omnem situm epicycli numerare.

I Quidnam sit statio prima, uel secunda, arcus in super directionis atque retrogradationis: ex ipsa planetarum theoricis, supponimus esse notum. Operæpretium est igitur hoc loco demonstrare, qua ratione statio prima supputetur: idque in primis, centro epicycli in auge sui deferentis, & eius opposito, atque media longitudine constituto: deinde ad omnem aliam ipsius epicycli positionem. Prima namque statione supputata, statio secunda, atque directionis & retrogradationis arcus, uel facile colligetur. Sit igitur eccentricus circulus, planetæ deferens epicyclum  $abc$ , Mundi cætrum  $d$ , epicyclus uero  $efg$ , cuius centrum  $a$ , in auge (uerbi gratia) ipsius eccentrici collocatum. Et producta linea recta  $d fh$ , & chorda  $fh$ , bifariam diuisa in puncto  $l$ : connectantur  $al$ , &  $af$ , lineæ rectæ. Sit autem ut medius motus planetæ secundum longitudinem, ad medium illius argumentum, sic recta  $lf$  (quæ est dimidium ipsius  $hf$ ) ad reliquam extrinsecus sumptam  $fd$ . Incipit enim retrogradatio in eo epicycli puncto, in quo existente planeta, linea ueri motus illius sic secat epicyclum, ut dimidia chorda ab eodem epicyclo comprehensa, ad exteriorem eiusdem lineæ partem, eandem rationem habeat, quàm ipsius epicycli uelocitas in eccentrico, ad stellæ uelocitatem in epicyclo: ut tum à Ptolemæo, tum à Gebero illius interprete fidissimo, demonstratur. Nisi præterea femidiameter epicycli, ad extrinsecus sumptam maiorem rationem habeat, quàm uelocitas epicycli ad uelocitatem

tatem

tatē planetę, ipse planeta retrogradationem nō patitur: quē admodum ipsi Lunę cōtigisse uidetur, cuius epicyclus circa Mundi centrum regulariter moueri supponitur, & pari propemodum uelocitate cum Lunari corpore circa ipsius epicycli cētrum reuoluto.

2 Quærēdus est itaque arcus  $f e$ , qui est dimidium retrogradationis: quo dēpto ex ipso  $e f g$  semicirculo, relinquetur arcus stationis primę  $g h f$ . Cū igitur ratio  $l f$ , ad  $f d$ , nota supponatur, nempe quę mediij motus planetę secundum longitudinem, ad medium illius argumentū in epicyclo: nota erit consequenter ratio  $h d$ , ad ipsam  $d f$ . Rectangulum præterea sub  $h d$ , in  $d f$  comprehensum, itidem notum, nempe æquale ei, quod sub  $g d$ , in  $d e$ , rectangulo cōtinetur: utrunque enim æquum est ei, quod à tangente fit quadrato, per tertij elementorum penultimam. Hinc nota erit ipsarum  $l f$ , &  $f d$ , atque  $d h$  quantitas, in partibus uidelicet, qualium datus erit semidiameter eccentrici, uel epicycli: utpote, diuidendo contentū sub  $a d$ , in  $d e$ , rectangulum, per illud quod sub  $h d$ , in  $d f$ , continetur, & quoti numeri quadratā accipiendo radicem. Nam si utraque  $l f$ , &  $f d$ , per ipsam radicē multiplicetur: utraque ad præmissam rationem partium reuocabitur. Et quoniam nota est augis linea  $d a$ , atque semidiameter epicycli  $a f$ : erunt  $l f$ , atque  $l d$  latera, in iis partibus nota, qualium utraque  $d a$ , &  $a f$ , est 120. Et proinde anguli  $l a d$ , &  $l a f$ , noti, necnon & anguli  $f a d$ , atque  $a d f$ , noti: in iis quidē partibus, qualiū tota circumscripti circuli peripheria est 360, per ea quę tum ab aliis, tum à nobis de triangulorum conscripta sunt lateribus. Notus erit igitur arcus  $f e$ , subtendens angulum  $f a d$ , seu  $f a e$ , qui



LIBRI II,

dimidium est ipsius retrogradationis. Subducto autem arcu  $f e$ , ex dimidia epicycli circumferentia  $e f g$ : relinquitur statio prima  $g h f$ , centro epicycli in auge ipsius eccentrici constituto. Nec alienum uelim habeas iudicium, ubi eiusdem epicycli centrum, in ipsius auge opposito, uel in media longitudine, fuerit collocatum. Rectæ autem lineæ, quæ in hæc tria eccentrici puncta coincidunt, unà cum rationibus ipsius  $l f$ , ad reliquam  $f d$ , hoc est, uelocitatis epicycli in eccentrico, ad uelocitatem planetæ in ipso epicyclo: subscripta perstringuntur formula.

| Planeta. | Recta, $d a$ .      |     |                       |     |                   |     | Recta, $d g$ .      |     |                       |     |                   |     | Recta, $d e$ .      |     |                       |     |                   |     |
|----------|---------------------|-----|-----------------------|-----|-------------------|-----|---------------------|-----|-----------------------|-----|-------------------|-----|---------------------|-----|-----------------------|-----|-------------------|-----|
|          | In auge eccentrici. |     | In media longitudine. |     | In auge opposito. |     | In auge eccentrici. |     | In media longitudine. |     | In auge opposito. |     | In auge eccentrici. |     | In media longitudine. |     | In auge opposito. |     |
|          | part.               | mi. | part.                 | mi. | part.             | mi. | part.               | mi. | part.                 | mi. | part.             | mi. | part.               | mi. | part.                 | mi. | part.             | mi. |
| ♄        | 63                  | 25  | 60                    | 6   | 56                | 35  | 69                  | 55  | 66                    | 36  | 63                | 5   | 56                  | 55  | 53                    | 36  | 50                | 5   |
| ♃        | 62                  | 45  | 60                    | 4   | 57                | 15  | 74                  | 15  | 71                    | 34  | 68                | 45  | 51                  | 15  | 48                    | 34  | 45                | 45  |
| ♂        | 63                  | 0   | 60                    | 17  | 54                | 0   | 102                 | 30  | 99                    | 47  | 93                | 30  | 23                  | 30  | 20                    | 47  | 14                | 30  |
| ♀        | 61                  | 15  | 60                    | 1   | 58                | 45  | 104                 | 25  | 103                   | 11  | 101               | 55  | 18                  | 5   | 16                    | 56  | 15                | 35  |
| ♁        | 68                  | 30  | 60                    | 0   | 55                | 42  | 91                  | 6   | 82                    | 30  | 78                | 12  | 46                  | 6   | 37                    | 30  | 33                | 12  |

| Planeta. | Velocitas epicycli, $l f$ . |     |                       |       |                   |   | Velocitas planetæ, $f d$ . |     |                       |       |                   |    |       |     |    |    |    |    |
|----------|-----------------------------|-----|-----------------------|-------|-------------------|---|----------------------------|-----|-----------------------|-------|-------------------|----|-------|-----|----|----|----|----|
|          | In auge eccentrici.         |     | In media longitudine. |       | In auge opposito. |   | In auge eccentrici.        |     | In media longitudine. |       | In auge opposito. |    |       |     |    |    |    |    |
|          | part.                       | mi. | ̄                     | part. | mi.               | ̄ | part.                      | mi. | ̄                     | part. | mi.               | ̄  | part. | mi. | ̄  |    |    |    |
| ♄        | 0                           | 53  | 30                    | 1     | 0                 | 0 | 1                          | 7   | 20                    | 28    | 32                | 16 | 28    | 25  | 46 | 28 | 18 | 26 |
| ♃        | 0                           | 54  | 50                    | 1     | 0                 | 0 | 1                          | 5   | 40                    | 10    | 56                | 39 | 10    | 51  | 29 | 10 | 45 | 49 |
| ♂        | 0                           | 49  | 40                    | 1     | 0                 | 0 | 1                          | 12  | 40                    | 1     | 3                 | 11 | 0     | 52  | 51 | 0  | 40 | 11 |
| ♀        | 0                           | 57  | 40                    | 1     | 0                 | 0 | 1                          | 2   | 20                    | 0     | 39                | 51 | 0     | 37  | 31 | 0  | 35 | 11 |
| ♁        | 0                           | 57  | 40                    | 1     | 0                 | 0 | 1                          | 1   | 30                    | 3     | 11                | 28 | 3     | 9   | 8  | 3  | 7  | 8  |

3 Faciamus, in maiorem supradictorum expressionem, periculum numerale de prima statione Saturni, centro epicycli in auge sui deferentis constituto. In primis itaque, reducendæ sunt  $l f$ , &  $f d$ , lineæ rectæ ad eas partes, qualium semidiameter eccentrici est 60, uel semidiameter epicycli 6, & minorum 30: in hūc uidelicet modum. Ducantur partes 69, & minuta 55, ipsius  $d g$ , in partes 56, & minuta 55, ipsius  $d e$ : fient partes 3979, & minuta 25, 25. Multiplicentur quoque



30 partes, & minuta 19, 16, ipsius  $h d$ , per 28, partes, & minuta 32, 16, ipsius  $d f$ : prodibunt partes 865, & minuta 17, 49, 40. Resultat autem  $h d$ , ex  $l f$  duplata, & ipsa  $f d$ : ut semel dictū sit. Diuidantur postmodum 3979 partes, & minuta 25, 25, per partes 865, & minuta 17, 49, 40: fiet partes 4, & minuta 35, 56, 4, 33: quorum radix quadrata, habet partes 2, & minuta 8, 40, 13, 30. Hanc itaque radicem multiplicabis per minuta 53, 30, ipsius  $l f$ , cōsurget pars 1, & minuta 54, 43, 52: tanta est ipsa  $l f$ , ad eas reducta partes, qualium  $a f$ , est 6, & minorū 30. Ducatur similiter eadē radix, in partes 28, & minuta 19, 16, ipsius  $f d$ , fient partes 61, & minuta 11, 58, 4: tanta est igitur ipsa  $f d$ , ad suprascriptas partes reuocata. Hoc autem in hunc modum confirmatur. Nam si tota  $h d$ , quæ erit similium partium 65, & minorum 1, 25, 48, ducatur in partes 61, & minuta 11, 58, 4, ipsius  $d f$ : procreabūtur partes 3979, & minuta 25, 25: quantum uidelicet fit ex ductu, ipsius  $g d$ , in rectam  $d e$ , quod per allegatam penultimam tertij elementorum, uidetur esse necessarium. Et proinde recta  $l d$ , erit partium 63, & minorū 6, 48, 56: ea enim resultat ex ipsis  $l f$ , &  $f d$ , simul compositis. Qualium deinde partium recta  $a f$ , quæ subtendit angulum rectum qui ad punctum  $l$ , est 120: talium recta  $l f$ , offendetur esse 35, & minorum 18, 7. Haud dissimiliter qualium partium recta  $d a$ , subtendēs eundem angulum rectum qui ad  $l$ , est 120: talium ipsa  $d l$ , erit 119, & minorū 25, 22, 11. Id enim, per uulgatā 4 proportionaliū regulam, haud difficilè colligitur. Per ea igitur, quæ de rectis in circulo subtēsis conscripsimus, recta  $l f$ , subtendit gradus 34, & minuta 13, 1: recta porrò  $l d$ , gradus 168, & minuta 45, 24, qualium graduū (uelim intelligas) circumscripti circuli peripheria est 360. Et quoniam magnitudo anguli qui ad circumferētiam, dupla est illius qui ad centrum (nam rectus angulus qui ad circumferentiam, dimidium eiusdem circumferentiæ subtendit ambitum: rectus porrò qui ad centrum, quartam illius partem) erit propterea angulus  $l a f$ , graduū 17, & minorum 6, 30: angulus  $l a d$ , graduum 47, & minorum 22, 42, qualiū (ut suprā dictum est) graduum, tota circumscripti circuli peripheria est 360. Et

## LIBRI II,

proinde angulus  $fae$ , seu  $fad$ , dimidiam subtendens retrogradationem, scilicet arcum  $fe$ , erit graduum 67, & minutorum 16, 12: quibus detractis ex 180 gradibus ipsius  $efhg$  semicirculi, relinquetur primæ stationis arcus  $ghf$ , graduum quidem 112, & minutorum 43, 48: quantus uidelicet positus est idem primæ stationis arcus in tabulis astronomicis, quas resolutas appellant, nempe signorum communium 3, & graduum 22, unà cum primis minutis 44, susceptis 48 secundis pro uno minuto primo.

4 RELIQUVM EST OSTENDERE CONSEQUENTER, qua ratione, supputata statione prima, epicycli centro in præfatis tribus eccentrici locis, hoc est, in maxima, mediocri, atque minima illius à centro Mundi remotione cõstituto, eadem statio prima, ad datum quemuis alium epicycli situm eliciatur. Id autẽ absolueri licebit, uia regulæ quatuor proportionalium numerorum, ad imitationem uidelicet ipsius Ptolemæi, qui tametsi exactum neglexerit harum stationum calculum (utpote, quem curiosum magis ac labore plenum, quàm utilem fore præuiderat) satis tamen commodam, & ab omnibus citra iacturam obseruandam supputandi rationẽ, nobis aperuisse uidetur. Quandiu igitur epicyclus uersabitur inter augem, atque mediam eccentrici lõgitudinem, subducenda erit linea recta quæ ex Mundi centro in pũctum mediæ longitudinis ducitur, ab ipsa linea augis: & illarum differentia, in primum subrogetur numerum. Secundus autem numerus proportionalis, sit differẽtia ipsius lineæ inter Mundi centrum & mediam longitudinem comprehensæ, & eius lineæ rectæ quæ ex eodem Mundi centro in centrum epicycli protrahitur. Differentia porrò eius primæ stationis quæ sub longiori contingit longitudine, super eam quæ in media longitudine causatur, numerus tertius proportionalis uocetetur. Postea numerus ipse tertius, per secundum multiplicetur, & productus inde numerus per primum diuidatur: nascetur enim pars proportionalis, ab ea quidem statione prima subducenda, quæ ad ipsam mediam longitudinem supputata est, ut eadem statio prima ad datũ epicycli situm reuocetur.

Haud

Haud dissimiliter operandum erit, ubi centrum epicycli inter ipsam mediam & propiorem uersabitur longitudinem. Nam differentia lineæ quæ in ipsam mediocrem longitudinem protrahitur, super longitudinem breuiorem, statuenda est pro primo numero. Differentia uerò inter eandem lineã, & eam quæ in centrum producitur epicycli, erit numerus secundus proportionalis. Tertius autem numerus erit differentia illius stationis primæ quæ contingit in opposito augis, super eã quæ in sæpius expressa mediocri longitudine causatur, ea enim in tertiũ numerũ subroganda est. Ducto enim tertio numero in secundum, & producto numero per primum distributo: fiet rursus pars proportionalis eidem stationi primæ, quæ in mediocri supputata est longitudine, superaddenda, ut cõsurgat statio prima pro dato epicycli situ proportionata. Fiunt enim stationum puncta tanto uiciniora opposito ueræ augis epicycli, quanto centrum ipsius epicycli propinquius fuerit opposito augis ipsius eccētrici: Hinc fit, ut ipsæ stationes primæ, ab auge, per mediam longitudinem, usque ad ipsius augis oppositum, proportionaliter augeri uideantur. Rectæ porrò lineæ inter centrum Mundi, & epicycli cētrum coincidentes: per ea quæ undecimo canone huius secundi libri, de equationum centri supputatione tradita sunt, fiunt manifestæ: has siquidem lineas rectas, seorsum fore reseruandas, eodem canone signãter admonuimus, utpote, quas in diuersarum supputationũ usum subrogandas esse præuidebamus.

## CANON XV.

**A** Equationem octauæ sphæræ, supposita illius communi theoricæ, fidissimo deprehendere calculo.


- i Per æquationem octauæ sphæræ, intelligendus est arcus Eclipticæ ipsiusmet octauæ sphæræ, inter duos semicirculos magnos è polis Eclipticæ nonæ prodeuntes comprehensus: quorum alter per centrum parui circuli, alter uerò per mobile caput Arietis eiusdem octauæ sphæræ ducitur: non autem

LIBRI II,

arcus Eclipticę nonę sphærę, qui præfatos intercipitur semicirculos, ut in uulgata planetarum diffinitum est theorica, & ab omnibus propemodum receptum esse uidetur. Quòd autem huiuscemodi æquatio, in ipsa Ecliptica octauę sphærę desumenda sit, fidem faciet ipsarum æquationum octauę sphærę supputatio: utpote, quę contentis in uulgata tabula æquationibus, admodum conuenire uidentur. Sit igitur Ecliptica nonę sphærę  $a b c$ , illiusque polus septentrionalis punctum  $d$ : & in ipsa ecliptica descriptus paruus circulus  $e f c$ , cuius centrum  $b$ . Ecliptica porrò ipsius octauę sphærę, sit  $a g f$ : & illius mobile caput Arietis, punctum  $f$ . Ex ipso autem polo  $d$ , prodeant maiorum semicirculorum segmenta  $d e b$ , &  $d f h$ . Erit itaque ipsius parui circuli supremum punctum  $e$ : & argumentum, seu medius octauę sphærę motus, arcus  $e f$ , æquatio uerò eiusdem octauę sphærę arcus  $f g$ , non autem  $b h$ .

2 Est enim præfatum argumentum, seu medius octauę sphærę motus  $e f$ , graduum 50, qualium ipsius parui circuli quadrans  $e f c$ , est 90. Cùm igitur per uulgatam planetarum theoricam, circulus  $d e b$ , transeat simul per polos Eclipticę octauę sphærę  $a g f$ : erunt anguli  $d g f$ , &  $d b h$ , recti, & utrunque segmentum  $a b$ , &  $a g$ , quadrans circuli. Idem præterea erit sinus rectus segmenti Eclipticę nonę sphærę  $b h c$ , qui & quadrantis  $e f c$ , ipsius parui circuli: Idem quoque sinus rectus dati argumenti  $e f$ , qui & segmenti  $f g$ , Eclipticę ipsius octauę sphærę. Se habet igitur semidiameter parui circuli, ad sinum rectum ipsius argumenti  $e f$ : sicut sinus rectus segmenti  $b h c$ , Eclipticę nonę sphærę, ad sinum rectum equationis  $f g$ . Atqui tres primi, ex sinuum rectorum tabula sunt manifesti: quartus igitur, utpote, sinus rectus equationis  $f g$ , per uulgatam quatuor proportionalium numerorum regulam innotescet. Supposito igitur semidiametro parui circuli partium 60, ut in nostris consueuimus uti supputationibus: sinus rectus argumenti  $e f$ , habebit partes 45, & minuta 57, 46: sinus uerò rectus segmenti  $b h c$ , (quem supponunt habere 9 gradus) erit partium 9, & minutorum 23, 10. Ex ductu autem 45, 57, 46, in 9, 23, 10, fiunt partes 7, 11, & minuta 24, 42: quę diuisa per 60, partes

partes ipsius primi numeri, uertuntur in partes 7, & minuta



11,25,ferè. Tãtus est igitur sinus rectus quæsitę equationis  $fg$ : cuius arcus offendetur habere grad<sup>o</sup> 6, & min. 52,58. Atqui totidẽ partium, atq; minorũ ex peritur esse, quæ in tabulis passim di-

uulgatis continetur æquatio, præfato 50 graduum respondēs argumento. Et quoniam manifestum est, arcum  $bh$ , maiorẽ esse arcu  $fg$ : non est igitur idem arcus  $bh$ , quæsitã æquatio ipsius octauæ sphæræ, sed præfatus arcus  $fg$ . Haud aliter periculum facere licebit, de cæterorum quorũcunq; argumentorum æquationibus. Hinc poterit ipsa æquationum octauę sphæræ tabula, quæ in minutis secundis sæpius peccare uideatur, recenti atque fido magis numerari calculo.

CANON XVI.

**Q**uantum distet uerum initium signorum octauæ sphæræ, ab ipso tabulari signorũ exordio, tandem supputare.


- I Hic supponimus Alphonsinam, & omnium sequẽtium positionem de motu octauæ sphæræ, ueram ac stabilem esse, donec meliorem obtinuerimus excogitationem. Neque in præsentiarum intendimus ipsam edocere theoricam, utpote, quæ passim diuulgata, & luculenter à quamplurimis tradita est: Sed ex ipsa fanè quàm intellecta motus octauæ orbis theorica, calculum Alphonsinum reuocare ad uernalẽ Ecli-

ptica octauæ sphaeræ cum æquatore sectionem: hoc est, ueros motus fixorum atque errantium syderum in Ecliptica nonæ sphaeræ supputatos, ad ueram octauæ orbis Eclipticam reducere: quātūm ue distet caput Arietis mobile, à fixo tabularum capite supputare.

2 Esto igitur in clariorem omnium quæ dicturi sumus intelligentiam, sequens exposita figura: In qua descriptus sit in primis circulus Aequator  $a b c$ , Ecliptica fixa  $b d$ , mobilis autem Ecliptica  $a f$ , initium Arietis fixi punctum  $b$ , mobilis autem, seu uera sectio uernalis, punctum  $a$ , paruus denique circulus  $e f$ , cuius centrum  $d$ , quod in longum Eclipticæ fixæ  $b d$ , paulatim circumfertur: ipsius autem octauæ sphaeræ mobile caput, eundem circumscribens circulum, sit  $f$ . Ad nostra itaque tempora, (ueluti medius motus ipsius octauæ sphaeræ demonstrat) sectio uernalis  $a$ , & respondens in Ecliptica fixa punctum  $l$ , præcedit initium Arietis fixum, siue tabularum signorum exordium, per arcum quidem  $l b$ : est enim medius motus, ipsius octauæ sphaeræ semicirculo minor. Ductis itaque magni circuli arcubus,  $k f c$  quidem à polo Aequatoris  $k$ , &  $g b, g a l, g e d, g f h$ , ex polo boreali Eclipticæ fixæ  $g$ : erit arcus  $c f$ , declinatio capitis  $f$ , ab Aequatore  $a b c$ , &  $f h$ , eiusdē capitis latitudo ab Ecliptica fixa  $b d$ .

3 His præmissis, inuestigandus est arcus  $a b$ , duorum præmemoratorum caputum differentia: in hunc qui sequitur modum. Supputetur in primis medius motus augium & stellarū fixarum  $b d$ , solito quidem more, absque radice: Deinde argumentum trepidationis octauæ sphaeræ  $e f$ , cum examinata radice, ad datum meridianum circulum. Cum hoc autem argumento octauæ sphaeræ, respondens inueniatur æquatio, scilicet  $f m$ : quam adde medio motui  $b d$ , si argumentum  $e f$ , fuerit semicirculo minus: uel eandem æquationē ab eodem medio motu subtrahere, cum idem argumentum dimidium superauerit circulum. Consurget enim, aut relinquetur uerus motus capitis mobilis  $f$ , ad Eclipticam fixam  $b d$  relatus, factō quidem ab ipso puncto  $b$ , initium Arietis tabularum seu primi mobilis indicante, supputationis initio.

Quibus



4 Quibus in hunc modum absolutis, inuestigetur latitudo  $h f$ , ipsius uidelicet capitis mobilis  $f$ , ab Ecliptica fixa  $b d h$ : idque per propriam æquationis octauæ sphæræ tabulam, aut præcedentem quindecimum canonem, hoc qui sequitur modo. Si argumentum  $e f$ , quadrantẽ non exuperauerit: sumendum est eiusdem argumenti complementum  $f n$ , pro desideratæ latitudinis argumento. At si præfatũ argumentum quadrantem superauerit, sed fuerit semicirculo minus: subducto quadrante, residuum pro argumento latitudinis tenendum erit. Porro si præfatum argumentum octauæ sphæræ semicir-

## LIBRI II, CANON XVI.

culum excedat, & tribus quadrantibus minus existat: subducatur semicirculus, & complementum residui pro ipso latitudinis argumento referuetur. Quòd si idem argumentum tres superauerit quadrantes, sed non compleuerit circulum: subductis eisdem tribus quadrantibus, residuum optatę latitudinis argumentum uocitetur. Cum hoc itaque latitudinis argumento, intretur tabula equationum octauę spherę, & eidem argumento respondens accipiatur equatio, per proximúm ue canonē recens supputetur: nam ipsa equatio, erit proposita capitis mobilis octauę spherę latitudo, cuiusmodi est arcus *h f*.

5 Cognitis autem arcibus *b h*, & *h f*, inuenienda erit declinatio *c f*, eiusdem mobilis capitis *f*, ab ipso quidem Aequatore, *a b c*: per doctrinam uidelicet secúdi problematis in tabulas directionũ, accipiendo caput ipsum mobile *f*, loco stelle: cùm idem sit iudicium de stellis, & datis quibusuis punctis in cęlo designatis.

6 Tandem inuēta declinatione *c f*, scietur arcus *f a*, hoc est, distantia mobilis capitis *f*, ab ipsa uernali sectione, secúdm longitudinem Eclipticę mobilis *a f*: idque per cõuersam decime octauę propositionis primi libri epitomatis in magnam Ptolemæi constructionē, aut per arealem ingressũ cū præfata declinatione in supputatam declinationis solaris tabulã. Hęc autem distantia *a f*, erit ad ortum, si latitudo *h f*, fuerit septentrionalis: uel dirigetur ad occasum, ubi præfata latitudo fuerit austrina.

## SECUNDI LIBRI CANONVM ASTRO- NOMICORVM FINIS.



**Virescit uulnere Virtus.**





PROPOSICIÓN

El presente documento tiene como objetivo principal  
establecer las bases para el desarrollo de un  
proyecto de investigación que permita  
analizar el impacto de las políticas  
económicas en el sector agrícola.


OBJETIVO

ANÁLISIS DEL IMPACTO



BIBLIOTECA  
DEL  
OBSERVATORIO DE S. FERNANDO

~~Pr. Am~~  
~~Pr. Am~~



Obsc

Núm

3872

ORONTE  
EIMIA  
ARTE  
PRATICA

Observatorio de Marina  
BIBLIOTECA

Núm. 150